

NATIONAL ASSEMBLY OF SEYCHELLES

Thursday 08th April, 2021

The Assembly met at 9am

National Anthem

Moment of Reflection

Mr Speaker in the Chair

SEYCHELLES LICENSING AUTHORITY

MR SPEAKER

Bonzour tou Manm Onorab pou sa Lendi. Bonzour tou nou piblik a lekout. Nou a pas direkteman dan Staz Komite pou kontinyen avek *Appropriation Bill*. E nou annan delegasyon Minister Tourisms, specifically Seychelles Licensing Authority.

Bonzour tou delegasyon, bann zofisyé. Nou annan Seychelles Licensing Authority e nou *welcome* Minis Naadir Hassan, Minis pou Finans, Plan Ekonomik ek Komers e osi PS Damien Thesee e Madanm Astride Tamatave ankor sorti kot Minister Finans.

Lo kote Seychelles Licensing Authority, welcome

Mr Andre Pool, *Chief Executive Officer*, Mrs Jessica Larue, *Deputy Chief Executive Officer* e Mrs Karine Andre, *Accountant*.

Nou pe pran Bidze pou Seychelles Licensing Authority ki lo paz 157 ziska 163 pou en total R16milyon 309mil. Mon envit Minis pou prezant sa Bidze.

MINISTER NAADIR HASSAN

Mersi Mr Chairman. Bonzour Mr Chairman. Bonzour Dirizan Lopozisyon. Bonzour Dirizan Zafer Gouvernman. Bonzour tou bann Manm e manm piblik a lekout.

Mr Chairman, Bidze Lotorite Licensing pou 2020 ti orizinalman R18milyon. Apre ki Bidze ti ganny koupe o kour lannen an vi sityasyon COVID-19, Bidze ti ganny amande pou R17.2milyon. Pli tar sa ti osi ganny revize pou ariv R16.6milyon.

Bidze sa Lotorite i normalman konpri 67poursan pou saler e 33poursan pou bann depans lo *goods* ek *services*.

Pou Bidze 2021, Bidze ki pe ganny propoze i R16.3 milyon. Sa i R1.7milyon an mwens ki Bidze orizinal pou 2020. Bann depans in ganny redwir lo laplipar bann laliny

Bidze eksepte lo bann depans adisyonnell, *comme* swivan:

Licensing pe fer provizyon pou aste bann *printer* avanse, pou *print* bann *driving licence* lo Mahe e Praslin.

Reparasyon lo bann transpor pou Departman Lenspekte e depans neseser pou proze *digitalization* e *online services*.

Lotorite *Licensing* in fer bann gran progre lo kote modernizasyon son loperasyon e lo *service delivery*. Toudmenm *Licensing* i annan serten lobstak ki ralanti Lotorite dan son misyon. Sa bann difikilte i bann novo target pou sa Lotorite.

Lotorite *Licensing* pe fer en revi konpreansiv lo son bann Lalwa e Regilasyon. Sa i en prosedir ase long vi ki i bezwen kekli bokou lezot partner e osi enkorpor revolisyon dan devlopman sosyoekonomik pei.

Sa revi i osi enkli revi lo lalis bann aktivite ki *licensable*, ranforsi bann provizyon lo kote bann pouvwar, ranforsman Lalwa e pouvwar regilater lo pa zis bann dimoun ki annan *licence*, me osi bann ki pe fer bann aktivite san en *licence*.

Ranforsi bann provizyon lo bann lofans e osi bann penalti ki aplikab.

Renouvelman bann regilasyon pou bann aktivite ki *licensable*. Lotorite pe target fini sa travay pou soumet avek Lasanble Nasyonal pandan sa lannen 2021.

Avek bon konpreansyon *DICT*, *Licensing* i espekte lans son bann servis *online* dan 2 faz sa lannen. Sa servis pou fasilit manm piblik pou fer zot aplikasyon e peyman zot *licence online*.

Sa *licensee* pou osi kapab *print* son *licence* ki'n ganny *issue* lo sa *e-portal*. Premye faz i espekte konplete lafen Avril 2021. Dezyenm faz i espekte konplete lafen Zen 2021.

An term koleksyon reveni o kour bann lannen *licensing* in obzerv en logmantasyon kontinyel. Ti annan en logmantasyon 4.6 poursan dan koleksyon reveni pou 2019, kot reveni ti ogmant par R9milyon sorti R194 milyon an 2018 pou ariv 203 milyon an 2019.

An vi sityasyon pandemi *COVID-19*, reveni kolekte 2020 i desann par 3.9poursan konpare ek 2019. Sa i en rediksyon 7.896milyon akoz bann biznes ki'n swa kennsel zot *licence* oubyen ki'n aret fonksyonnen pou sa bann peryod.

I enportan pou note ki Lotorite *Licensing* pe remarke

ki plizer sa bann biznes ozordi pe vin rekomans pey zot *licence* pou repran zot aktivite. Mersi Mr Chairman.

MR SPEAKER

Mersi Minis, nou a komans avek bann Manm. Onorab William, ou'n pare.

HON WAVEN WILLIAM

Mersi Mr Chairman. Bonzour Minis avek ou lekip. Bonzour tou manm piblik ki a lekout. Mr Chairman, manda *Seychelles Licensing Authority* se pou fasilit biznes, devlopman sosyoekonomik par ranforsi Licence Act e Regilasyon, pou kre sa lanvironnman ideal pou devlopman soutenab biznes dan Sesel.

Mr Chairman, mon ti a kontan demann avek CEO, si i kapab ouswa Minis, pou donn nou en pti pe avek sa sanzman, ki zefor e novo lapros ekstra ki zot pe anmennen pou kapab fasilit vreman sa lanvironnman e klima fer biznes dan Sesel?

E mon osi anvi envit zot lo ‘*major achievements*’, kot nou pe koz lo *bullet point 4* avek 5. E mon anvi demann zot ki zefor an plis pe ganny mete pou fer ek bann diferan Lazans pou fasilit sa bon klima

e lanvironnman fer biznes Sesel? Akoz i resamble ki i annan serten mal antandi.

Zis mon ava donn en legzanp ki mon’n deza site dan Lasanble, par egzanp ou annan bann *take away*, dan bann moman difisil kot ou vwar ki sa bann dimoun zot anvi diversifye servis ki zot donnен.

Par egzanp, pou ou fer *popcorn*, pou ou fer *milkshake*, zot ganny difikilte akoz zot bezwen re al rod en lot *licence*. Akoz zot ganny dir poudir pou fer sa i tonn dan kategori *manufacturing*.

E ler ou regarde i vin en serten fardo akoz, akoz pa ti annan sa *one-stop shop* ouswa en fason kot sa bann dimoun pa ti bezwen la pas an tou sa bann tourman, me dan en senp vizit vwar ki bann facilite ki zot annan en permet zot kapab fer sa bann biznes ?

Mon dernyen pwen se *bullet point 4*, letan zot pe dir zot pe ganny difikilte avek bann *stakeholder*, mon anvi konnen lekel sa bann *stakeholders* ki zot pe ganny difikilte dan bann ‘*current challenges*?’

E baze lo zot leksperyans, kwa de novo lapros zot anvi anmennen pou zot kapab, enn fer lavi nou bann dimoun ki

anvi fer biznes Sesel, fer zot lavi fasil? Mersi.

MR SPEAKER

Mersi. Minis.

MINISTER NAADIR HASSAN

Mersi Mr Chair. Mersi Onorab pou ou kestyion. Mon a pran sa *issue Ease of Doing Business*. Apre CEO ava al lo bann mezir ki *SLA* li menm pe pran.

Bon, san dout lo sa *issue Ease of Doing Business* i annan en gro *issue* Sesel. *I mean* nou tou nou bezwen aksepte *there is an issue there* e annefe Minis responsab pou Lenvestisman, Lantreprenarya ek Inovasyon, sa i enn son azanda priyорite.

Akoz *the issue of Ease of Doing Business* i pa zis en *issue SLA*, i en *issue* diferan Lotorite ki nou bezwen regarde ki mannyer nou *simplify* sa bann prosedir ki i vin pli fasil pou komans en biznes.

So, sa i en louvraz ki Minister Devika Vidot pe fer e parey mon'n dir i en priyорite pou li. Me li kote *Licensing* li menm, ki diskisyon mon'n fer avek CEO, ki nou lo menm *wavelength*, se ki nou pe pousssa azanda *digital* e sanmenm sa ou vwar poudir la *Licensing* bann servis ki i *provide* i kapab *digital*.

So, si ou pe *apply* ou *licence*, ou bann zafer. Ou kapab fer li, ou pa bezwen fizikman al kot *Licensing*. Sa i senpleman en mezir ki pou ed serten sityasyon, me i pa pou *solve* tou problemki annan lo ou *Ease of Doing Business*.

Sa i en *issue* vreman konpleks e i pou *require* en louvraz plizyer bann *stakeholders*, bann Lotorite dan Sesel, ki mannyer nou senplifye sa bann prosedir. Me pou lezot kestyion mon ava pas avek CEO pou reponn. Mersi.

MR SEPAKER

Mersi CEO. Go ahead.

CEO ANDRE POOL

Mersi Mr Chairman. Bonzour tou Manm Onorab ek *staff* Lasanble e piblik ki pe ekoute. Bon lo sa *issue challenges and stakeholders* Onorab, mon krwar i enn nou bann *major issue*, ki si ou le nou anvi rezourd. Me ankor enn fwa i pa toultan fasil.

An se ki konsern bann aktivite, sak aktivite ler ou fer en aplikasyon pou ganny en *licence*, nou deza annan lekel bann *stakeholders* ki nou bezwen konsilte e ganny zot rekomandasyon.

E nou pou vwar ki enn parmi bann *stakeholders* kle se

health. Health, Lasante Piblik, kot nou bezwen zot rekomandasyon before nou aprouve e issue the licence.

So, nou an diskisyon, nou'n diskite. Nou an diskisyon avek zot lo ki mannyer nou kapab *improve* sa kolaborasyon, pou benefis sa aplikan. Nou pa pou kapab zanmen elimin sa nesesite pou ganny rekomandasyon *Health*.

So, wi nou an diskisyon e nou anvi ki keksoz i bouz pli vit. Nou anvi i vin pli fasil pou aplikan. E mon kapab dir ou dan sa legzersis ki nou pe fer *actually*, nou krwar ki nou pou *achieve* sa *target* ki nou'n set. Bon.

Me selman an menm tan les mon a ava profit sa lokazyon pou dir ki parfwa i annan aplikan, i annan dimoun ki fer lavi difisil. Akoz? Akoz ler zot fer laplikasyon pou serten sa bann aktivite, zot ganny dir bann paramet ki zot bezwen *meet* pou kapab ganny konsidere.

E souvandfwa parler zot osi nou demann zot pou pran zot responsabilite e *meet* sa bann paramet.

So parey *Minister* in dir. Wi nou ledwa i lo la dan sa legzersis *Ease of Doing Business* e nou espekte ki sa lannen nou ava fer en diferans

letan nou'n ankadre bann regilasyon ki nou pe revwar, ki nou pe re travay lo la. So, vwala en pti pe Mr Chair, sityasyon. Mersi.

MR SPEAKER

Wi, Onorab.

HON WAVEN WILLIAM

Mersi Mr Chairman. Mr Chairman, sa i en size ki vreman enteres plizyer dimoun dan distrik. Minis avek *CEO*, pran par egzanp kot lans Grand Anse, Mahe. I annan bokou dimoun ozordi ki frekant sa lans, menm touris, pou sa piblik al deor ganny li kler, ki anvi pa depan lo *welfare*, sirtou la dan bann moman difisil.

Kot dizon i vvar be poudir i annan en demann akoz obor sa lans napa en restoran. I anvi met en pti *grill*, fer son pti pwason griye ouswa son pti *steak* pou vann avek touris. Eski ou kapab donn sa pep deor la, ki bann keksoz ki i bezwen fer?

Akoz ki arive se ki parey mon dir, sa bann dimoun pa anvi vin en lannwi pou Gouvernman pou depan lo *welfare*. Ki bann prosedir si i anvi fer sa? Dizon i ale, i fer li, i marse. E i fer li prop. Demen bomaten Lasante i vini, i tay lo

li. Ki bann prosedir i bezwen fer pou li kapab reste dan biznes? Mersi.

MR SPEAKER

Mersi. Minis, wi.

MINISTER NAADIR HASSAN

Mersi Mr Chair. Mersi Onorab. Ou konnen, mon krwar larepons pou sa kestyon se ki, mon krwar nou tou sa ki nou anvi fer se larg lanmen Seselwa, en ? So mon krwar i bezwen kler. Mon a servi ou legzanp.

En dimoun i oule fer en pti *grill*. Mon krwar son bann kriter i devret senp. Nou tou nou konnen ler nou pe prepar manze i annan en laspe lizyenn. So i devret annan en prosedir senp, ki kriter. Sa dimoun i vreman konnen ler i pe al *set out* i al laba, i donn mwan tou mon kriter, mon *meet* tou mon kriter, mon ale, mon ganny mon *licence*. E Lotorite li, tanzantan i vini, i fer son *spot check* ki dir i pe swiv sa bann kriter.

Mon krwar i sa ki nou bezwen met an plas. Tir en pe sa bann konplikasyon ki egziste e fer li kler, senp. Ou zwenn bann kriter, ou ganny ou *licence*, i annan bann *check* ki ganny fer.

E sa mon krwar ler nou pe koz *the Ease of Doing Business, this is what we are looking for.*

So dan sa legzersis ki sa, dan Minister kot Lantreprenarya pe travay lo la, mon krwar sa ki zot lobzektif prensipal. Mersi.

MR SPEAKER

Mersi. Onorab Sophola.

HON NOLINE SOPHOLA

Mersi Mr Chair. Bonzour. Bonzour Minis ek ou delegasyon, tou Manm Onorab e tou dimoun ki a lekout.

Minis mon premye kestyon se *overpricing*. Minis i annan bokou dimoun, bokou kliyan ki pe soufer avek sa *overpricing* bann servis ki zot gannyen. E parfwa zot pa konnen ki zot pou ale, ki rekour, kote vreman zot pou anmennen.

Minis eski Lotorite *Licensing* i ankor responsab pou donn bann dimoun lenformasyon, pou *deal* avek sa problem ler sa sityasyon i arive? Eski zot kapab donn en lesplikasyon lo sa laliny?

Mon dezyenm kestyon, se ki sa Lotorite pe viz ver *digital*. E pa tou kliyan, pa tou dimoun ki dan biznes ki an se moman i kapab travay lo la. Ki dezyenm

opsyon ki zot pe donn sa bann kliyan?

E osi ki provizyon ki sa Bidze pe fer, pou donn ledikasyon piblik lo servis ki Lotorite *Licensing* e osi lo *digital* i anmennen?

E mon dernyen kestyon se ki, i annan en konfizyon deor ki bann dimoun par fwa i al kot *Licensing*. Mete mon pe rod en transpor, mon al kot *Licensing*. *Licensing* zofisyen dir ou non, retourne kot *Land Transport*. *Land Transport* i dir ou non e sa pov dimoun la i *va et vient, va et vient* lazournen antye. I pa vreman konnen ki si sa, kote i pou ale.

E la ozordi nou annan sa posibilite, mon ti a kontan ki petet Lotorite *Licensing* i fer kler, ki son pozisyon kot ki bout li i fer e ki bout ki *Land Transport* i fer e ki lot ki lezot *agency* ki travay avek ou i fer? Mersi Mr Chair.

MR SPEAKER

Mersi Onorab. Minis, wi.

MINISTER NAADIR HASSEN

Mersi Mr Chair. Mersi Onorab pou ou kestyon. Lo sa premye kestyon lo *overpricing*. *The mechanism* pou *price control* ti ganny *remove* mon krwar dan bann lannen 2000. So *SLA* li

menm li napa sa manda pou *regulate prices*.

Me selman mon krwar *issue of price control*, nou dan en marse, sa ki nou apel en marse liberal, kot *demand and supply* i *drive prices*. Mon konnen i annan en kantite *issues there*, ki nou bezwen pran bann mezir pou *increase* konpetisyon ki li i sipoze *drive down prices* e bann lezot mezir osi.

Me *SLA* li menm li napa manda, *maybe with the exception* lo kote parey *taxi fares* ki li i ganny *regulated*, sa mon pa konnen si *CEO* i a dir *something about it*. Me lo *price control* li menm, *SLA* napa manda.

Lo *issue digital*. Ler nou dir nou pe bouz *digital* i pa *mean* ki sa servis ki *non digital* pa pou egziste. So *SLA* pou *still provide* opsyon pou bann ki pa kapab servi *digital*. Me in *the long run* nou oule bouz lo la akoz i en sistenm, i en sa ki pli *efficient*. I redwi kou e i *improve* ou *ease of doing business framework*. Me selman sa opsyon *non-digital* pou *still* egziste.

Lo kote ledikasyon, parey zot konnen mon met en kantite lanfaz lo komunikasyon, ledikasyon, *awareness* e ki nou pe organize la, se ki avek

lasistans Minister Finans, ki kapab kordin ek tou lezot antite ki tonm anba *ambit* Minister;- ki nou kapab devlop bann programm *awareness*, ledikasyon ek bann lezot *stakeholders* ki i kapab edik plis dimoun lo mannyer bann servis i marse.

E lo sa dernyen kestyion mon a pas avek *CEO* pou reponn. Mersi.

MR SPEAKER

CEO.

CEO ANDRE POOL

Mersi Mr Chair. An se ki konsern *taxis fares*. Parey *Minister* in eksplike, *taxis fares* ganny *set* par Departman Transpor e kolaborasyon avek plizyer lezot *stakeholder's* byensir, *Tourism*, *SLA* e i ganny *monitor* par nou tou e mon krwar sa i enportan mon dir.

Par nou tou, akoz sa zafer sa i mon bout i pa mon bout. Mon krwar *SLA* nou pa travay koumsa, sa travay kolaborasyon i tre enportan.

So nou annan ka kot *taxis fares* in ganny vyole, in ganny rapporte avek nou e premye *step* ki nou pran nou apel sa drayver *taxis*. E nou byensir *the right to be heard*, nou bezwen respekte. E nou deside apre ki

aksyon nou pran kont li. Si nou donn li en *warning*, si nou *fine* li, si kwa. So sa *kot taxi fares* i konsernen.

Me toultan nou bezwen levidans. Sa i tre enportan, akoz pa zis dir poudir entel in *overcharge*, me napa levidans. Trez enportan

Bon an se ki konsern relasyon travay vizavi *SLA*, Departman Transpor, *Road Transport Commission*. Mon kapab dir ki nou annan en bon relasyon travay. I kapab vin meyer ankor e se sa direksyon ki nou pe bouze.

Mon pa'n tro ganny ou sa zafer ou bezwen transpor, i anvoy kot *SLA*, i anvoy kot transpor. Me selman mon kapab dir ou ki ler Onorab Sophola i deside aste en transpor, Onorab Sophola in rod san transpor. Si en transpor nef, son lazans ki'n fer vini son transpor oubyen li menm, zot vin anrezistre kot *SLA* avek tou son bann detay transpor.

Si Onorab Sophola, in aste en transpor parey nou dir dezyenm-men, i vin avek *owner* sa transpor, i vin kot nou pou fer bann transfer neseser. E vwala i annan en prosedir ki ganny respekte.

So mon pa kapab konpran akoz ki sa zofisyne swa

SLA, swa kot transpor pa'n kapab eksplik Onorab Sophola en senp keksoz koumsa.

E sa toulstan, mon *Deputy* i la. Toulstan nou pa mank lokazyon ler nou zwenn *staff* pou nou koz avek zot lo nesesite pou donn lenformasyon korek avek piblik. I trez enportan sa akoz tou *staff* i konn sa prosedir swivan.

Bon, dernyen pti bout an se ki konsern ledikasyon. Nou annan nou *website* parey in ganny dir. Tou lenformasyon nou met lo nou *website*. Zisteman la nou annan en pti problem, akoz i sitan annan trafik lo nou *website*, nou remarke ki i annan en pti blokaz *somewhere*.

Nou an diskisyon avek nou *website developer* pou nou kapab rezourd sa. Nou mazinen dan prosen zour ki al devan nou, nou an met lanmen lo la. E i enportan ki nou ankouraz dimoun pou zot al lo nou *website* e zot ganny en kantite lenformasyon an se ki konsern ledikasyon piblik, an se ki konsern aktivite ki nou fer e tou sa ki ou bezwen. E i ganny *updated constantly*. So vwala Mr Chair.

MR SPEAKER

Wi, lekel zofisyen ki'n lev lanmen la. *Deputy CEO*. Yes, *Deputy CEO*.

DEPUTY CEO JESSICA LARUE

Thank you, Chairman. Mersi Onorab pou ou kestyon. Bonzour a tou dimoun. So zis mon anvi azout en pe. Nou'n mete dan Bidze en pe provizyon pou public sensitization. Nou'n vwar nesesite.

E sa *public sensitization* i pa pou ganny fer selman par SLA. Me i osi annan bann *joints effort* ki nou pe travay lo la avek FTC, *planning* e lezot Lazans osi. E nou annan bokou *platform* pou *public sensitization* ki nou pe al servi osi. Nou pe al ranforsi bann *public sensitization*.

Akoz nou vwar en pe konfizyon petet lo, dan piblik lo bann prosedir, bann *requirements and all that*. So nou annan nou *website* parey *CEO* in dir, nou annan nou bann *direct enquiry email*, nou annan nou *platform* lo medya sosyal.

E osi nou pe *train* nou bann *customer officers* pou kapab donn *the right information*. E through *digitalization* osi nou pe travay

lo en kalite *platform* ki nou kapab fer bann *chat rooms*.

E Departman Lenvestisman an kolaborasyon avek *SLA* ek lezot Lazans osi pe travay lo en *platform - internet platform* kot en *e-platform*. Kot tou bann lenformasyon lo tou sa bann Lazans konsernen ler pou pe komansman konsiltasyon, *investment* dan biznes, *registration* dan *licensing*, tousala pou lo sa *platform* e sa nou i en proze ki *ongoing*. Mersi.

MR SPEAKER

Mersi. Wi Onorab.

HON NOLINE SOPHOLA

Mersi Mr Chair. Mersi Minis e *CEO* pou leklersisman. Me selman i annan zis en keksoz *CEO* ki mon pe zis re tous lo la e mon pou met sa pwen tre for ;- se ki sa zafer ler ou'n dir sa bann transfer dokiman la, se sanmenm la ki annan problem.

Ler sa dokiman kot ou, laba kot *Land Transport* i dir non, *Licensing* ki devret pe donn mwan. *Licensing* i dir non, laba. Se sa. E si fodre koz avek ou vizavi, apre mon ava eksplik kou ou *the real situation*. Mersi Mr Chair.

MR SPEAKER

Mersi. *CEO* a *deal* avek sa apre. Onorab Samynadin.

HON KELLY SAMYNADIN

Mersi Mr Chair. Bonzour Minis e delegasyon *Licensing*. Mon premye kestyon i en konsern sorti kot enn mon zabitan, eski Gouvernman pe mazin revwar *licence* ki bann dimoun ki fer *snacks* i gannyen? Bann ki fer pou lekol oubyen pou met dan laboutik?

Konsern se ki pa zot tou ki annan sa sertifika *STA* ki rekomande. Me selman zot osi zot anvi leve e debrouye, kontribye dan lekonomi pei.

Dezyenmman anba tou bann programm, mon vvar ki i annan en rediksyon dan '*wages and salaries*.' Me dan zot '*current challenges*' zot in afirmen ki zot annan en lensifizans dan *staff capacity*.

Si nou ti kapab ganny en leksplikasyon lo akoz sa rediksyon. Eski in annan okenn *redundancies* dan Lotorite *Licensing*? Kwa ki Lotorite pe fer atraver sa Bidze byensir pou asire ki sa kontrent *staffing* i ganny remedye?

E mon dernyen kestyon, eski zot pe mazin desantraliz plis zot servis? Si wi, ki bann

lokasyon e si zot pe konsider met en brans dan sid Mahe, pou fasilit aksesibilite zot servis avek bann kliyan sa rezyon? Mersi.

MR SPEAKER

Mersi. Minis, *yes*.

MINISTER NAADIR HASSAN

Mersi Mr Chair. Mersi Onorab. Lo sa premye kestyon mon krwar tou sa bann kriter *Licensing* i sa diskisyon ki pe *go on*. *What will be the relevant criteria* pou nou kapab ouver biznes.

E parey mon'n mansyonnen *the ultimate* obzektif se larg lanmen Seselwa, les zot travay. E dan sa *spirit* tou sa bann keksoz ava ganny regarde. E *once* finalize nou a *rule out* en novo *frame work* pou diferan kalite biznes.

Lo kote *staff resources*, mon a pas kot *CEO* apre, me selman zis mon a dir, nou konnen ki poudir sa lannen Bidze i en Bidze ase sere an vi problemm ekonomi. E definitivman pa tou bann landrwa ki'n demann serten *staffing* ki zot pou kapab gannyen *for obvious reason*.

Me *as resours i become available* e nou *priorities* ki bor sa bann resours i gannyen,

resours finansye *then i a ganny* dirize. Me mon a pas avek *CEO* pou lezot kestyon. Mersi.

MR SPEAKER

Yes, CEO.

CEO ANDRE POOL

Thank you, Mr Chair e Minister. Zis pou azoute Onorab an se ki konsern zafer *snacks* ensidswit, tou bann dimoun ki ti pe *operate* anba sertifika *ESA, SEnPA-ESA*, tou sa tranzaksyon in ganny transfer avek *SLA*.

E nou'n asize avek bann *stakeholders* pou nou vvar egzakteman *how do we move forward?* E nou pe vvar ki bokou zot, zot pe debrouye parey Minister in dir e i pa nou lentansyon pou al anpes person aret zot aktivite, akoz zot pa *meet kriter licence*.

Non. Lwen de sa. Nou pe vvar parey *Minister* in dir, *how do we move forward from there?* E mon kapab garanti ou ki enn bann desizyon ki nou pe propoze, se ki nou donn zot en serten peryod letan pou zot *meet bann kriter*, ki zot pou bezwen *meet* pou ganny en *proper licence*. *Ok?*

La i annan diferan *proposal*. I annan 2an, i annan 5an ensidswit. Me tousala i a ganny ankadre e

once ki nou'n fini tonm dakor byensir i a vin devan zot e nou ava agree how we move forward.

Me selman *rest assured* ki napa okenn sa bann pti biznes ki pou ganny afekte dan sa legzersis.

Bon, dezyenm keksoz. *Wages and salaries, reduction, trezyenm mwan saler.* Ok, napa lot rezon. Trezyenm mwan saler e napa *staff or redundancy.*

Desantralizasyon, wi Onorab, ti dan nou plan desantralizasyon. Dernyen fwa mon ti vin dan sa Lasanble mon rapel mon ti koz lo la e prezant plan. Sa lannen nou ti annan en plan pou nou ouver en lofis Anse Royale pou rezon sid, sid was. Me avek sityasyon Bidzeter sa i pa'n posib.

Nou ti'n plizoumwen pare, so nou'n konpran ki i pa pou posib. So i la, nou a kit li *pending* e osito ki sityasyon bidzeter i a permet nou ava bouz dan sa direksyon. Me i annan en ensiste pou en lofis SLA dan nou rezyon.

Bon, prezan mon pa konnen si avek ler nou'n *online* tou nou zafer in sa, si pou annan sa nesesite. Sa i en desizyon ki nou ava bezwen

pran *when we reach there.* Mersi Mr Chair.

MR SPEAKER

Mersi. Onorab Cosgrow.

HON WALLACE COSGROW

Mersi Mr Chair. Bonzour Mr Chair. Bonzour Minis, tou dimoun dan delegasyon. Bonzour tou Onorab. Bonzour tou dimoun ki pe ekoute. Mon annan de pti kestyon.

Minis premye kestyon i konsernan nouvo Lalwa *Licensing.* Souvandfwa bokou dimoun i konn bann sanzman dan Lalwa ler i prezante devan en *desk Licensing or any another lenstitisyon for that matter.*

Dir nou ozordi en pti pe ki bann nouvo keksoz ki zot pe anmenn dan nouvo Lalwa *Licensing*, bann lamannman? Petet ki *at least* dimoun a kapab deor konn en pti pe kwa ki bann bon keksoz, bann nouvo keksoz, pou fasilit zot lavi en pti pe ler zot pe fer zot biznes ouswa pou bann keksoz personnel?

Dezyenm, ou annan ou en lalis of *non-licensable activity.* 33 to be precise si mon byen. Ladan i annan en kantite bann aktivite ki bann dimoun i enterakte en kantite avek piblik.

Dir mwan, eski ki arive si par egzanp enn sa bann aktivite or enn sa bann biznes ;- annou pran en mason par egzanp, i kontinyen fer lakaz tor ouswa i kontinyen fer bann *malpractice* dan son biznes. Ki mannyer ou *deal* avek en sityasyon koumsa, vi ki i napa en *licence* pou ou aras li, pou anpes li *practice*?

So eski sa - mon konpran nou'n larg biznes pou sey fer biznes bouze, ale. Me eski sa i pa vin en problem demen pou bann konsonmater, ki pe ganny servis avek sa bann dimoun?

Mon rekonnèt ki pa tou ki fer sa, me selman i annan bann sityasyon kot dimoun i rankontre difikilte avek serten dimoun, ki pe fer bann aktivite biznes, me selman ki pa bann *licensable business activities*, apre ki difisil pou al Ankour, pou menm ganny en rekour *somewhere*. So eksplik nou en pti pe dan sa laliny. Mersi.

MR SPEAKER

Mersi. *Panel wi. CEO.*

CEO ANDRE POOL

Mersi Mr Chair. Si mon'n ganny li byen, i annan 3 issue. Bon premyerman *with regards to travay ki pe ganny fer pou revwar, moderniz e re organiz*

SLA Act avek sa bann Regulations.

I pou difisil pou mwan al dan bann detay la akoz nou ankor lo en faz ki nou pe prepar *the first Cabinet Paper* e ler *Cabinet Paper* preznan in donn son direksyon, la si ou le nou ava dan en pozisyon pou nou fer li.

Me selman mon kapab dir ou ki 1). *Ease of Doing Business* i premye prensip.

2) Revwar zisteman ki mannyer nou fer fas avek bann *challenges* ki ozordi i annan dan sa pei, *with regards to business* e sa i enkli bann *licensable activities*.

E 3), mon kapab dir ou ki i annan sa *issue decentralization of Licensing activities* ki nou'n diskite, Minister. Lo enn fwa pour tou, Gouvernman i bezwen pran en desizyon, *how do we move forward* an se ki konsern bann aktivite pou ganny *issue* en *licence*. Ok?

Eski nou kontinyen avek sa *trend* kot sak pti Departman si oule i en *Licensing Authority* dan li menm, oubyen ki nou annan en *santralize body* ki *manage all the licensable activities* an kolaborasyon avek sa bann *stakeholders*.

Mon krwar ou konpran tre byen ki mon pe dir. Bon, *once* ki tou sa bann *issue* si oule in fini ganny met ater, etabli, desizyon ganny pran, la si oule nou kapab *move forward*, enkli preznan adapte bann *regulations* ki egziste ozordi avek *the central Act*.

Nou annan nou 29 *Regulations* ki diriz nou bann loperasyon. So, i en kantite e ou bezwen moderniz li anliny avek *the Act* ler i fini ganny aprouve avek sa Lasanble li menm. *Ok*, i en gro travay.

Now, with regards to list of non-licensable activities. wi, nou tou nou agree ki si avantyer i pa ti en problem, ozordi i en problem. So definitivman Gouvernman nou pe revwar e en desizyon a ganny pran byento.

Mwan mon pe menm propoze ki i annan serten nou bezwen petet fer serten lamannman avek *the regulation itself* kot i posib, pou nou bouz pli vit an atandan nou pli gro travay i ganny fer, akoz i annan labi dan sa zafer. *Ok?*

Nou annan *non-licensable activities* kot ou ganny menm etranze ki vin dan nou pei, ki si oule pe fer serten sa bann travay. Pe pran manze dan labous nou prop Seselwa. Me mwan sa i

bezwen arete. *Ok*, i bezwen arete e nou bezwen fer le neseser.

Bon, kontrakter. *Ok*. Kontrakter i en aktivite ki *licensable*, so si en dimoun i al rod en kontrakter ki napa en *licence* pou fer son louvraz, i pe rod en problem pou met lo li, *ok?*

So, nou bezwen edik nou dimoun ki i annan serten louvraz ki i bezwen fer, i bezwen rod en dimoun ki annan en *licence* pou fer, akoz zisteman demen ler pou ariv problem i pou vvar li dan en sityasyon tre difisil.

E nou deza annan en fason ki nou *deal* avek kontrakter, me selman *licensable*. Bann ki annan *licence*, *i mean*. Kot ordinerman tou sa bann konplent si oule i al kot *Fair Trading Commission* e *Fair Trading* si ou le, nou annan sa ki ou apel en *tripartite* ant nou, *Fair Trading* avek *Planning Authority*.

Kot tou sa bann konplent, nou zwenn *quarterly*. En fwa tou le 3mwan, nou *deal* avek sa bann *cases*. Nou tonm dakor lo ki bann aksyon ki nou pou pran e nou enplimante.

Si zot santi ki sa kontrakter i bezwen rann sa dimoun son larzan, i pou rann.

Si nou santi ki sa dimoun i bezwen ganny sispann son *licence*, nou pou sispann. Si zot santi ki nou bezwen *revoke*, nou pou *revoke*. So i en travay lekip kolaborasyon parey mon ti dir boner ki nou pe bouz dan sa direksyon, pou nou kapab protez konsonmater avek bann biznes si ou le ki pa *perform as they should be doing* oubyen konn zot kondisyon *licence*.

So, vwala en pti pe, nou pe fer pa mal progre dan sa direksyon akoz ler nou ti komanse mon rapel 3an pase, nou ti annan aepre 15 a 20 kontrakter, sak *sitting*. Ozordi nou napa plis ki 7, 8. So, in montre. Fodre amwen mon pa konnen, dimoun pa rapporte. Me selman i le ka.

So vwala, nou pe bouz dan sa direksyon vizavi bann kontrakter ki pa onor zot lobligasyon. Me si zot napa *licence* i poz serten difikilte pou nou *SLA, deal* avek zot. Mersi Mr Chair.

MR SPEAKER

Mersi CEO. Onorab Porice.

HON DOYACE PORICE

Mersi Mr Chair. Bonzour *Minister* avek ou lekip. Lekip *Licensing*. Bonzour tou mon bann koleg. Mon premye kestyon i konbyen letan ki zot

pran pou *issue en licence* apepre? Eski i annan okenn nouvo logmantasyon lo nenport ki *licence*? Eski zot tret tou *licence, fair e zis* atraver tou aplikan ki vin kot zot? Mersi.

MR SPEAKER

Mersi. *CEO go ahead.*

CEO ANDRE POOL

Letan pou *issue en licence*, nou Lalwa i dir nou pa plis ki 14 zour e nou fer nou mye pou nou kapab obeir sa. Now, bann ki *over the counter* parey nou dir, savedir ki depan zis lo nou. Mon garanti ou Onorab i pa pou pran plis ki 7 zour, i pa devret pran. Si zot ganny sa konplent les nou konnen e nou pou *deal* avek.

Now, i annan bann preznan ki nou anvoy kot bann *stakeholders* pou rekomandasyon, la parfwa wi nou annan serten *challenges*, serten retar. E nou tant pou *follow-up* apre setyenm zour. Nou tant pou *follow-up* pou vwar.

Selman mon kapab dir avek ou ki sirtou lannen pase avek sityasyon *COVID* ensidswit, nou'n ganny pa mal bann sityasyon kot ;- par egzanp bann rekomandasyon ki nou bezwen sorti kot

Lasante, zot in ganny serten retar akoz zot staff ti *involve* dan *contact tracing*, lot, lot. So in annan sa bout. Me *that's the picture* ki i devret pe swiv.

Logmantasyon dan *fees SLA*, non. *Ok*, depi ler mon'n la sa desizyon pa'n ganny pran e pour lemoman i pa lo latab osi. So, mon pa konn pli tar.

Wi, Onorab tou laplikasyon ki vini pou *licence* i ganny swiv regilasyon ki sa *licence* i tonm anba la. Savedir wi, tou i ganny trete parey. E si i annan okenn ka spesifik ki sa in arive, silvouple fer mon lofis konnen e nou ava *deal* avek. Mersi Mr Chair.

MR SPEAKER

Mersi CEO. Onorab Gabriel.

HON CONRAD GABRIEL

Mersi Mr Chair. Bonzour tou dimoun a lekout. Bonzour tou Onorab. Espesyalman bann dimoun Pointe Larue, mon dir zot en gro bonzour. Mersi *welcome* Minis ek ou *panel*.

Premyerman mon ti a kontan tous sa size *licence* pou *scooters motorcycle*. Petet si *panel* i kapab donn nou en pe detay egzakteman ki bann *criteria*, en pti pe mon leksperyans en pti pe dan sa laliny. Ki sa zafer *scooter*, aksidan i vin en pti pe bokou.

Zis donn nou en pe plis detay lo la?

And then about program 3. "Inspection, investigation and enforcement." Zot annan dan zot Bidze aepre 2.5 milyon pou *wages* ek tou bann keksoz ki pou al ouver byento i annan bann *discotheque, licensing bars, night clubs*. Petet zot bann *investigation and enforcement officers*, ou santi zot annan ase pou kapab *fulfil* sa travay?

Akoz ler i ouver la i pou annan en bon pe aktivite, dimoun petet pou *look forward*. Ki mezir zot annan an plas pou *ensure* ki bann *night club* i onor zot bann regleman?

*And then, sa zafer ou'n tous en pti git, zafer bann kontrakter ki pa onor zot lagreman anver zot kliyan. Me selman still, annan de fwa. Mahe i ptipti, Sesel i ptipti, so i annan ki sanz *partner*, i annan ki sanz dimoun. Selman still zot ganny en *licence* lo en lot form.*

Eski ki mannyer zot pe fer pou *tackle* en pe sa *issues*, pou anpes li al an deor kontrol? Kot bann Seselwa i al vwar zot pe al *end-up* Ankour pou zot prop larzan ki zot *invest*, zot *loan* ki zot in pran Labank? Zis donn nou en pe detay lo la silvouple? Mersi.

MR SPEAKER

Mersi Onorab. *CEO, yes.*

CEO ANDRE POOL

Mersi Mr Chair. Mr Chair, premye sa zafer *licence* moter. Nou, nou kontrol sa bout kot ler ou aste moter ou vin kot nou. Ou anrezistre moter parey ou anrezistre en veikil e kot i kot i konsern *licence* pou ou prezan mont sa moter sa i tonm anba *Road Transport*.

E i annan son prosedir byensir ki ganny swiv e ler zot kalifye, zot ganny donnen sa *competence certificate* par Lapolis, zot vin kot nou *to issue the licence*.

In annan en rafal aksidan parey ou pe dir Onorab, e desizyon in ganny pran pou zafer revwar laz, ensidswit ki ou kapab mont moter 100cc ensidswit. So sa i ou le se *Road Transport Commission* ki *deal* avek.

Bon, *good question* an se ki konsern *inspectorate enforcement* ensidswit. Bon sa i en *challenge* pou nou. Mon bezwen, mon pou admet, e se pou sa rezon ki apre bokou refleksyon mon santi ki ankor enn fwa i devret vin en travay kolaborasyon avek bann lezot *law enforcement agency*, *ok?*

E nou, si ou le nou'n komanse serten travay akoz ou konnen bokou fwa lenpresyon se akoz ou pe fonksyonn anba en *licence* i vin en zafer zis *SLA*. *Ok?*

So pou mwan i pa devret. *Ok*, i pa devret le ka. I devret annan kolaborasyon e nou'n komanse. Akoz nou annan presedans, *ok*. Mon kapab donn ou legzanp. Nou *issue* patant loto, nou *issue driving licence*. *Ok?*

Me se Lapolis ki si oule dan son bann *spot check* e bann lezot Lazans ki verifye si ou annord avek ou patant loto, si ou annord avek ou *driving licence*. So i deza annan sa presedans.

So vwala, se nou anvi anmenn sa kolaborasyon dan lezot domenn. Ki nou'n komanse an tou ka me parey ou konnen avek *COVID*, *bar* in fermen, *discotheque* in fermen ensidswit. E pe al ouver byento.

Public Health i a fer son prononsyasyon lo la byento akoz se anba lord *Public Health* ki sa bann antite in ganny fermen. E wi Onorab nou pou bezwen kolabore avek bann lezot *partners* pou nou kapab fer *monitoring* sa bann lenstans.

E avek 9 dimoun ki nou annan dan sa Seksyon *Inspectorate* i poz en *challenge*.

Ok, e parey mon ti dir, mon ti dir avek *Minister*. Mwan mon pa krwar avek sityasyon bidzeter nou devret al lager pou nou ganny plis larzan pou anploy plis lenspekte.

Nou deza annan bann *law enforcement agencies* e nou bezwen kolabor avek zot pou nou kapab fer sa louvraz parey nou'n komans fer dan lezot domenn.

Kontrakter: Sa zafer kontrakter i fer problem, apre i al ek en lot *partner* pou li ouver en lot konpannyen e i re komans ankor son bann malelve parey nou dir. Son bann zistwar vol dimoun ensidswit. Wi, i annan, *ok?* Wi, i annan me selman lo nou kote *SLA*, nou pa kapab anpes okenn kontrakter al fer okenn *partnership* pou li re anrezistre ensidswit. *Ok?*

I en *issue* ki nou'n diskite avek *Registrar*, akoz lanrezistreman i ganny fer kot zot, *ok?* Me pour lemoman mon a dir ki kolaborasyon ek *SLA* ek Rezistrar, *there is a lot of thinking* ki nou devret kapab amelyor li akoz? Akoz souvandfwa nou ganny dir ki zot Lalwa pa permet zot donn

nou bann lenformasyon ki nou bezwen *as and when it happens, ok?*

So mon a donn en legzanp byen senp, si ou permet mwan Mr Chair. Akoz parler mon koz en pti pe tro bokou.

Ou ganny ou en sityasyon kot en lakonpannyen, de dimoun Seselwa i al anrezistre laba, i vin kot nou i *apply* en *licence*. Aktivite *reserved for Seychellois*. Ok? I annord kot nou, tou lede i Seselwa. So, ki ou vwar, 3mwan apre, 4 mwan apre enn sa Seselwa i deside vann son *share* ek en etranze. *Ok?*

Menm parler ziska 60 poursan. So, 40 poursan, 60 poursan etranze e sa lakonpannyen pe fer en aktivite *reserved for Seychellois*.

Nou pa pou konnen sa nou, *ok?* Si parfwa nou pa ganny dir par en dimoun ki petet direkteman in ganny afekte par sa biznes. In ganny dir ki i annan sa e sa etranze i dan sa biznes. E ler nou al kot *Registrar*, rod dokiman, vre nou dekouver sa.

Me si pa arriv naryen, *this thing goes on*, sa lot 40poursan li osi i annan drwa al vann son 40poursan *shares*. so ou ganny en lakonpannyen 100

poursan etranze pe fer en aktivite *reserved for Seychellois.*

Kan nou pou dekouver sa nou? Nou pou dekouver ver zour sa *licence*. Si sa *licence* i 5an, ler i pou vin fer sa *renewal* 5an. Ler nou pou re verifye son dokiman ki nou pou al vwar sa.

So nou'n dir ek *Registrar* be bon, okenn sanzman *partnership, shareholders* en lakonpannyen, anvoy nou. Ok, CC nou, kopi nou. Oubyen donn nou akse avek ki en mannyer nou a kapab dekouver li e pran aksyon neseser. E nou'n ganny dir ki zot Lalwa pa permet zot *share* sa avek nou.

So we have to do something. Ok? We have to do something pou fer sir ki sa i ganny korize e i anpes sa zafer sanz *partnership* ki sa.

So memm zafer si ou annan biznesmenn oubyen kontrakter si oule ki'n *involve* dan okenn zafer ki aksyon in ganny pran kont li, i pa pas par deryer, ale, al anrezistre en *partnership* ek en lot, ensidswit ki nou pou konnen.

Me sa Onorab, nou kapab dir ou ki si nou'n pran aksyon kont en kontrakter e i vin kot nou, *partnership* avek sa etranze, pour lemoman napa

Lalwa ki anpes li fer sa. Ok? Napa Lalwa ki anpes li, me i en bon konsiderasyon pou nou pran, ler nou pe fer nou *review* nou bann Regilasyon pou kapab protez konsonmater.

Thank you, Mr Chair.

MR SPEAKER

Mersi CEO. Klarifikasyon Onorab, ou bezwen ? Silvouple, annou al vitman.

HON CONRAD GABRIEL

Yes Mr Chair, mersi bokou. So, an dot mo dan ou *strategic priorities 21-23*, ou *first bullet*. “*Implement, review licensing,*” zot pe al enkorpor tou sa bann kondisyon. Zot pe al gete *how to review the whole set-up itself?*

MR SPEAKER

CEO ou a dir li.

CEO ANDRE POOL

Wi Mr Chair. Definitivman. Apre ki nou'n fer travay lo bann *Regulations*, prezan i pou tour bann *licence conditions* pou nou revwar, pou met li anliny avek bann *Regulations*. So, san al dan plis detay. *Thank you.*

MR SPEAKER

Mersi CEO. Onorab Adelaide.

HON FRANCOIS ADELAIDE

Mersi Mr Chair. Bonzour Minis. Bonzour CEO. Kontrer mersi pou ou kolaborasyon avek korperasyon. Mon vreman apresye. So, *hopefully* nou reste parey. CEO mon kestyon monte toulezan *in regards to* sirsaz transpor.

So mon oule konnen ki rezon Gouvernman ti met sa Lalwa. Akoz fransman dan sa letan la, sirtou avek COVID, Seselwa larzan i en pe fay. So, mon konpran ou'n dir zot pe al fer zot bann zafer nimerik. Me *data* i ankor ser e mon ti krwar pete nou ava ganny en stasyon pou vin Anse Royale. I paret mwan sa pou abouti sa lannen.

Mazinen en zabitant Baie-Lazare si son transpor pe al swa, i napa larzan pou pey patant, sa i pe al dan garaz i bezwen ekrir ou en let, e si i pa ekrir ou i pou ganny sirsaz e preznan i depan kantite mwan. So, pli mwan i akimile, pli sir sirsaz i monte e ler mon pe gete mon pa vvar li vo lapenn e vyab.

So, petet mon ti a demann ou oubyen Minis. Mon konnen i annan Lalwa pe vini, eski sa zafer sirsaz pou ganny targete dan Lalwa? E petet ki pli vit posib akoz si nou espere, sirsaz nou

kontinyen peye, nou pou mor. Akoz lot fwa mon osi mon'n pas ladan. I vreman serye. So, donn mwan en pti detay silvouple. Mersi.

MR SPEAKER

Mersi. CEO, Minis? Wi CEO.

CEO ANDRE POOL

Wi, Mr Chair. Wi, Onorab sa kolaborasyon definitivman avek bann MNA i pou kontinyen.

Sirsaz: bon sirsaz i dan Lalwa e prosedir i kler. E mon ava dir ou Onorab ki bann dernyen moman la dimoun in komans konpran poudir sa sirsaz i serye e zot swiv prosedir e sir saz pe diminyen en kantite. So, *it's a good sign* ki dimoun pe swiv prosedir.

Me toudmenm letan nou fer *review* Lalwa, nou a get sa zafer sirsaz. Selman mon pa krwar i devret sorti konpletman, akoz i kapab kree en sityasyon labi osi. *Ok?* Akoz ki arive, zis pou donn ou en legzanp, en dimoun son patant loto i fini le 25 Fevriye *ok*, i roule li. I roule. I roule Fevriye, Mars, Avril, Me.

I traverse an Zen, *ok* i dir ou poudir son loto ti dan garaz. *Ok.* I ti dan garaz, so *exempt* sirsaz, zon loto ti pe aranze dan garaz kan i pa vre. Bon,

me selman *bear in mind* ki ozordi nou annan en sistenm travay ek Lapolis, tou transpor ki Lapolis i detekte dan *spot check* ki patant in fini, son landmen bomaten i anvoy *report* kot nou. Akoz initil demen ou pou vini, ou pou dir nou loto ti dan garaz pe aranze. *Ok?*

Nou pou annan rikord e nou pa pou *exempt* ou sa sirsaz e ou pou bezwen peye. Me nou ava revwar ki mannyer nou kapab sa. Tout an gardan ferm sa laport labi. Sa ki enportan. *Thank you Mr Chair.*

MR SPEAKER

Mersi CEO. Wi Onorab.

HON FRANCOIS ADELAIDE

Mr Speaker, mon dakor avek CEO, mon dakor. Me la i pa vin lo kote *Licensing* la, i lo kote *enforcement*. En dimoun son patant i fini, me i pa devret lo semen. Me sa i vin *enforcement*. So i annan diferan faktor.

So par egzanp ou dir mwan mon bezwen ekrir ou en let, mon bezwen sorti Baie Lazare mwan pou mwan desann anvil. Akoz mon napa *internet*, i annan dimoun ki napa *internet*. So, mon bezwen ekrir ou en let, vin anvil.

Be ou dir mwan poste, napa problem. Kote mon pou ganny en temm konmela, kote mon pou ganny en lanvlop? Mon Baie Lazare mwan, so ou konpran i annan bann ... E mon krwar *enforcement* i pli efektiv ki sarz piblik mal apropo. Mersi.

MR SPEAKER

CEO ou note? Ou bezwen azout en keksos? Korek CEO, nou kontinyen?

CEO ANDRE POOL

Wi Mr Chair, mon'n note son rekomandasyon.

MR SPEAKER

Mersi nou ava al kot Onorab Gill.

HON CHURCHILL GILL

Mersi Mr Chair. Bonzour. Bonzour Minis ek ou delegasyon e tou Manm. Vi ki nou lo sirsaz. Mwan mon *case* ki mon pou demann mon kestyon lo la i diferan. Me selman nou pe ganny afekte parey. Akoz Praslin nou napa en *vehicle testing station*. E sa i fer ki bann zofisyen i monte 1 fwa ou 2 fwa par semenn pou vin teste bann transpor.

An vi ki sa *frequency* i koz en problem pou bann dimoun Praslin, bann *vehicle owner*,

espesyalman bann ki annan fleet, parey *car hirse*.

E ler zofisyen pa monte i pa zot fot si zot *vehicle* pa'n ganny teste. Akoz enn ler zot vin teste zofisyen i pran *flight* bomaten, i bezwen tournen aswar. So prezan zot pa kapab fer tou sa transpor ki'n vini. Zot fer zis sa ki zot kapab pandan sa letan ki zot annan.

E ler zot re vini, ler sa bann dimoun i al pas tes, apre ler zot ariv kot *Licensing*, zot vvar zot ek sirsaz. Me sa i pa fot sa bann dimoun. I zis akoz Lotorite ki sipoze fer sa travay, nou napa sitasyon Praslin.

Dan sa lenstans koumsa, ziska ler nou ganny sa stasyon, akoz i annan larzan dan Bidze pou sa lannen pou komanse, eski *Licensing* pa kapab revvar sa bann sirsaz pour sa bann sityasyon?

Mon dezyenm kestyon, ler *FA4JR* ti enplimante, tou bann dimoun ki ti fer laplikasyon ti *warrant* ki zot anrezistre. Esaki Lotorite *Licensing* in kapitaliz lo sa sityasyon, pou kapab ganny bann biznes ki 1 dan sekter enformel pou anrezistre pou zot vin formel? E kot *Licensing* i a kapab benefisyen avek sa lenstriman atraver reveni?

Mon trwazyenm kestyon, ou'n mansyonnen dan ou

priorities ki ou pe fer serten lamannman dan serten kondisyon *licence*, pou cater pou bann devlopman *business environment* e ou pe fer en revi avek serten Regilasyon.

Eski ou kapab donn nou en lide kwa ki *entail* sa bann revi? Akoz mon mazinen sa bann keksoz ler ti ganny fer ti annan son rezondet. E si prezan ou pe dir ki zot pe al fer en pe lamannman dan serten kondisyon, petet donn nou en lide kwa sa bann keksoz ki ou pe al fer. Mersi.

MR SPEAKER

Mersi Onorab. Minis, wi.

MINISTER NAADIR HASSAN

Mersi Mr Chair. Mersi Onorab. Mon a zis pran en komanter lo sa premye kestyon apre mon a pas a CEO. Pou sa *issue vehicle testing station*, sa i en priyrite e i dan Bidze Kapital pou sa lannen akoz vre i annan en *issue* serye pou dimoun Praslin e sa i lo Bidze Kapital pou sa lannen. Mersi. Mon a pas ek CEO.

MR SPEAKER

CEO, wi.

CEO ANDRE POOL

Mersi Mr Chair. Mr Chair, sa premye ka lo *vehicle testing*,

sityasyon *vehicle testing* Praslin i pa sipoze en problem, akoz nou ti'n fini pran en desizyon lo la depi byen boner komansman problem ler nou ti pe *aware*. Si mon pa tronpe, enn de ka ki ou ti'n menm koz ek mwan lo la ek lot Onorab Praslin.

Ki ler i annan sa sityasyon, sa zofisye ansarz VTS i fer nou konnen poudir in annan sa *issue*, prezan nou, nou anvoy sa lenformasyon Praslin poudir vwar la bann transpor ki'n ganny afekte par sa, *waive the surcharge*, me gard rikord. I enportan apre pou anvoy kot nou.

Akoz nou ti'n ouver en file zisteman parey *Minister* ti dir dan son prezantasyon, pou nou kapab konnen lefe *COVID* lo nou reveni. So, mon vwar i en pti pe drol ki sa i ankor en *issue*. Akoz i annan pa mal mon'n vwar lo rikord, pa mal *exemption* lo *surcharge* ki'n ganny donnen avek biznes Praslin, *with regards* lo VTS pa'n kapab al fer son travay.

So, si annan lezot *issue*, sa ou kapab *take up* avek mwan. Nou ava organize.

FA4JR, informal. Pou et onnet avek ou, *SLA* sel moman ki in ganny *involve* dan *FA4JR*, se ler bann biznes ti soumet zot aplikasyon pou *FA4JR*. Ler

zot ti ganny demande pou anmenn kopi zot *licence* e i annan ki ti'n perdi, ti vin kot nou pou vin rode.

Apre nou pa'n dan sa zafer ankor. Me mon krwar *it's a good suggestion*, ki *SLA* petet nou ganny akse avek sa bann lenformasyon, petet pou gid nou lo sa bann biznes ki pe *operate*.

Me sekter formel parey ou konnen, sa i en lot *challenge* ki petet en lot zour, nou ava kapab koz lo la e ki mannyer nou *deal* avek.

Bon parey mon'n dir taler an se ki konsern *the Regulations, licence conditions*, bann detay. Si oule i en prose parey mon'n dir. Nou pe *deal* avek son *Act* avan, ki son *main Lalwa*. Once ki sa in ganny aprouve par *Cabinet*, presan nou pou *move* lo sa *27 Regulations*, ki diriz tou nou bann *licence*, ensidswit.

Ki a permet nou baze lo bann *regulations*, modifeye bann *licence conditions*. So, thank you Mr Chair.

MR SPEAKER

Thank you. Wi, Onorab

HON CHURCHILL GILL

Ya, mon ti le zis dir ek CEO i ankor annan bann ka kot bann dimoun pe ganny sirnaz. Me

mon ava fer li mon devwar,
mon a les ou konn sa bann ka
e apre ou a gete ki zot deside
fer lo la.

MR SPEAKER

Mersi. Mersi CEO. Mersi
Onorab. Onorab Michel
Roucou.

HON MICHEL ROUCOU

Mersi Mr Chair. Bonzour *panel*, bonzour tou dimoun ki a lekout. Bonzour spesyal pou bann zabitan Mont Fleuri. *CEO* ou'n koz en pti pe lo kote bann kontrakter ki zot pa pe onor zot lagreman avek zot kliyan. Mwan pou mwan mon vwar sa poudir i vreman malonnet.

Akoz mwan osi dan mon distrik, mon annan dimoun ki pe soufer avek bann tel kontrakter kot zot vini. Ler zot ganny zot dernyen porsyon larzan, zot zis kit sa bann dimoun zot ale. *CEO*, mwan mon panse poudir kot zot *Licensing* zot devret annan en pli gran rol pou zot zwe ladan.

Akoz sa bann, menm kot *Fair Trading* laba ennler, konmsi i dekouraz ou pou ou ale akoz pa bokou dimoun ki toultan i vwar li pe ganny sa soutyen ki i devret pe gannyen laba.

E sa bann kontrakter pe *get away with it*. Akoz zot vwar zot kot zot. Parey ou'n dir, i annan zot ki menm ki aksyon i ganny pran, zot vwar zot, zot pe al ganny par dan en lot lakonpannyen.

E mwan mon krwar poudir i annan en fason travay ki zot kapab zwenn ansanm avek kot *Registrar* laba, pou kapab fer sir ki sa bann dimoun i ganny *put to task*.

Mon kestyon i koumsa *CEO*, se ki osi deor la, lo kote *busines snacks*, ki si mon pa tronpe mon krwar Onorab Samynadin in koz lo a, nou annan nou bannla pti Seselwa ki pa soufer.

Akoz ki zot pe soufer. Se ki nou vwar poudir i annan bann boutikye endyen, ki zot pe toler zot dalon fer sanmenm sa biznes. Kot zot pa pran avek nou bann pti Seselwa. Kot si Seselwa vini i anmennen. Zot, zot pa pran e zot plito kit sa priyorite pou zot dalon.

E apre osi mwan mon krwar poudir se ki *Licensing* i devret zwe en rol lo kalite biznes ki etranze i kapab fer Sesel. Sirtou ban pti biznes parey mon pe dir *catering*. Mersi Mr Chair, mon ti a voudre si *CEO* i tous sa detrwa pwen.

MR SPEAKER

Mersi CEO, wi.

CEO ANDRE POOL

Mersi Mr Chair. An se ki konsern vitman kolaborasyon avek *Fair Trading*, les mwan fer kler ki i pa anpes okenn dimoun ki'n ganny *aggrieved* par en kontrakter, pou li vin direkteman kot nou. Ok?

Si i santi ki kot *Fair Training Commission* i pa anvi ale. I kapab vin direkteman kot nou e nou osi nou annan Lotorite pou nou fer en *investigation* e pran aksyon neseser, si laprev i montre wi i *at fault*.

So rest assured okenn dimoun si ou le ki ganny sa problemm i kapab vin direkteman avek nou.

Sa *tripartite collaboration* ki mon ti pe koz lo la, i deza egziste pou nou *deal* ek bann *complaints* ki al direk kot *Fair Trading*. Me selman nou annan serten dimoun ki vin direkteman kot noue nou *deal* avek, sirtou si zot annan en lagreman ki *stipulate* klerman poudir sa louvraz pa'n ganny fer oubyen kontrakter in vol zot, *whatever*.

Snacks: Snacks rezerved for Seychellois. Ok? I kler sa. Reserved for Seychellois. So si

i annan okenn etranze ki dan sa zafer i pe fer li ilegalman. I napa okenn *licence* pou li fer li.

Now, ki mannyer ou enplimant li sa i en lot *challenge* akoz *Public Health* i asiste nou dan sa demars, me i difisil pou ou pas dan en magazen. Sa enn la lekel ki'n anmennen? Sa *samoosa* kot sorti? Sa soz.

I toulstan kapab donn ou en zistwar. Me selman mon kapab garanti ou Onorab ki sa i *reserved* pou Seselwa e okenn etranze pa sipoze pe fer li.

Ankor en fwa parey mon dir, si ou annan okenn ka spesifik, ou met a nou latansyon e nou fer en *investigation*. E nou *deal* avek. Laport i ouver kot nou pou tou dimoun, spesyalman bann Onorab ki pa mal parmi zot tanzantan i tap laport. Thank you, Mr Chair.

MR SPEAKER

Tre byen CEO. Wi, nou a les *Deputy CEO* fer en pwen avan apre ou a gete si ou, ou bezwen leklersisman.

DEPUTY CEO JESSICA LARUE

Thank you, Mr Chair. Mersi Onorab pou ou kestyon. Mon pou zis reponn ou kestyon nimero 3, lo foreign business.

Parey bann biznes ki *foreigners* ki pe *apply for* i al kot *SIB* avan. *SIB* i aprouve baze lo zot *business proposal* e bann due *diligence* ki zot fer.

So apre sa, ler in ganny *approval* avek *SIB* i vin kot nou pou nou *issue* sa *licence* ki *entail* bann prosedir ki nou, nou aplike. E i annan sa kestyon ki Onorab Gill in demande taler *regarding amendment to license condition*. Sa i en keksoz ki *SL* osi in komans fer.

Parey si sa etranze in demann pou en *wholesale licence*, nou get son *business proposal* nou menm, nou dir be tenir en kou. Nou pa pou kapab zis donn li en *wholesale licence* koumsa, pou kategori, *say beauty products*.

Nou dir nou, nou a kondisyonn ou *Licence* pou vann zis sa ki ou'n mete dan ou *business plan*. Akoz si nou al met *beauty products*, i annan bann keksoz ki Seselwa menm, kapab fer, sa aktivite ki Seselwa i kapab fer e si nou les li *open*, sa *foreigner* i kapab eksplwat lo sa bann *niche*.

So sanmenm sa ki enn bann revi ki nou pe fer, pour lemoman nou pe fer li dan kondisyon. E byento petet nou a rod en fason pou entegre li

dan Regilasyon osi. Mersi Mr Chair.

MR SPEAKER

Wi Onorab, ou ankor bezwen leklersisman?

HON MICHEL ROUCOU

CEO, mon garanti ou poudir ou pou ganny en mail sorti kot mwan apre midi akoz mon annan en kontrakter malonnet ki pe mal fer ek en fanmir dan mon distrik.

Mon oule zis en leklersisman *CEO*. Nou annan osi bann pti kontrakter ki reste dan flat, en? Parey bann dimoun ki pe fer en pti biznes. Parey ou konnen poudir *PMC* i deza annan son Polisi ek bann dimoun, ki pe reste dan en flat, ki pa otoriz okenn biznes.

E mon pe gete, eski zot annan en fason travay ansanm ek *PMC*. Akoz souvandfwa nou vwar dimoun kantmenm zot reste dan flat, zot gannyen en *licence* pou zot fer en serten biznes. Mersi.

MR SPEAKER

CEO, wi go ahead.

CEO ANDRE POOL

Mr Chair, mon kapab asir Onorab ki nou'n zwenn avek Lotorite *PMC* lo sa size e okenn laplikasyon ki nou gannyen

sorti kot lokater ki dan flat. Enn bann dokiman ki bezwen soumet, se permisyon sorti kot *PMC*. So, if you have any case in point let me know e nou a deal avek. Nou a gete kote in pase. Thank you.

MR SPEAKER

Mersi CEO. Onorab Aglae.

HON EGBERT AGLAE

Mersi Mr Chair. Bonzour Minis ek *CEO*, ek delegasyon. *CEO* mon pou petet tous en pti git lo sa *Ease of Doing Business* ki ou'n koz lo la taler. Prenon an kont serten fleksibilite ki mon santi ki parfwa i merit annan pou en dimoun kapab komans son biznes.

Premyerman nou konnen poudir *the issue*, ou en *issuer of licenses* e ou pa ou tousel dan pran desizyon pou kapab donn en *licence*. Ou annan lasante, ou annan lanvironnman, ou annan SFRSA ouswa sa antite ki sa biznes li menm i kategorize anba la.

So baze lo sa, parfwa serten dimoun i fristre akoz sa *check list* ki zot bezwen swiv, ki en pti pe egzizan ouswa zot set bann barenm, bann Polisi tro o. Ki fer ki pou li komans, byensir i vwar li kwense ouswa

larzan i fini dan semen, i pa kapab fini komans sa biznes li menm. Akoz ou pe demann li serten keksoz ki petet ou kapab dir be *ok*, ou napa sa, mon pou donn ou, ou *licence*. Selman dan 3 mwan, 4mwan mon oule vini, mon oule vwar sa in fini ganny mete an plas, tousala.

So, ki mannyer zot kapab egzers serten fleksibilite pou kapab, dimoun kapab *at least* komans en biznes dan sa sityasyon ekonomik kot larzan i sere li menm li, san konpromiz legalite ouswa sa biznes ki pa vin ni en risk pou lasante piblik ouswa en risk dan en lot kalite fason? Sa i enn.

Dezyenm, ou'n koz lo *online*. I enportan *online* dan sa letan ki nou ladan la, me selman annou osi pa bliy sa bout desantralizasyon ki enportan. Ou'n koz en pti git lo la, me selman mon santi nou en pe an retar.

Akoz parey dan sid, sid was. Nou merit annan en fasilité *Licensing*. Si ou pe masin lo la pou bouze, akoz *online* nenport ler si i ariv okenn en *glitch* dan *internet* sistèm ou vwar ou paralize.

So, si ou annan ou en lot sistèm an plas pou kapab annan sa balans,

desantralizasyon ki nou pa bezwen desann tou lazournen anvil. *Parking* i en problem. Providence in fini sere. So, annou bouz en pti git dan sa direksyon.

Dernyen, mon ti a kontan pete konnen si Minister Finans i annan dan zot, mon konnen zot pe fer revizyon dan *tax*.

Me selman lo kote *fees*, si zot pe mazin fer revizyon dan bann *fees* ki *Licensing* i met pou kapab petet osi dan en fason *ease* en pe pou biznes kapab benefisy. Ouswa amann bann *fees* ki sitan lontan i la, ki pa relevans ozordi. Mersi.

MR SPEAKER

Mersi. *Panel* lekel ki al avan? Minis, wi.

MINISTER NAADIR HASSAN

Mersi Mr Chair. Mersi Onorab pou ou kestyon. Lo sa premye kestyon fleksibilite, mon antyerman dakor ek nou, nou bezwen regarde. I en balans pou asir *safety*, lentere konsonmater, lot, lot e larg lanmen biznes.

Me nou bezwen toultan annan sa *right balance* e fleksibilite i enportan. Wi, mwan osi mon'n obzerve kekfwa dan bann prosedir i annan tro bokou rizidite ki

egziste. Sometimes nou bezwen servi *common sense*, poudir sa i fer en sans, sa pa fer en sans.

So dan bann diskisyon ki nou ava fer avek *SLA*, nou a regarde ki mannyer nou pou anmenn sa eleman ladan.

Lo kote desantralizasyon, mon dakor avek ou. Mon osi mon en rezidan dan sid e tou keksoz i dan lavil. Me parey ou konnen, pou sa lannen i annan kontrent bidzeter e nou'n priyrite bann proze kapital e sa i esansyel dan desantralizasyon.

Me koman resours i ava *available*, nou ava get sa provizyon pou desantraliz en pe bann servis.

Lo kote bann *fees*, to be honest with you, napa okenn louvraz ki nou'n komans regarde pour lemoman. E sa i ava en keksoz ki sa tim Polisi dan Minister Finans a komans en desizyon avek *SLA* pou regard bann *fees* ki *applicable*. Mersi.

MR SPEAKER

Mersi. Wi Onorab.

HON EGBERT AGLAE

Petet Minis Finans, ler zot pe revwar en pe sa bann *fees* la, fer parey nou fer ek *driving licence*. Si ou pey lan ou pey

en *fee*. Me selman, ou donn parey en pti *package*. I annan ki mon santi zot kapab *package* li pou benefis biznes menm, ki i fer sir ki i a ganny. Si i pey pli *long term* i a benefisy. Mersi.

MR SPEAKER

Mersi.

MINISTER NAADIR HASSAN

Mersi Onorab, nou note sa pwen. Mersi.

MR SPEAKER

Mersi. Onorab Sandy Arissol.

HON SANDY ARISSOL

Mersi Mr Chair. Bonzour Minis avek ou delegasyon. Mr Speaker, premyerman mon ti a kontan felisit bann travayer kot *Licensing*. I en landrwa akote nou tou nou en drayver nou frekante, menm avek en pti lespas byen ankonbre zot sey rann nou en servis ekselan.

Alor mon ti a kontan lo lapar Lasanble felisit zot pou sa travay ki zot pe fer koman bann travayer *Licensing*.

(APPLAUSE)

HON SANDY ARISSOL

Zisteman mon premye i base lo lokasyon. Eski *Licensing*, letan

mon pe get dan zot ‘current challenges,’ sa mon krwar ki mon’n vwar sa, eski ansanm avek Gouvernman, *Licensing* pe mazin *relocate* zot lekor, zot *building* kot zot ete pou rann sa servis?

Parski tou dimoun ki vin kot zot, premyerman en biznesmenn, i annan transpor. Nou drayver nou annan en transpor e kot *Licensing parking* i zis pou CEO, *Deputy CEO* avek lezot staffe nou, nou pa gannyen. Selman nou pou vot zot Bidze.

Alors nou pe demande si Gouvernman pe mazin donn zot en novo lokasyon. Si pe travay lo la, pou ki zot kapab rann en pli bon servis ankor ki zot deza pe rann. *Ok?* Sa i mon premye kestyon.

Mon dezyenm kestyon mon ti a kontan demande se san relasyon ek bann biznes ki nou’n tande - ou konnen i annan en kantite konplent lo biznes Sesel. Par egzanp letan nou pe koze, mon aprann poudir i annan bann *tour operators* ki pe akt koman *taxi*.

Letan nou pe koze nou’n tann bann Manm pe dir poudir bann pti *snacks* i rezerve pou Seselwa. Be selman nou tou nou konnen dan tou laboutik ozordi mazorite etranze ki travay Sesel, zot tou ki

anploye dan en lakonpannyen, dan en lorganizasyon zot leve granmaten, zot fer zot *snacks* e zot met dan bann magazen. E nou tou nou konnen sa. E tou magazen i konnen.

Prezan sa pti Seselwa ki fer son *snacks*, li pou li sa enn ki koz menm langaz ek sa enn ki'n anmennen, akoz si ou pa koz menm langaz ek li i pran pou ou i met anba kontwar, ler ou vini 3er i dir ou, "zot be dimoun, bann la pa'n aste dalon. Napa larzan!" Selman in fini vann pou son dalon.

Nou annan nou bann magazen ki annan *cash registers*. Nou pe koz teknolozi, i annan bann *retail shop* ki letan i vin *apply* son *license* i pa ganny dir i annan *cash register*, me i annan ki ganny dir.

So la Gouvernman pa konnen, napa *paper trail*, zot pa konnen ki kantite VAT, nou pei i kontinyen perdi menm.

Nou annan magazen ozordi ki ankor pe vann lalkol avan ler vann lalkol. Tou dimoun i konnen, tou dimoun i konnen. Ou annan magazen ki kontinyen vann sigaret avek zanfan.

So mon ti a kontan lo mon dezyenm kestyon letan mon'n met tousala, demann avek *CEO* donn nou en

kontrandi ki dernyen fwa dan Sesel, en magazen in ganny *revoke* son *licence*, oubyen in ganny arase pou en pe letan, akoz zisteman i pe fer bann keksoz ilegal ki pa an ankor avek Lalwa dan nou pei Sesel? Sa i mon dezyenm kestyon.

Mon trwazyem e mon dernyen kestyon mon ti a kontan koz ankor lo sa zafer teknolozi. Ou konnen, ozordi letan in arive en serten dat dan lemwan, *PUC* i anvoy ou en pti mesaz lo ou telefonn. Ou *Bill* pou delo in arriv tan, alors i pe donn ou en dele letan pou ou pey tan.

Cable and Wireless osi i fer menm zafer. *Intelvision* ler ou pe get ou programm ou vwar en gran mesaz i vini drwat devan ou *screen* pou dir ou i reste ou 4 zour, silvouple regle ou kont pou ou kapab al pey *Intelvision*, si ou anvi kontinyen gete.

Be *Licensing*, an ankor avek Lapolis avek Gouvernman, eski kan eski zot pou sey antre en pe? Dan menm laliny avek Onorab Aglae in dir. Olye pou li desann anvil, i pa kontan desann anvil. Onorab Adelaide i dir ou i lwen, trafik i bloke. Konmsi kan eski *Licensing* pou antre dan sa novo monn teknolozi pou ki tou bann

dimoun ki son patant, lasirans pe fini, *no road tax* spesifikman pe fini, ou ganny en pti mesaz pou dir get sa, ou patant i fini tel zour, tel dat pou ki i konnen kan i pou peye.

E lo la, eski i annan en travay ki pe ganny fer ant lapolis avek *Licensing*. Pou ki *Licensing* li i anvoy en lalis kot Lapolis, poudir get sa. Pou sa mwan ou annan zis 10 dimoun, 10 transpor ki zot *licence* in fini, pa ankor peye.

Koumsa lapolis pa bezwen pran 10 zomm, aret tou dimoun ki mont Cascade, kan dan Cascade i annan zis 5 transpor pou li gete ki *licence* in fini. Mersi bokou Mr Chair.

MR SPEAKER

Mersi Onorab. Wi, CEO.

CEO ANDRE POOL

Wi Mr Chair. Mersi. Premye lokasyon. Wi, Onorab i annan sa diskisyon avek sa Komite ki ansarz bann zafer lofis fonksyon Gouvernman, ensidswit, ki'n met a nou latansyon ki *once* ki *Government House* fini laba Perseverance e bann lofis Gouvernman i bouze.

I annan en konsiderasyon ki *SLA* si ou le i ganny en lot landrwa dan sa direksyon. So, sa i lo latab i lo kart. Akoz nou

osi nou konsyan sa *issue parking*, trafik ensidswit.

Bon dezyenmman biznes ilegal. Wi, biznes ilegal. *Challenge* ki nou annan ozordi biznes ilegal se nou vwar nou, nou tousel pe *monitor* sa bann zafer. E souvandfwa parey mon'n dir taler se sa travay kolaborasyon avek bann *law enforcement agencies* si ou le ki pou permet nou ganny levidans e pran aksyon.

So pli gro problem ozordi se ganny levidans. Ou tann dir poudir tel laboutik pe vann bwar apre ler ensidswit. Me selman mon kapab dir avek sa Lasanble ki avek sityasyon *COVID* si ou le, kot Lotorite Lasante in enpoz ler fermen avek ouver, laboutik si oule, sa i pa'n vreman le ka.

Me selman mon dakor avek ou ki *before that* i ti en *challenge*, e nou pe met en programm an plas avek Lapolis ki si zanmen. *Well*, pa si zanmen. Nou konnen ki dousman, *step-by-step* keksoz pou retour normal. Nou pou bezwen annan sa kolaborasyon travay e pran sa bann aksyon.

Mon kontan ou legzanp sigaret ki ou'n donnen, akoz nou ganny dir ki sigaret i ganny vann avek manrmay, me personn pa oule vin devan e donn nou en levidans konkret

pou nou kapab pran aksyon. Ankor enn fwa si nou napa levidans i pa fasil pou nou pran aksyon. Ok ?

So wi Onorab. Zis avan sityasyon *COVID*, ki Lotorite Lasante ti met ler ouver fermen bann magazen. Nou ti annan 2 ka kot nou pa'n *revoke licence*, me *heavy fines* ti'n ganny enpoze lo 2 magazen Briyan pou vann bwar apre ler.

E enn nou ti *fine* li R25mil e sa lot R50mil. *Maximum fine* ki nou ganny drwa sarze. E si *COVID* pa ti'n antre ensidswit, mon asir ou ki nou ti pou'n tap en bon pe ankor e nou asire ki ti pou vin en *deterrent*. Ok ?

Teknolozi : Nou annan en *reminder servis* an plas ki anvoy en mesaz lo *mobile* 1 mwan davans ki *remind* ou ler ou patant lot pe fini. Mon pa konnen si i ankor pe marse, akoz ler mon tann ou dir sa. Be fodre nou al regarde, akoz nou annan en *package* ek *Cable and Wireless*, ki nou fer antre bann lenformasyon dan sistèm e i sipoze delivre kot ou. Me si pa pe marse nou pou bezwen regarde, akoz nou annan sa.

Bon, wi. Tou le mwan nou anvoy Lapolis en lalis bann transpor ki patant in fini, ki pa'n renouvle. So wi Lapolis

i annan tou son detay lo la. Ou non, ou veikil, menm ou distrik kot ou reste. So i ed Lapolis parey ou pe dir pou fer zot louvraz. *Then you Mr Chair.*

MR SPEAKER

Wi Onorab.

HON SANDY ARISSOL

Mersi Mr Chair. Mersi *CEO* pou ou bann larepons. De pti pwen, i an relasyon avek sa ki ou'n dir. An relasyon avek *Cable and Wireless*. Mwan mon anvi konfirmen poudir depi ler mwan mon pe *drive*, mon'n ganny mon *licence*, zanmen mon'n deza ganny en mesaz sorti kot *Cable* ki *remind* mwan lo naryen. Apart li i anvoy ou mesaz i dir ek ou son *Bill* pe fini, vin donn li son larzan. Sa i enn.

Dezyenmman, an relasyon ek levidans. Mon krwar par egzanp konsernan lalkol. Si zot ganny dir i annan en laboutik, Sandy Arissol i annan en laboutik e i pa pe vann lo ler lalkol.

Zot ganny sa soupsyon, mon krwar i bezwen zot bann zofisyen *Licensing*. Zot bann *enforcement officer* ki zot annan, li i ale, abir li koman en bwarer. En zour dan ler, avan. "Zot donn mwan en pti zafer,

mon byen bezwen la !” Se konmsa mon krwar nou bezwen fer. Inovativ pou nou komans atrap bann ki pe fer keksoz ilegal. Mersi bokou Mr Chair.

MR SPEAKER

Mersi CEO Ou a pran sa bann sizesyon. Mersi nou a kontinyen. Onorab Andre.

HON CLIFFORD ANDRE

Mersi Mr Chair. Mr Chair, bonzour tou dimoun. Mon osi mon ti a kontan dir ki mon apresye korperasyon ki mon menm personnelman mon annan avek CEO. E sak fwa ki en *issue* i monte i adres li pli vit posib.

Premye kestyon ki mon ti a kontan demande i letan mon pe get *receipts* ki *SLA* i fer, dan dokiman i met zis R4mil e sa i *processing fee*. Dan sa dokiman ki annan lo paz 158 i R4,000. Mon pa krwar sa i korek, akoz i annan bokou, bokou plis ki fer sa, ki ganny fer. So, sa i enn ki mon ti a kontan ganny en leksplikasyon lo la.

Apre dezyenm, mon louvraz i fer mwan ki mon bezwen al Ankour e letan mon vini mon'n ekoute dan mon transpor, letan mon pe vini. Mon'n tann ou dir ki ou ti a

kontan ganny en *santralized*, oubyen Gouvernman i bezwen pran en pozisyon lo si pou santraliz *issuing of licences* oubyen i pou kontinyen kit li avek bann pti *unit*. E mon vwar ou annan en depans pou lenspeksyon osi.

Mon ti a kontan demann ou oubyen port a ou latansyon ki dan Sekter Tourizm, Gouvernman i annan en Polisi ki par lao 25 lasanm ki en etranze ki annan. *Me as it is*, i annan letablisman touristik ki par anba 25 lasanm. Annefe 11 lasanm ki pe ganny *operate* par etranze.

E *license* ganny donnent par *Licensing Authority*, renewed par *Licencing Authority*.

Mon ti a kontan demande si zot letan zot ganny en demann pou *renewal*, oubyen menm pou donn sa *licences*. Si zot fer sa lenspeksyon zot, oubyen zis zot al dapre, dan sa konteks Departman Touris in donn zot?

Savedir definitivman i annan Lalwa pe ganny kase. So, *licensing* i kas Lalwa par donn sa *licences*. Departman Touris i kas sa Polisi par lefe ki in demann zot pou donn sa *license*. Sa i dezyenm *issue*.

E letan mon get osi sa *inspection* ki tonm dan sa

dezyenm *issue*, i dir ki ou pe mazinen ki ou pou fer li 85 percent dan lannen 2021. Akoz 85poursan, non pa 100 poursan lenspeksyon?

E mon trwazyenm pwen, se mon get *Board members allowance*, in sorti 599mil in vin 525mil. Eski ou kapab eksplik nou sa, si annan bann *Board members* ki'n pran en *pay cut* e akoz lezot pa'n pran si sa i le ka ?

Dan '*minor capital outlay*' ou'n met *acquisition of printing equipment* dan nou detay ki nou'n gannyen avek Minister Finans. In sorti R13mil in mont R200mil. Ki kalite lekipman ki ou pe al aste ki fer sa *increase*? Mersi. Si sa in ganny demande letan mon vini, mon demann leskiz. Mersi.

MR SPEAKER

Wi panel. CEO ou'n pare? Wi go ahead.

CEO ANDRE POOL

Mr Chair. Premye, son premye kestyon se sa *proceeding fees* R4mil. Sa mon demann *Deputy CEO* pou li eksplike akoz nou pa sipoze annan *processing fees*. Petet si i la i annan en rezon.

Selman mon a *deal* avek son dezyenm. Sa *centralization versus discentralization* pou

nou fer sir ki wi Onorab, i annan rezon ki par anba 25 rooms nou *it is reserved for Seychellois*. E ou annan en ka kot i annan en etranze ki pe *operate* en 11 rooms anba tourism.

Bon, mon kapab dir ou ki sa nou anvoy kot tourism *for recommendation*. Me selman i *reserved for Seychellois*, i *reserved for Seychellois*. So, mon ti a kontan ou fer mwan ganny sa *licence* e aksyon neseser ava ganny pran.

Now, *Board members allowance* parey zot konnen in annan en demann par Prezidan Larepublik e ki Minis Finans i *reiterate* dan Lasamble, pou zot *forgo the allowance until December*. E nou an diskisyon avek *Board* pou zot swiv menm semen e mon mazinen byento en desizyon final i ava ganny pran.

Dernyen kestyon, '*minor capital outlays*', mon a les *Deputy deal* avek.

MR SPEAKER

Thank you. Deputy.

DEPUTY CEO JESSICA LARUE

Thank you, Mr Chair. Thank you Onorab. Lo kote receipts. Bon, ler nou ti fer sa Bidze nou

pa ti ankor konnen ki *SLA* pou konmans anmas reveni. Sa ti'n ganny determinen *by the end of 2020* e nou'n komans kolekte e *bank* reveni le 1 Zanvye 2021.

So by next year nou pou komans met sa, akoz nou pa'n fer Bidze pou sa, pou koleksyon reveni. *So by next year* nou pou komans azout sa lo lalis.

Lo kote 85 percent target pou quantity of inspection carried out. Sa i 85 increase from 2020. Parye nou konnen 2020 ti napa bokou inspection ki'n ganny carried out. Ti actually annan en decline akoz bann restriksyon lo mouvman. Lo bann lezot stakeholders ki pa'n kapab al fer bann vizit.

Akoz parey zot konnen nou'n fer bann joint visits. E osi si nou ti napa bokou staff. I annan ki ti dan karantenn and all that. E prezan ler nou'n fer sa prozeksyon for next year, nou'n bezwen enkorpor tousala.

Sa kantite increase pou annan, akoz nou still dan sa letan pandemik, nou pa konnen ki kantite. Konmsi nou'n fer estimation lo kantite nouvo biznes ki nou pe espekte pou apply pou en licence. *Renewal* i reste more or less konstan. Me nouvo biznes osi

nou'n incorporate sa ladan e osi lo resours ki nou annan. E tousala in ganny enkorpore dan sa poursantaz.

Lo kote 'minor capital' i annan sa 2 printer pou Mahe avek Praslin. *The cost is quite high* e even higher. La nou'n, ki mannyer mon kapab dir sa? *Foreign exchange rate* nou'n enkorpor li ladan. *The increase of foreign exchange.*

So sa pou annan en lenpak lo sa pri. Akoz ozordi i kapab 80 mil. Demen i kapab pli o ankor. So, tousala nou'n incorporate dan sa 'minor capital.' Mersi.

MR SPEAKER

Mersi. Wi CEO, PS These osi i oule ...?

CEO ANDRE POOL

Mr Chair, if I may. Zis en pti azoutaz. Sa, kot minor capital outlays la. Sa 2 printer ki in dir, i anliny avek sa ki Minister ti dir dan son lentrodiksyon. Nou oule sanz masin ki issue driving licence. Enn Mahe, enn Praslin. Ok. Ozordi Praslin nou annan serten challenge. So, nou a rezourd sa problem.

E pli enportan ankor i pou permet nou reduce. Mon pa zanmen krwar dan 100 poursan, me permet nou reduce posibilite koripsyon dan

fer *driving licence*. Mon pa pou dir plis ki sa, me sa i pou ed nou garanti sa. *Thank you, Mr Chair.*

MR SPEAKER

PS Thesee, ou ti annan pwen ou ti oule adrese?

PS DAMIEN THESEE

Mersi Mr Chair. Bonzour. Lo reveni sa i pou trouve lo paz 7 dan seksyon 2 anba ‘other taxes’ kot ou vvar tou bann licences ki ganny kolekte. Akoz ordinerman i ti pe ganny kolekte par SRC, me apartir sa lannen SLA in pran son loperasyon anba kot son lakes i pou avek SLA. Mersi.

MR SPEAKER

Wi Onorab. Klarifikasyon?

HON CLIFFORD ANDRE

Mersi. En pti klarifikasyon Mr Chair. Mr Chair, par lefe ki i annan en Bidze pou *inspection, investigation and enforcement*. So mon konsern se ou bezwen annan lenspeksyon pou ou kapab annan *investigation*, pou ou kapab annan *enforcement*. So at least enn dan sa 3 eleman i bezwen annan en nivo pli pros avek 100 poursan pou ou kapab fer lezot. Akoz si ou target i pa 100 poursan, alors sanmenm sa ki bokou, bokou

antite oubyen bokou biznes i espas pey tax.

Akoz letan tax i vini i pou menm issue lo *Licensing* pou li pey tax. Sanmenm sa ki i esape fer son bann lobligasyon, akoz napa *enforcement* ki *proper*, en lenspeksyon ki *proper*. Me selman ou pe ganny en Bidze. Mon konsern sa.

Mon konpran pa tou keksoz ki kapab ganny 100 poursan me selman mon ti a ekspekte nou pli pros avek 100 poursan ki kot nou ete ozordi. Mersi.

MR SPEAKER

Ok. Mersi. CEO ou anvi fer en komanter lo la?

CEO ANDRE POOL

Mr Chair, mon dakor avek son refleksyon. Me annou pa zis tenir lo 2021. Mon krwar sa ki i pe propoze i pe vini. Ok. 22, 90. By 23, i 100 poursan. So, rest assured that we are moving in that direction Onorab. Mersi bokou Chair.

MR SPEAKER

Mersi CEO. Nou’n al over time. Me selman nou a termin sa item. Onorab Loizeau.

HON NORBERT LOIZEAU

Mersi Mr Chair. Bonzour *panel*, Minis ek ou *panel*. Mr Chair, mon ti'n prepar mwan environ 7 kestyon. Selman i reste mwan zis enn.

MR SPEAKER

I byen Onorab. Ale, donn nou sa enn.

HON NORBERT LOIZEAU

Mr Chair, mon anvi demann *CEO* konbyen letan zot donnez pou en dimoun lo *learner* pou moter ek *scooter*? Eski i annan en dele letan. Akoz mwan mon konn dimoun pe al aepre 3an i lo *learner*, i ankor pe roule menm lo *learner*. I pa ankor ganny *licence*. Mon pe demann sa akoz mon panse sa dimoun pa anvi konn mont sa *scooter*. Selman i lo *learner*. Sa enn.

Apre, dan sizyem Lasanble ler sa Lalwa laz pou mont moter ek *scooter* ti vin dan Lasanble, nou ti trouve apre ki Lalwa ti pase ti annan plis moter ek *scooter* lo semenn ki dimoun, ki annan *valid licence* pou mont zot.

Ti annan environ mon krwar lalis ki ou ti donnez ti annan 8 *licence* moter e pou *scooter* li osi ti en pti pe minim. Selman ti annan en ta lo semen.

Alors mon ti a kontan zot donn nou detay en pe konbyen

dimoun ki annan en *valid licence* pou moter ek *scooter* an se moman. Mersi.

MR SPEAKER

Mersi. Yes, *CEO*.

CEO ANDRE POOL

Mr Speaker, premye keksoz zafer konbyen letan *learner scooter* ek son *license*. Sa i tonm anba *Road Transport Commission* avek Lapolis e i pou difisil pou mwan dir ou ki kantite letan i pran.

Nou ler ou'n ganny ou *competency certificate*, prezanz ou vin kot nou, prezanz nou, nou *issue* ou *the licence* pou ou kapab mont ou moter.

So, sa petet. Sa lenformasyon petet *Road Transport Commission* avek Lapolis i kapab klersi pou zot.

Dezyenmman Mr Speaker. En kestyon tre enteresan *with regards to statistics*. Mr Chair, ki mon a propoze. Nou annan nou *monthly statistics* ki nou fer sorti.

Tou nou bann *data*, tou sa bann lenformasyon. Kantite veikil ki'n anrezistre, kantite *driving licence*. Lot *licence* ki nou'n *issue*, ki'n *renew*, ensidswit.

Ki mon a propoze avek ou permisyon Mr Speaker, nou a

anvoy nou bann *stakeholders* sa bann *statistics*. Mon a propoze ki nou enkli ou lofis Mr Speaker dan bann landrwa ki nou anvoye. Ki en mannyer ou kapab distribye avek bann Manm.

I ava enteresan pou zot osi ganny sa lenformasyon. E ki ava enkli sa ki Onorab Loizeau pe koz lo la, la. Lakantite *licence* bann *riders* ki nou *issue*. Avek ou permisyon Mr Chair. Mersi.

MR SPEAKER

Mersi. Pa problem CEO. Mersi mon krwar mon'n ganny tou dimoun ki ti'n lev lanmen. Mon a pas kot Onorab Pillay.

HON SEBASTIEN PILLAY

Mersi Mr Chairman. Bonzour Mr Chairman. Bonzour tou koleg e bonzour Minis avek ou delegasyon. Chairman, mon kestyon pou CEO petet osi i al pou Minis. Sa ki nou pe vwar se ki *Licensing* i trouv li dan en milye e lo tou bann diferan eleman ou vwar i annan bann nesesite pou annan *enforcement* ki ganny fer par lezot lazans. Lezot landrwa.

Par egzanp si ou regard pou li donn *licence* pou en *charter operator*, li i donn sa *licence*, me *somebody*, en lot

dimoun i bezwen fer *oversight* lo sa *charter operator*.

Si pou donn *licence* par egzanp en kontrakter i pou bezwen annan en lo lot *body* ki pou bezwen fer *oversight* lo sa kontrakter. E ozordi Sesel nou pa ankor annan.

As far as I know, nou napa vreman en antite, en *professional body* ki'n ganny. En *trade organization* parey Langleter, parey lezot pei i annan, ki sipoze pe fre sa.

So from ou perspektiv Minis, ki zot pe fer pou ankouraze ki i annan en lapros *enforcement* en pe pli efikas an se ki konsern bann diferan eleman ki konekte avek *licensing*. Bann diferan *areas*.

La par egzanp nou annan sa size bann *private vehicle owners*, par egzanp bann lotel ki pe servi zot bann transpor in regards to sa kankan ki ankor egziste between *taxis drivers* avek bann lotel. I annan bann lotel ki kontinyen pe fer li.

Yer, pandan sa 2 zour pase la, nou'n ganny sans atraver *Minister* Derjaques ki en *Lawyer* par profesyon, e in koz ek nou lo sa size ou pa kapab servi en veikil prive pou fer en biznes e sa ti *come-up*.

So, eski zot pe konsider sa bann keksoz e eski sa bann konplent in ganny sans ariv

kot ou biro osi Minis e pou zot kapab regarde. Mersi. Wi Mr Chairman.

MR SPEAKER

Mersi. Wi Minis.

MINISTER NAADIR HASSAN

Mersi Mr Chairman. Mersi onorab pou ou kestyon. Sa *issue* efikasite, *enforcement* mon krwar. Pran li dan 2 fason. Ou konnen ler ou *licence* apre ou menm ou, ou *regulate* i fer li vin pli fasil.

Me egzakteman la ou annan en sistem ki i *more or less* i annan en *entity* ki li i pe *licence*, me i pe *rely* lo lezot pou *regulate* ansanm ek li.

E mon krwar i annan en larepons ki CEO in mansyonnen, ki nou pe diskite. Sa *issue* desantralizasyon of sa *licensing process*. Eski tousala pou ganny santralize ouswa i pou desantralize? Sa i en *Policy approach* ki pe ganny diskite e nou pou bezwen fer *the pros and cons* of sa 2 lapros e gete lekel ki pli apropriye, pou en pti ziridiksyon parey Sesel.

Me mon krwar osi keksoz ki kle se ki bokou antite i travay in *silos*. Zot napa sa kolaborasyon e sa i en keksoz ki nou'n koz avek ek CEO. Se ki si senpleman ti annan sa

kolaborasyon *between* bann differan antite, i ti pou fer sa bann louvraz *enforcement* en kante pli efikas.

Me sa i en keksoz ki nou pou bezwen asize ek tou bann antite e regarde ki mannyer nou met sa *mechanism* an plas, pou *ensure* ki i annan plis efikasite mannyer zot pe travay. Ki zot *complement* kanmarad dan sa on louvraz *rather than* sakenn pe fer son pti bout. Mersi.

MR SPEAKER

Mersi. Wi Onorab.

HON SEBASTIEN PILLAY

Mersi Mr Chairman. Mr Chair, mon oule zis *press* lo sa size ki konsern biznes e servi zot *private vehicles*, eksetera. Si en konplent ki mont e toultan e sak fwa *Licensing* i vin Lasanble ou ganny en kantite dimoun ki mon krwar, mon asire lezot dimoun in gannyen osi. Ki anvoy bann mesaz e mon asire ou osi Minis ou'n bezwen annan bann reprezantasyon ki'n ganny fer avek ou.

Eski sa i en keksoz ki Gouvernman pe regard ladan ase serye? Pou asire ki i annan en *level playing field* ki si en dimoun in deside pou envestir dan en biznes, i pa

kapab pe ganny *undercut* par en lot dimoun ki pa'n fer sa menm lenvestisman, me ki pe servi si ou le en lapros. Mon pa pou dir *vertical integration*, me selman i pe sey met tou keksoz kot li. Tou dizef pe vin dan menm pannyen. Meri Mr Chairman.

MR SPEAKER

Mersi. Yes panel. CEO wi.

CEO ANDRE POOL

Mr Chair, sa ki Onorab pe refer la se sa bann ki nou apel *illegal transfers*. Ki konversasyon in komanse avek Minister ler i ti la, Minister Derjaques, lo sa *issue*. Wi, *illegal transfers* ti'n komans akseler milye, a lafen 2019 e nou ti'n zisteman dan sa lespri kolaborasyon, nou ti'n komans met en tim an plas.

Nou, Lapolis, SCAA. Akoz zot, zot preznan la lo erport 24 lo 24. E nou ti'n plizoumwen tonm dakor lo en modalite pou nou komans enplimante. Me apre *COVID*, Erport fermen, lot, lot.

Now, la avek reouvertir zisteman sa semenn la, nou'n komans legzersis lo Erport menm. Ok. Lo Erport e nou SCAA, Lapolis Erport avek Taxi Association. Ok? Nou onboard

nou 4 e pou nou *deal* avek sa sityasyon. Ok?

Sa legzanp ki ou'n donnek kot en dimoun i annan son *guest house*, ok. I annan en pti bis, i annan en *omnibus licence* parey nou dir, *public omnibus licence*. E kondisyon ki ganny mete par Departman Transpor ki ti la devan zot se ki sa *omnibus licence* i permet li *commercial use* plito. Apre *omnibus licence* i pa permet li al pran kliyan Erport e anmenn kliyan Erport. *This how it is today.*

Si Departman Transpor demen bomaten i deside sanze, sa en lot zafer. Sa kliyan ki vini Erport. Ok, son mwayen transpor li se *taxis* ki pou pran li, ki pou anmenn li laba. So, ki nou pe vwar, nou pe vwar sa bann dimoun pe fer sa. Zot pe pran manze avek *taxis*. I annan bann lot largiman *taxis* i *overcharge*, lot, lot. Me nou pa la pou sa ozordi.

Now, premye demars la, se nou oule fer arete sa zafer ilegal ki pe arive. E nou determinen pou nou fer li arete. Ok? Bon parey Departman Transpor ti la avek zot ti fer kler, sa zafer la zot pe revwar, zot pe re diskite. Until then, nou, nou pou enplimant li as it is.

So sa bann illegal transfers savedir wi it's illegal. When it's illegal, it's illegal e nou, nou bezwen fer sir ki i arete. I annan sa.

Ou annan lot sityasyon kot ou annan tour operator. Tour operator pou zot lenformasyon, kliyan ki boukte atraver tour operator ki vin Sesel, tour operator i ganny drwa al anmas son kliyan Erport e anmenn lo dan son lotel. I dan son package sa.

Now, ou annan serten tour operator ki pe fer, i antre an negosyasyon avek management lotel e management lotel, tour operator ki boukte direk avek lotel i pran sa transfer, i pran i donn sa tour operator. Tour operator i donn lotel 2 car hire pou naryen, commission lo la, ensidswit.

Again this is illegal. Sa touris ki antre Mahe, ki'n boukte son lotel. Ok, i pa sipoze pe ganny anmase par tour operator ki'n fer deal ek lotel direk. I sipoze, sa manze parey nou dir la, i sipoze pou taxi sa. E this is why Taxi Association i ankoler, zot annan rezon. Akoz this is an illegal transfer.

So, tousala parey mon'n dir ansanm avek nou bann

partners, nou pe kolabore pou nou kapab anpeste ki sa i arive.

E bann zour ki pe vini la, nou a monitor, nou a gete kot fodre re aranze, kot fodre soz. Si demen bomaten Departman Transpor, sa i sanze, nou ava re adapte.

Me selman *that's the situation* pou lenformasyon Lasanble e pou lenformasyon piblik. *Illegal transfers* nou bezwen adresse ansanm avek nou bann *partners*. Mersi Mr Chair.

MR SPEAKER

Mersi CEO. PS i annan pwen ou ti oule azoute ou ?

PS DAMIEN THESEE

Mersi Mr Chair. Petet zis pou sum up en pti pe bann travay ki nou pe fer lo Lalwa SLA pou revise son Act, se sirtou lo sa issue santralizasyon oubyen desantralizasyon. Ki nou pe plizoumwen adopte, dan plas santralizasyon ki plizoumwen komen dan bann pei Lafrik, se pou al towards en hybrid system.

Savedir dan bann sirkonstans kot en lorganizasyon i annan sa kapasite, pou li regulate son prop aktivite, La ou fer sa Lorganizasyon li menm li issue sa licence. E sa par egzanp i

pou komen dan Telekom oubyen dan bann *medical field*.

E dan bann lezot laspe kot i pa fer en sans pou ou desantralize, petet pou rezon resours, la ou kit li avek SLA. E se sa ki nou pou et devan Konsey Minis apre i ava vin devan Lasanble pou laprouvasyon.

Dezyenmman lo sa bann *issue non-licensable activities*, mon krwar sa ki pe plizoumwen en problem. Akoz pour lemoman bann *non-licensable activities* zot pe, en biznes i pa rod en *licence*, i annan provizyon anba Lalwa pou ou fine li.

Me *issue* i plis avek sa bann aktivite ki pa *licensable*, ki pa pe ganny *capture*. So sa ki nou bezwen rod en fason ki mannyer nou *capture* bann aktivite ki pa *licensable*, ki pe ganny fer.

E dezyenmman nou pou osi annan lentansyon met devan konsey Minis, dapre bann diskisyon ki nou pou fer pou *issue provisional licences*. *Provision licences* i dan le ka ler en dimoun i kapab vin devan, i pa ankor an konformite avek bann Regilasyon ki i bezwen fer.

La SLA i kapab *issue* li en *provisional licences* ki donn li letan pou li met an konformite

e donn li en dele letan apre ki i ganny en *licence* formel.

Dezyenmman nou annan bann nouvo aktivite osi enn ler ki vini, ki pa ganny liste aktivite dan *Act SLA*, ki war li difisil. So si annan bann nouvo aktivite ki vini, oubyen bann aktivite *inovativ*. La osi i kapab ganny *issue* en *provisional licences* ki donn li sa letan pou Lotorite met an plas bann diferan kondisyon ki asire sa aktivite i ganny *properly regulated*.

Akoz nou bi se ki, selman *issue licence* ler nou vvar ki bann aktivite ki nou bezwen *meet* serten konformite legal. *Health and safety* oubyen lanvironnman.

Nou pa anvi donn *licence* tou aktivite akoz la i *become cumbersome*. So serten zis bann aktivite ki nou vvar nou anvi protez *health and safety* ek lanvironnman. Mersi.

MR SPEAKER

Mersi. Onorab Georges.

HON BERNARD GEORGES

Mersi Mr Chair. Mr Chair, mon ti a kontan premyerman zwenn avek Onorab Sandy Arissol pou felisit *Licensing Authority*. In koz lo lafason ki bann renouvelman i ganny trete e mon dakor avek li.

Toultan *staff* i byen kourtwa i byen *helpful*.

Me mwan mon ti a kontan dir spesifikman ki pa tro lontan pase mon'n bezwen vin kot *Licensing Authority* pou mwan ganny en pe lenformasyon lo *Licensing* lotel e mon'n transporte en madanm, ki konnen lekel li e dan lespas 15 minit mon ti'n ganny non selman tou lenformasyon ki mon ti bezwen, mon ti'n ganny tou form ki mon ti bezwen, mon ti'n ganny tou *deadline*, konbyen son pri ti pou ete eksetera.

Si ti annan plis Departman Gouvernman ki ti travay koumsa Mr Chair, mon krwar pei ti pou mars bokou, bokou pli vit. Alors felisitasyon CEO.

Mon bann kestyon i bann pti zafer en pe banal, me mon krwar ki kapab ed nou lavi en pe. Premyerman i annan sa problemm *transfer of vehicles* ler en dimoun in mor. Pandan lontan nou ti annan en problemm lekel ki kapab sinyen eksetera. Eski CEO ou kapab konfirmen ki prezan nou pa bezwen al Ankour pou al rod en *appointment of executor*, me sa i kapab ganny fer par en senp *affidavit*?

Dezyenm keksoz i relye avek loto. Eski zot pe mazin olye annan *car registration number* parey ozordi, depi S1 ziska S35 ekek mil. Annan en lot sistem parey nou vwar dan bann lezot pei kot nou vwar en konbinezon *letters and numbers*.

E dan sa menm loptik, eski zot pe anvizaze en serten moman sanz lafason ki bann plak imatrikilasyon i ete? E kekfwa annan en keksoz ki en pti pe pli *sexy*, olye zis nwar lo blan oubyen blan lo nwar.

En keksoz avek en *border* ki kapab valoriz en pe nou lanvironnman, nou kiltir. Parey nou vwar dan bokou pei. Florida par egzanp tou bann plak imatrikilasyon i dir '*The Sunshine State*.' Donk i donn ou en serten sans lapartenans.

E lo sa asize eski ou kapab eksplik nou si in annan *uptake* lo personnalize *number plates*, ki Minis Finans avan sa enn ti proze devan sa Lasanble enn ou 2 Bidze pase.

E finalman, eski zot kapab anvizaz en sistem - ankor enn fwa mon rezwenn konsern Onorab Arissol, kot tou bann *road licence* e kekfwa lasirans osi i kapab ganny renouvle zour ou laniverser?

E sa mon konnen i arive dan plizyer lezot pei dan

lemonn. Kot zot ou laniverser ou lasirans i *fall due*, ou patant i *fall due*. Alor i pli difisil pou blyie, i pli fasil pou rapele. Mersi Mr Chair.

MR SPEAKER

Mersi lo *panel* lekel...? Wi CEO.

CEO ANDRE POOL

Mersi Mr Chair. Mr Chair, premye kot i konsern *transfer of vehicles*. Wi Onorab ou annan rezon, nou konsider en *affidavit with regards to transfer of vehicles* lanmor e parey ou'n kapab - mon mazinen ou kapab, ou menm, Onorab Clifford Andre, nou'n ganny pa mal difikilte avek sa issue. Me la nou'n sa.

E lot issue ki nou ti pe fer fas avek se *transfer of vehicle* pandan sa peryod COVID. Kot nou annan pa mal dimoun ki aletranz, prezan i oule vann son veikil, pou fer transfer ensidswit.

So nou'n fer nou mye pou fasilit sa bann tranzaksyon as long ki SLA i ganny proteze legalman, si demen i annan okenn konsiderasyon ki ganny mete. So, wi.

Car registration: En kestyon tre enteresan. Ler nou ti antre dan sa *proposal for Vehicle Private Numbers - VPN*

avan ki Minister i vin devan Lasamble. An tou ka mon ti annan, *well pa mwan*. Me nou, SLA nou ti annan en *proposal* pou anmenn sa as part of the package. Savedir a new registration system plus ou annan en choice pou ou fer ou private number. Ok?

Me the decision was taken pou anmenn private numbers avan, mon krwar pou en kestyon reveni. E answit ti pou deal avek novo registration system.

Now, kot nou ete VPN nou ti apel li. *Vehicle Private Numbers*. Nou SLA nou ti'n plizoumwen pare pou komans li me parey zot konnen nou partner technical se DICT. E zot, zot ti annan serten rezervasyon, ensidswit. Ki zot ti dir nou zot ava travay lo la e malerezman zot pa ankor pare ziska ozordi pou zot donn nou sa facilite.

So, yes nou ava push zot en pe pou donn nou sa, akoz dimoun pe demande sa. Sa private number system e bokou dimoun ti enterese. Malgre ti annan serten rezervasyon lo son pri, me sa ti en pti detay ki ti kapab revwar.

So definitivman therefore ki nou pou bezwen, parey mon'n deza eksplike dan sa Lasamble. Nou pou bezwen

bouz dan en lot sistenm lanrezistreman parey nou dir *immatriculation bann vehicles*.

Akoz pou mwan sa sistenm lanrezistreman nimero pe komans vin tro long, sirtou si ou annan en moter parey mon'n deza dir. En moter, en pti plak pou ou met tou sa zafer lo la i sa. So, *at least* ou annan sa bann lezot *matriculation possibilities*, si ou le ki ava sa.

Bon, *birthdays for renewal*. Wi, mwan mon vwar li i en bon sizesyon. Me selman nou pou bezwen, bon ... diskit en pe ek nou bann *partners*. Me pli enportan regarde si i annan serten landrwa petet ki pe enplimant sa zafer, kot nou a kapab ganny en pe nide *how they do it*, ensidswit.

And then nou ava kapab pran en desizyon. Me wi mon, krwar i en bon sizesyon pou konsidere. Mon pa konnen si nou annan lezot...? *Minister. Thank you, Mr Chair.*

MR SPEAKER

Thank you. Thank you, CEO. Nou a vot lo Bidze Seychelles Licensing Authority ki lo paz 157 ziska 163 pou en total R16 milyon 309mil. Manm ki an faver lev lanmen silvouple?

Tou Manm in vote. Mersi Madanm Clerk.

Bidze pou *Seychelles Licensing Authority* lo paz 157 ziska 163 pou en total R16 milyon 309mil in ganny 28 vot pour, 0 vot kont e 0 abstansyon. Alors Bidze in aprouve par Lasanble. Mersi.

E la mon ava remersye bann zofisyen *Seychelles Licensing Authority* e nou panel larestan, Minis avek PS nou a re zwenn 11. 35. Mersi.

(BREAK)

NATIONAL TENDER BOARD

MR SPEAKER

Byenveni nou delegasyon sorti kot *National Tender Board*. E sa ki'n zwenn nou la se Mrs Marie-Nella Fred, *Chief Executive Officer* e Mrs Marie-Paule Hetimier, *Principal Procurement Officer*. Bidze *National Tender Board* i lo paz 190 ziska 193 pou en total R3 milyon 599mil. Minis ou a entrodwi Bidze *please*.

MINISTER NAADIR HASSAN

Mersi Mr Chairman. *National Tender Board* i en lorganizasyon ki ti ganny kree anba *Procurement Act* an Desanm, 2008 avek manda prensipal pou azir koman en

Lotorite Laprouvasyon oubyen *Approvals Authority*.

Fonksyon *Board* i ganny liste anba seksyon 15 (1) dan *Procurement Act*. Parmi son fonksyon i enkli bann rekomandasyon pou *procurement* par lao R750mil.

Bann Komite Evalyasyon dan Minister i prepar zot rapor evalyasyon e swivan sa *Board* i swa aprouve ou rezet sa bann rekomandasyon. Ouswa si *Board* pa agree avek analiz ki'n ganny fer i rekomande ki sa lorganizasyon i re travay lo zot evolisyon pou sa bann *tender*.

I bon fer remarke ki letan *Board* i konsider bann rekomandasyon prepare par bann Minister i pran an konsiderasyon bann prensip tel ki la transparans, valer pou larzan, loportinite egal pou tou e *fairness* dan prosedir *tender*. Osi byen ki kriter ki'n ganny mete dan sa *tender* li menm.

Fodore note ki pa tou *tender* piblik ki pas devan *Tender Board*. Par egzanp Seksyon 3 dan *Procurement Act* i liste tou bann sirkonstans ki ganny ekzanpte anba Lalwa tel parey bann *donor funded projects*, bann *special audits*, *public private partnership* eksetera.

Secretariat Tender Board i osi asiste bann lorganizasyon

sekter piblik avek louvertir zot bann *tender* pou diferan proze. An vi lekspertiz e leksperyans sa bann *staff* ki'n ganny formasyon anliny avek bann prosedir anba *Procurement Act*, sa prosedir i ganny met an plas pou asire ki latransparans i ganny *practice* e mentenir.

An se moman konpozisyon *Tender Board* i annan 2 reprezantan sekter piblik e lezot 5 manm i reprezentant sekter prive atraver diferan Lasosyasyon tel ki *BAR Assassination, SCCI, CEPS*.

Konpozisyon *Board* parey nou'n vwar. Mazorite i reprezantan Sekter Prive ki fer ki *Board* i pran desizyon ki endepandan.

Alokasyon Bidze *Tender Board* pou lannen 2021 i R3.599milyon an total, ki en rediksyon konpare avek Bidze lannen 2020. Ladan R1.3 milyon i pou saler travayer. Larestan balans i pou bann lezot depans ki trouve anba *heading* "other goods and services" e ki kouver depans tel konman *Board allowance* e rental lofis.

An se moman i annan 4 *staff* lo *payroll National Tender Board* ki osi enkli CEO. Mersi Mr Chair.

MR SPEAKER

Mersi Minis. Mon a pran kestyon bann Manm. Mon komans avek Onorab Michel Roucou.

HON MICHEL ROUCOU

Bonzour Mr Chair ankor. *Welcome panel.* Bonzour tou dimoun ki a lekout. CEO anba ou stratezi ou'n koz en pti pe lo kote ki mannyer pou promot latransparans dan bann *tender* ki zot pe fer pou Departman Gouvernman, si ou kapab tous en pti pe lo la?

E ki bann defi ki zot pe rankontre ler zot pe *tender* plizyer soz pou plizyer Departman? E osi konbyen *staff* zot annan an tou ki pe travay avek zot? Mersi.

MR SPEAKER

Mersi. Lekel ki pou pran kestyon? CEO wi.

CEO MARIE-NELLA FRED

Mersi Mr Chair. Mersi Onorab pou ou kestyon. Bonzour tou Manm. I bon fer enform Lasanble ki mannyer ou'n demann sa kestyon premye *about* latransparans. Pou kontiny en pti pe sa ki Minis in dir dan son lentrodiksyon, nou santi par ler i annan en pti konfizyon, *as to* ki mannyer *Tender Board* i fonksyonnen e kan ki son rol i antre.

Tender Board li menm i pa fer *tender*, ok? *The tender process*, desizyon pou fer e ki mannyer pou fer i reste dan lorganizasyon. Dan sak lorganizasyon swa zot Seksyon *Procurement*, swa zot seksyon proze i *handle* sa bout ki mannyer *once* zot in ganny en Bidze, ki mannyer nou pou fer sa prosedir, ok?

E apre sa zot go through *Procurement Oversight Unit* ki li i sipoze sa *body* legal ki fer sir ki zot pe fer tou keksoz in *compliance* avek Lalwa. E then ki letan sa prosedir in fini, *the board* li at the end sort of sa *procurement cycle*. Ok?

So nou fer sa bout latransparans dan, a 2 repriz. Ok? Parey Minis in dir, premyerman nou asiste Lorganizasyon avek zot *tender opening session*. Mon pa konnen petet si ou'n deza tande ek bann dimoun ki partisip dan *tender* bokou. Zot pou dir ou zot pe vin depoz zot *tender* kot *Tender Board*. Ok?

So la sa facilite in ganny kree kot i annan bann bwat e ek *COVID* nou servi en pti pe plis atraver *email* osi. Kot bann *bidders* i vini, zot vin depoz zot lof ki zot pe fer. E nou, nou *staff* i asiste on behalf of ou Lorganizasyon,

nou fer sa *tender opening* an piblik.

Letan nou dir an piblik, at *tender deadline* nou over bwat, nou *call out* tou bann pri e as sa ki pe *proceed* i *call out*, en lot dimoun i rikorde. E at *then end of* nou sesyon tou *bidders* i ganny enn sa kopi ki nou apel '*Tender Opening Minutes*.' Ok ?

So, si ou prezan koman sa *supplier* ou sipoze siny obor non ou lorganizasyon pou konfirm sa *amount* ki nou'n *read* e si ou pa prezan, a tout fwa ou kapab pas kot nou lofis or ou kapab ki ou *email address*. Nou toulstan *provide* zot avek sa lenformasyon. Akoz *it's public information*. So, this is one lo kote Sekretarya.

Sa bout latransparans osi, i ganny zwe bokou lo kote nou *Board* menm. Ok. So, mannyer prosedir i ete, *Board* i *meet* tou le semenn. Tou le Mardi apre midi at present e i nou revwar tou bann proze ki'n antre for the week, ok? So, nou Sekretarya at the end of every week nou batch tou bann proze par lao R750 mil, ki sorti dan lorganizasyon akoz apre zot *tender* zot fer zot *analysis*. Zot fer zot *e-version report*, zot anvoy kot nou pou

ganny *review or approved or reject*.

So, se la kot ankor *Board* i zwe sa rol pli enport ankor. Kot nou revwar sa prosedir ki'n ganny fer. Eski i enn ki transparan? Eski i enn ki - parey Minis in dir, toulstan dapre Lalwa *Procurement Act*, 2008 i annan 4 main prensip ki nou toulstan zwe avek. Se latransparans, *fairness, equal opportunity for all e value for money*. Ok?

so letan nou revwar sa bann rapor ki sorti dan lorganizasyon, revwar rekomandasyon ki pe ganny met devan, nou toulstan re go back pou asire ki prosedir in ganny fer byen, *fair*.

Tou dimoun in ganny menm lenformasyon. Napa personn ki li in ganny en lenformasyon an plis ki demen i pou kapab dir ki faver in ganny fer pou li.

E osi at the end of the day i pe anmenn en laspe *value for money* pou sa lorganizasyon. Ok?

An prensip bann rapor i ant 2 faz. Ou annan sa bout teknikal ki vreman enportan, e apre ou annan sa laspe finansyel ki bann ki technik, ki'n pas sa *technical analysis* zot al dan zot *financial*. Ok?

So, parey mon'n dir lo sa kote, *Board* i zwe en gran rol pou asire ki tou sa bann eleman in ganny pran an konsiderasyon, letan sa *tender* in ganny fer li menm. Mon krwar se tou. Lo kote *staff*. nou annan 4 *staff* pour lemoman enkli mwan menm koman CEO. Mersi.

MR SPEAKER

Mersi CEO. Ok, Onorab Bistoquet.

HON ROSIE BISTOQUET

Mersi Mr Chair. Bonzour Mr Chair. Bonzour Minis avek ou delegasyon. Bonzour tou Onorab. Mon kestyon mon krwar en bout in ganny demande par Onorab Roucou.

Me selman mon pou pran larestan. Annefe bann dimoun ki'n *text* ki pe demande. Sa ki zot santi se ki i annan konplent sorti kot bann manm piblik, in demande ki zot santi poudir bann menm dimoun ki ganny laplipar proze.

E zot in osi santi ki i annan serten manboulouk ki pase ant manm *Board* avek serten aplikant kot lenformasyon i ganny donnen.

E letan mon get anba zot '*challenges*, zot in dir ki *bidders* pa *comply* avek provizyon laplikasyon? Mon ti

a kontan konnen dan ki fason? Konbyen Manm *Board* zot annan e i ti a preferab petet nou ti a ganny lalis tou.

Anba zot '*capital project, acquisition of equipment,*' sirtou *furnitures* mon vvar i sorti 8mil pou ariv 27mil sa lannen. Akoz? E mersi.

MR SPEAKER

Mersi. CEO.

CEO MARIE-NELLA FRED

Mersi Mr Chair e mersi Onorab pou ou kestyon. Nou a komans lo sa ki pli *straightforward* mon krwar avan. Lakantite manm ki nou annan, i annan 7 manm lo *Board at present, inclusive of a Chairman*. 2 manm i reprezent *public sector* e larestan 5 nou annan en manm *SCCI*, en manm *CEPS* ki reprezent *CEPS*, en manm *BAR Association*, en manm *Accounting Association* avek nou *Chairperson* ki ti en *public officer*, me selman in *retire at present*.

I bon fer remarke ki sa detay *about* ki mannyer nominasyon manm i ganny fer i liste dan Lalwa. So *as of* sak manda letan i fini tou le 3an rekomandasyon i ganny fer *to* sa bann lasosyasyon, lorganizasyon pou zot *submit*

en novo non pou asiz lo *Board*.

Lo kote *collusion* avek *between* manm e lezot dimoun an deor, *unfortunately* lo mon kote mon pa *aware*. Mon pa pou konnen si sa. Me selman otan ki posib let annou pe get en pti pe deliberasyon mannyer i marse lo *Board*, mon pa pou vreman vwar li. Akoz parey mon dir rekomandasyon sa *procurement or proze* i sorti dan sa Lorganizasyon li menm. *Ok?*

Board i zis revwar sa rekomandasyon ki'n fer e gete si in *compliance to the Act, yes or no*. Si i annan okenn mankman, *then* lanmenm ler kot bokou dimoun i pou dir ou petet in ganny retar, akoz nou bezwen *enquire* plis, demann plis lenformasyon avan ki nou kapab *substantially convince* nou lekor ki sa desizyon pe ganny fer an byen.

Lo kote sa kestyion kot manm piblik pe dir petet zot realize, zot obzerve ki *same bidders* ki pe ganny rekomande? En pti pwen ki mon ti a voudre refer sorti lo la ; petet i kapab in arive ki letan zot ganny bann *contract award* zot pou vwar petet zot, zot pou vwar li koman en *trend*.

Me selman ki nou, nou'n realize lo kote *Board* e ki nou'n deza fer en mansyon avek *Procurement Oversight Unit* lo la. Ki nou ti a kontan petet en *study* i ganny fer.

Enn nou realize poudir partisipasyon parler dan *tender* i limite. Ou vvar menm, menm dimoun ki pe *come forward* pou partisip dan *tender*.

E dezyenmman malgre ki parey bokou sekter lorganizasyon piblik i dir ou *tender process* *Procurement Unit* i konplike, i difisil. Me selman nou vwar ki pou sekter prive zot vwar li diferaman. *The more* zot partisipe, *the more they become well versed* ladan.

E *the more* zot pli kapab fer zot *meet tou bann* kriter ki pe demande pou zot kapab *successfully* kapab ganny en kontra. So, that is why ki petet zot pou krwar ki *the same bidders* ki pe ganny rekomande.

It's just ki parey mon'n dir, si sa bann dimoun in konpran byen zot prosedir *how it works*, e ki zot in travay lo zot *submission, proposal*. Fer sir ki zot *tick all the boxes* lo kote teknikal, fer sir ki zot pe donn en pri ki abordab e definitivman zot pou ganny

rekomande koman *the best evaluated bidder*. Mon krwar en pti pe sa.

Apre lo kote *acquisition of capital*. Sa *increase i purely baze lo sa ki nou'n mete anler*. Kot nou ti pe dir anba nou *current challenges*. “*Inadequate resources, manpower in tender boxes*.” Now, ou vwar petet ti annan besman *last year with COVID avek kantite proze ki'n vin through tender process*.

Me selman *before that* nou ti pe ganny nou bokou, bokou *tender opening sessions*, ki enn ler nou ti pe santi nou kwense avek kantite bwat ki nou pe servi pou nou fer nou bann prosedir.

So that is why nou'n fer rekomandasyon ek Finans pou increase en pti pe nou Bidze sa lannen, pou ed nou pou nou kapab procure en pti pe plis tender boxes. Mersi.

MR SPEAKER

Wi Onorab.

HON ROSIE BISTOQUET

Mersi pou ou larepons. Letan mon'n ekout ou. Mon'n konpran ou poudir ou santi poudir vre i annan preski menm dimoun ki *apply*. Mwan mon pou demann ou par egzanp, ki rol *Tender Board in*

regards to, sirtou la nou dan letan *COVID* kot dimoun in perdi travay, kekfwa zot, zot ti a kontan ganny en lasyet manze lo zot latab.

Ki zot rol konsernan ledikasyon bann dimoun *in regards to laplikasyon?* Kekfwa zot osi zot pa konnen ki mannyer zot pou fer, so ki zot rol lo kote kreasyon *awareness* kot sa bann manm piblik? Mersi.

MR SPEAKER

Meri Onorab. CEO wi.

CEO MARIE-NELLA FRED

Mersi Mr Chair. Mersi Onorab pou ou kestyon. Onorab ankor enn fwa la mon pou bezwen fer en pwen lenformasyon pou bann manm avan ki mon kapab reponn.

Anba *Procurement Act* i annan diferan Lenstitisyon ki'n ganny kree e sak Lenstitisyon son fonksyon i kler. Parey mon'n dir *tender board* nou *main fonksyon i mainly approvals authority at the end of the process*.

Ledikasyon, *awareness, training*, son *main core* lorganizasyon ki sipoze pe *handle* sa se *Procurement Oversight Unit*. Nou, nou asiste.

Parey zot vwar nou mete dan nou bann priyorite as

much as possible, letan bann bidder i vini i vin kot nou lofis, i vin *deposit zot tender or zot* vin sers zot dokiman, nou pran li lo nou menm pou nou edik zot en pti pe plis.

Even letan nou pe ouver *tender, the minute* nou vwar ki dan sa dokiman zot ti sipoze provide tel, tel dokiman, zot pa pe fer, nou, nou *provide* sa lenformasyon an plis.

Me selman *in terms of* pou fer en pti pe pli sa bann sesyon *awareness* avek tou dimoun, e osi pou al en pti pe dan laliny sa kestyon pou get en pe. Akoz parey *Procurement Oversight Unit*, i kapab tout an servi bann provizyon dan Lalwa, i annan serten *tenders*. Parey *Local Government*, i plis ganny targete pou bann pti kontrakter 3, 4 depandan lo bann proze distrik.

Petet bann lezot lorganizasyon *MLUH*, zot pou zot i target plis gro lakonpannyen. So they are in a better position akoz zot pe get sa prosedir *tender at the beginning* pou zot *advice* bann lorganizasyon poudir, "look, why don't you in this case ede target en pe plis loportinite pou sa kategori dimoun, pou sa kategori kontrakter, pou asire ki tou dimoun i kapab ganny en loportinite partisipe? Mersi.

MR SPEAKER

Mersi CEO. Onorab Vidot.

HON AUDREY VIDOT

Mersi Mr Chair. Bonzour Minis avek ou delegasyon, tou dimoun ki a lekout. CEO, mon premye kestyon. Mon konnen dan Bidze avan in annan bann lanfaz ki zot in mete, pou bann *training* pou bann *staff*, pou zot kapab pli byen kapab antreprann byen zot travay ki zot annan kot *Tender Board*.

Mon pa pe vwar *anything* ki zot in mete. Eski zot annan sa lannen *or* pou amplifye sa ki zot pe fer oubyen si non akoz problemm bidzeter ?

Mon lot kestyon i pou Minis, Minis eski i annan nouvole ki an term zot plan dan bann reform ki Gouvernman pe fer, pou zot anmennen dan *Tender Board*? Si wi, petet attraver sa Bidze ki la kwa ki zot pe touse ladan? Mersi.

MR SPEAKER

Mersi. Panel lekel ki a komanse? Minis premye? Wi.

MINISTER NAADIR HASSAN

Mersi Mr Chair. Mersi Onorab pou ou kestyon. Lo kote reform, parey mon ti'n anonse yer, nou pe regard the whole

konsep *procurement* dan Gouvernman. So, wi i pou annan bann *reform* ase *significant*.

Me nou lo komansman sa traze e parey mon ti'n mansyonnen yer nou *Unit* kot Finans ki pe travay lo serten *proposal*. Nou'n *set-up*, well nou pe *set-up* en *working group* ki annan bann diferan *stakeholders*, ki dan *Public service* e *private sector* ki pou diskit bann *proposal*, bann defi ki annan, ki bann solisyon.

Nou oule en lapros ki *inclusive*, tou dimoun, pou met bann *issues* ki nou pe rankontre devan. So i ankor en pe tro boner pou dir ki sa bann mezir. Akoz nou lo komansman sa traze *in terms of the public procurement reform*. Mersi.

MR SPEAKER

Mersi. CEO lot pwen.

CEO MARIE-NELLA FRED

Mersi Mr Chair. Mersi Onorab pou ou kestyion. Konsernan *training*, an vi rezon bidzeter i napa provizyon pou sa lannen. Me selman tou nou bann *staff* ki *handle procurement and tenders*, zot in fini fer zot bann *basic certificate* ki demande pou *procurement at present*.

Akoz prezan ki en *Diploma course* pe ganny fer. E sa ki sa i sorti *of course they will be enrolled* lo bann nouvo *training* ki annan. Posibleman *not this year* me selman dan bann lannen ki pe vini. Mersi.

MR SPEAKER

Mersi CEO. Onorab Henrie.

HON GERVAIS HENRIE

Mersi Mr Chair. Bonzour tou dimoun. Mr Chair, dabor mon krwar poudir ankor enn fwa *National Tender Board* i enn sa bann landrwa kot petet *the Chairman of the Board should have been present* dan nou diskisyon akoz bokou kestyion ki Manm pe demande i konsern *Board*.

E malgre CEO i asiz dan diskisyon, me selman mon krwar i enportan ki nou antann ki *Chairman Board* pe dir, akoz zis parey mon ti pe fer resorti yer, lakantite larzan ki deroule dan sa zafer la, i konsekan lo Bidze pei e koman Lasanble nou bezwen pran en gran lentere dan sa bann zafer.

So mon premye kestyion mwan i konsern lo kapasite *Board*. Mon konnen poudir Lalwa i fer provizyon mannyer bann manm i ganny apwente. Me o fir e anmezir ki lannen in pase e *Board* in egziste. I

enportan ki nou regard byen kapasite *Board* pou zot *deal* avek volim travay ki zot annan pou fer.

Si pou donn en pe lenformasyon, par egzant an 2017 zot ti pe *deal* avek aepre 2423 *bids*, ki zot in bezwen ofer. 2018 sa ti ogmante pou vin 3,654.

So, i kontinyelman ogmante, ogmante e mon anvi konn kapasite *Board* letan ki *SSI*, *SCCI*, *SCCI* i apwent son manm. Konmsi ki kalifikasyon? Ki bagaz i anmennen letan *CEPS* i swazir son manm?

Akoz letan ou pou *deal* ek bann gro proze *PUC*, *SBC House*, si ti vin devan zot, mon pa tro sir. Konmsi, ok, *SBC House* pa'n vin devan zot. Mon krwar zot poudir bann dimoun ki pe vin depouy sa bann zafer i bann dimoun tre konpetan.

So mon premye kestyon i lo kapasite *Board* e ki mannyer nou kapab amelyor son performans.

Mon dezyenm pwen i konsern pouwar *Board* vizavi Lalwa. Akoz nou vwar poudir tre souvan *Board* i fer bann rekomandasyon. E ki si ou pas lo tou bann *annual report*, bann rekomandasyon souvandfwa i repete, akoz i annan bann antite piblik ki zot

deal avek ki teti e kontinyelman refize pou ekout bann rekomandasyon.

Malgre i pa zot larzan ki zot pe depanse, i larzan piblik. Donk, ki zistans ki *Board* i kapab ale e ki novo ladministrasyon i kapab fer pou sanz sa sityasyon?

Mon trwazyenm e dernyen pwen, i konsern lespas pou bann pti biznes lokal agrandi. E pwen ki *CEO* ti pe fer taler. Mwan toulezan mon pran en lentere dan rapor *Tender Board*. Akoz mon kontan ekrir bann zistwar pou zisteman dir ek piblik kantite larzan dimoun i fer.

Par egzant letan ou pou get bann *top companies* ki ranport bann *bids* pou *civil work*. Lannen 2019 en konpannyen pe ganny li R35 milyon. I annan pe 32milyon. I annan pe ganny 30.

Be sa i lespas pou bann pti konpannyen ki alors en zour sa boug ti en pti kontrakter, i pran en lentere dan sa bann zafer, i *build-up* son lekor e li osi sa Seselwa demen, nou a vwar li pe *earn over 30milyon annually*.

I annan son gro *building* avek son non lo la, akoz i annan lespas. So, mon ti ava ankouraz zot pou donn ankor en pe plis latansyon lo sa zafer

ki bann pti biznes Seselwa i konpran sa prosesis, li osi i partisipe e ki nou vreman met larzan dan pos Seselwa. Sa kalite sanzman ki mon anvi vwar avek sa novo ladministrasyon. Mersi Mr Chair.

MR SPEAKER

Mersi. Wi Minis.

MINISTER NAADIR HASSAN

Mersi Mr Chair. Mersi Onorab pou ou kestyon. Lo premye pwen ki ou'n leve. Wi mon krwar i en bon nide si ler nou fer *next Bidze* ki *the Chair* i atenn. I ava *complement* sa *process*. Lo kote kapasite *Board*. Mon a donn ou mon lobzervasyon.

Mon'n fer en kantite louvraz dan lepase lo *corporate governance* e mon'n vwar en pratike ki egziste dan Gouvernman ki nou apwent en *Board*. Nou bezwen en dimoun kot *SCCI*, nou bezwen en dimoun kot *CEPS*. Nou bezwen en dimoun laba. E nou'n met *focus* lo la.

Me ler ou get *good governance practice*, the focus should be on the competency and skills sets that you bring to the *Board*.

So the approach itself have been completely wrong e

sa ki nou pe regarde dan nouvo *governance framework* ki nou pe met an plas. Se ki ou ganny apwente lo en *Board* baze lo konpetans ki ou pe anmennen lo sa *Board*, en?

So savedir sa i vreman *in line* avek *the fason* ki nou, nou pe vwar keksoz.

Lo kote bann rekomandasyon ki *Board* i fer avek bann defayans. Wi sa osi i absoliman vre. E ou konnen, lo kote *procurement* en kantite fwa blanm i ganny mete devan laport *Procurement Unit or Tender Board*. Me ler ou regarde bann problemm i originate direkteman dan bann *line Ministry*.

E la kot ou vwar i annan bann vreman defayans. E mon krwar i bezwen annan en *zero tolerance Policy* lo sa *issue*.

Si ou'n fer en for en fwa, kekfwa i en fot. Me 2 fwa, 3 fwa i nepli en fot, i nepli en *mistake* e aksyon disipliner i bezwen ganny *apply*. Si ou pe kontinyelman pa swiv Lalwa. Akoz sa i en Lalwa sa ki ou pe swiv.

So mwan mon pozisyon i pou reste konsistan lo la. Se ki si ou consistently in breach of the rules, ou bezwen fer fas avek la konsekans. Akoz i nepli en *mistake* la.

Lo kote pti biznes ki mannyer zot benefisyé. Mon antyerman dakor avek ou ki nou bezwen fer, e sa mon ti'n mansyonnen dan Bidze ki nou bezwen rod fason pou nou fer pti biznes vin gro biznes.

Nou pa kapab reste toultan pti biznes. E *one of the area* ki zot kapab benefisyé se dan bann *Government Projects*. Me selman osi la, *it's a 2 way thing*. Se ki Gouvernman i bezwen met en striktir an plas ki *allow* zot pou benefisyé. Me pti biznes osi i bezwen fer sir ki i annan sa kapasite pou li delivre lo sa standar.

So tou lede kote i bezwen zwe son rol. Mon pa konnen si *CEO* ou ti oule azout okenn pwen lo sa bann sa ki mon'n dir. Mersi.

MR SPEAKER

Yes. CEO.

CEO MARIE-NELLA FRED

Mersi Mr Chair. Mersi Onorab pou ou kestyon. Mon krwar mon ti a voudre tous en pti pe lo kote *power of the Board*, kot ou ti pe demann nou.

I vre ki mannyer Lalwa i striktire parey mon'n fer en mansyon avan e *probably* ou'n vwar dan nou *annual report* osi. *Power of board* i sort of limite in the sense of aksyon ki

i kapab pran, *versus* bann challenges e bann kontrent ki i pe met devan, ok?

Dan bokou ka atraver legzersis ki nou fer at a meeting. Letan nou pe revwar bann rapor evalyasyon pou tennder bann rekomandasyon, nou come across bokou lobzervasyon ki - me selman nou menm nou, nou pa kapab fer okenn aksyon imedya.

Nou bezwen zis fer rekomandasyon through Procurement Oversight Unit again koman sa legal body. Sa regilatwar (sorry), pou take up sa bann issues.

E a bokou fwa nou vwar nou pe, as bann sityasyon i repeate, nou kontinyelman met sa devan. Me selman ki nou'n ganny en konpran of late se ki with the review of the Act ki'n komanse, en pti pe letan sa legzersis in komanse, bokou keksoz pou ganny address letan Lalwa i ganny review.

Par egzanp bokou bann keksoz ki *Board* pe met devan i about bann keksoz base on prensip. Ou konnen parey nou pou dir nou pe ganny difikilte avek issue VAT, en legzanp. Atraver SCCI bokou supply osi in konplent sa laspe margin of preference.

Kot letan zot vwar zot pe bid dan international tender

versus supplier aletranze, toultan zot pri i bokou pli o, e zot pe demann why not zot ganny en margin of preference.

So i tou sa bann keksoz ki nou pou vwar. Me selman parey mon'n dir, nou annan en pe limitasyon *as to* pou nou *actually* nou menm fer sa bann aksyon lo la, nou bezwen refer kot *POU*. Mersi.

MR SPEAKER

Mersi CEO. Wi, Onorab.

HON GERVAIS HENRIE

Mon annan zis en pti pwen vitman Mr Chair. Pou mwan kapab byen konpran ankor mannyer *Board* i *operate*. Dan lesans ki kantite larzan ki zot pe *deal* avek. Ki mannyer sa *Board* i travay, pou li konpran e *build-up* son lekor.

Eski i zis toultan asiz dan en *Boardroom* e diskite. Ouswa zot sorti enn ler, al fer bann *site visit?* Annan bann enterakssyon avek bann antite ki zot *deal* avek pou zot kapab konpran sa lenerzi ki pe pase dan lendistri.

Ler ou pe donn bann *tender* ki 2019, par lao R773 milyon. *I mean it's a lot.* Pou zot kapab konpran bann dimoun zot pe *deal* avek. Mersi.

MR SPEAKER

Mersi. CEO.

CEO MARIE-NELLA FRED

Mersi Mr Chair. Mersi Onorab pou ou kestyon. Onorab i tout en melanz, *ok?* I annan lenstans kot ou pou vwar nou *mainly* dan *meeting*. Akoz parey letan ou pe revwar *procurement* ek *tender*, i annan ki *straight forward*.

I annan ki zis bann proze senp ki in fer son *technical analysis*, in fer son *financial*, i annan en *cost estimate*. Tou son bann lenformasyon i la, so ou fini vwar ki direksyon i pe pran e i *flow* byen, mannyer sa Lorganizasyon in fer zot rekomandasyon.

Me selman bokou fwa nou fer fas ek bann proze ki en pe pli konplike, pli *complex*. E la nou bezwen envit Lorganizasyon pou anvoy zot reprezantan pou vin asiste pou donn plis leklersisman lo sa proze. Si fodre fer en prezantasyon devan *Board*. E la *Board* osi i enterakte avek zot.

Akoz ki nou vwar par ler, bokou fwa nou koman *Board* nou bezwen antre dan soulye sa lorganizasyon pou nou konpran kwa ki zot, zot pa *procure*.

Me selman dan bokou fwa letan ou get zot rekomandasyon, zot, zot pa pe antre dan nou soulye pou zot konpran ki bann prensip ki *Board*. pe met devan e ki fodre zot swiv pou *ensure* ki zot rekomandasyon i *fair*.

E in annan lenstans dan lepase osi kot wi nou'n bezwen fer *site visit*. Pou nou konpran en pe pli byen sa bann proz ki pe ganny met devan par Lorganizasyon. So, i tout en melanz. Mersi.

MR SPEAKER

Mersi CEO. Onorab William.

HON WAVEN WILLIAM

Mersi Mr Chairman. Mon ti a kontan demann avek Minis, par lefe ki yer nou'n koz bokou lo *procurement*. Letan mon pe get manda *Tender Board*, pou piblik konpran la deor, letan nou pe koz *selective bidding* avek *open bidding*. E mon mazinen sa i *relye* avek en sonm larzan.

So, ti a bon ki nou ganny en leksplikasyon lo la. Epi mon vwar lo *bullet point* anba '*current challenges*.' *Bullet point* 3 kot zot pe dir ki zot rankontre bokou rezistans avek bann lorganizasyon pou adopte bann metod konpetitiv.

E *well*, nou koman Manm Lasanble nou napa laprev. Me selman dan sirkilasyon dan distrik, dan pei ou tande e nou vwar bann serten keksoz ki pe pase e ou kestyonn ou lekor.

Par egzant mon a donn ou en legzant. *LWMA* ou vwar poudir zot ti pe donn bann *tender* pou 3an. E dan donn *tender* 3an ou vwar poudir i annan en tandans kot swa zot, zot pe azir dan en fason malen kot sa pti kontrakter letan i pe *bid*, ler ou pe dir be fer pou 3an, son sonm larzan i *inflate*.

Letan ou *compound* tou sa 3an ansanm e ki fer ki zot bezwen *quote* vreman ba. Ki finalman ou trouve i kree lespas pou koripsyon, akoz swa zot *breakeven* dan lenplimantasyon egzekisyon travay. Ouswa zot fer bann *marginal profit*.

So mon santi poudir i annan en pe lord pou mete, akoz i annan bokou lespas ki ganny kree, ki i kapab vwar tandans koripsyon antre.

So mwan mon dakor avek ou ki lord i ganny mete. Me mon ti a kontan osi ki nou ganny en pti lekspansyon lo la. Mersi.

MR SPEAKER

Mersi. *Panel*.

MINISTER NAADIR HASSAN

Mersi Mr Chair. Mersi Onorab. CEO a pran sa leksplikasyon lo *the type of bidding process*, pou eksplik en pti morso.

Lo sa kestyon bann rezistans *from other entities as a challenge*. Mon krwar sa i kler, i annan bann *entities* zot adopte sa bann *best practices*, e sanmenm sa ki nou bezwen annan en *zero tolerance approach* lo avoiding to comply avek *procurement rules*.

At the same time, yer mon'n mansyonnen i annan en lot *issue* ki kekfwa i annan serten landrwa ki bann *rules* i tro konplik. I pa ase senp ki prezan i met serten difikilte.

So sanmenm sa nou bezwen fer sa *comprehensive procurement reform* ki nou fer li en sistem ki senp, at the same time i annan sa *adequate control* ki annan *proper management of public funds*.

So tousala i en louvraz konpreansiv. Annefe mon pou dir ki *the public procurement reform* i enn bann task pli *challenging* pou mwan koman Minis Finans, akoz sa i landrwa kot mwan mon menm mon ganny plis konplent, plis rapor ki annan sa, i annan sa pe arive.

E I think once and for all we need to it down and

address this issue. Me mon a pas avek CEO pou eksplik en pe nou bann

MR SPEAKER

Mersi. CEO.

CEO MARIE-NELLA FRED

Mersi Mr Chair. Mersi Onorab pou ou kestyon. Onorab letan mon pou eksplik sa bann differan metod i pou ed mwan pou reponn en pti pe ou kestyon lo sa rezistans to more competitive method.

Now, dan *Procurement Act at present*, i annan 3 main metod ki pe ganny adopte par lorganizasyon. Nou tou at, an prensip Lalwa i dir ki fodre otan ki posib adopte en prosedir konpetitiv e dan sa nou pe *mean open tender*. Ok, mon krwar zot tou zot ofer avek *open tender*.

Now dan lenstans kot sa pa posib, swa i annan en lirzans, swa Lalwa osi i permet si i annan en sekter ki petet napa bokou dimoun, i deza ase anfermen, you know there is 3 or 4 people ki kapab provide sa servis. Then you can adopt limited bidding.

E si sa osi pa posib, ou annan ou zis en dimoun ki kapab fer sa servis or i ekstrememan *urgent*, dan ka

emergency. Then ou annan recourse to direct bidding.

Me selman *the way the Act is*, avan okenn Lorganizasyon i fer, i adopte *direct bidding or limited bidding* i bezwen demann laprouvasyon board atraver *Procurement Oversight Unit*. *Open tender* i *straightforward*.

So, ki nou vvar apre ki mon'n eksplik sa 3, parey nou dir dapre Lalwa, *public open tender is the ideal method to use*. Nou vvar ki bokou lorganizasyon nou pa anvi *even explore* sa opsyon *open tender*, ki pou nou i pli konpetitiv e nou *hope as Government* i pou ed nou pou ganny en pri pli affordab.

Nou vvar bokou lorganizasyon, sa ki nou dir *procurement plan*, zot pa pe fer. *At the end of the year* en legzant zot pou taye zot pou dir ou larzan pe fini, Bidze pe fini mon anvi fer *limited* oubyen mon avi fer *direct*. E pou nou *Board*, nou vreman kont bann *practice* koumsa, akoz nou *feel* nou pa pe donn loportinite otan dimoun ki ti a voudre partisip dan sa *tender*.

So this is why nou'n dir i annan en pe rezistans lo la. E ou vvar sa en pti pe partou or parey Minis in dir, lafet ki zot pe panse e petet i annan en

serten realite pou dir ki the tender process i complex. I demann en pe plis thinking as to kwa ki nou pe rode, ki kalite suppliers nou pe targete, nou fini dir non. I don't want to go down this road. So, why not mon demann pou fer en more restrictive method which is more direct bidding ek limited. Ok? So sa i en pti pe lo la.

Konsernan en pti keksoz ki ou'n mansyonnen pou *cleaning*, sa zafer 3an. Parey mon'n dir bann keksoz koumsa i ganny *handle* par *POU* e mon konnen sa *tender* li i ti ganny fer anba en *technical section* ki ti laba, ki ti *operate* anba *POU*.

Me selman otan ki mon'n aware as to why sa bann *tender Cleaning* ti pe ganny fer pou 3an, se ki ti annan bokou konplent from sa bann operator menm. Poudir ki en kontra 1an, *whatever investment* ki zot pe fer i pa ase pou zot retir en profi or whatever.

So akoz mon krwar initially ti 2an. So la ki desizyon ti ganny pran ansanm avek sa bann Lazans pou bouz li pou 3an.

So that pou en pti kontrakter par egzant ki annan sa kontra i more secure as to ki mannyer i spread son cash flow for the 3 years. Mersi Onorab.

MR SPEAKER

Mersi. Mersi Onorab. Onorab Aglae.

HON EGBERT AGLAE

Mersi Mr Chair. Bonn apre midi *CEO*, delegasyon, Minis. Mon pou met lanfaz lo sa bann varyasyon ki annan dan *tenders*, ki ou'n nonmen. Akoz souvandfwa *Tender Board* i ganny akse li.

San petet dimoun konpran lafason ki zot *operate* e ki kalite *tenders* osi ki zot pran kont avek sa marye ki zot marye avek *procurement*.

E mon santi poudir lefe ki ai annan *Procurement Act* an plas, ki pou mon mwan i en pti pe *cumbersome*. Parfwa i pa donn en pe fleksibilite osi, ki fer keksoz en pti pe konplike dan sa bann prosedir *tender*.

Bon, baze lo sa mon ti a kontan petet demann *CEO* dan sa relasyon travay avek sa bann Departman, ki zot, zot parfwa annan zot prop *Unit* ki parey *Local Government* li menm li.

I annan son bann fason fer, prosedir kot ler i pa al fer bann *tender*, li menm ki pa neseserman vin devan *Tender Board* akoz i pa en *open tender*.

So lo sa nivo, mon ti a kontan petet demann ou ki

mannyer ki zot kapab, zot pe travay premyerman pou anpese ki zot ganny akize ler en *tender* pa pe marse, ouswa i annan bann *default in tendering* ki ganny fer, ki ledwa i ganny montre lo zot e parfwa zot ki bezwen parfwa avek *procurement* al entervenir pou kapab remedye sityasyon. Sa i enn.

Dezyenm ti a bon fer kler, kan eski ou pou *allow* pou annan en *open tenders*, en *selective* ouswa en *direct bidding*? Akoz souvandfwa i annan bann groser proze. Ou'n nonm ou lakantite larzan, mon konnen i annan *ceiling* ki ganny *cap*, parey proze par lao 150mil i bezwen pas dan en lot.

Par lao 750mil i vin dan en lot. So, nou bezwen kler lo la sa, akoz i ariv bokou konfizyon avek sirtou bann *tenders* ki bann dimoun pe vin *tender*. Kot ler i annan sa sityasyon kot keksoz pa marse parey mon pe dir ou.

So, eksplik nou, kan ki zot *allow* pou sa kapab ganny fer? Par egzanp en pti peron ouswa en pti drenaz 50met i pa a bezwen pas dan tel gran prosedir, parey si mon pe al fer en miray 6met aepre 150met. Ouswa en *building*, ouswa en

lezot lenfrastriktir ki par lao sa bann sonm.

E dernyen mon anvi petet ekliersi mwan ankor lo konsern bann *non-performing contractors* ki ganny *tender* tou lazournen, malgre nou konnen poudir zot pa'n *perform*. Me selman *still* zot *bid* zot pe gannyen.

Eski i annan en konversasyon ki ganny fer avek *procurement*, avek *Tender Board*, avek sa antite ki *own* sa proze li menm li? Pou fer ki nou pa kapab pa donn en dimoun ki pa pe *perform* ankor en lot *tender* ki apre sa antite i perdi larzan ouswa Gouvernman menm ki pe perdi? Mersi.

MR SPEAKER

Mersi Onorab. CEO.

CEO MARIE-NELLA FRED

Mersi Mr Chairman. Mersi Onorab pou ou kestyion. Mon a sey mon mye pou go through tou.

Konsernan kan ki nou *allow open tender, limited bidding, direct bidding as in* diferan metod. Lalwa mannyer i ete *it's not a financial thing* sa to ki prosedir ki ou fer. *It's more to do kot threshold i antre se amount of* sa proze par egzanp.

Up to 150mil, proze i ganny aprouve dan Lorganizasyon. I ganny fer, i ganny aprouve dan lorganizasyon.

So, la li sa lorganizasyon i annan tou drwa adopte direct, limited, open. Depandan lo kwa ki i pe rode e si i krwar sa provizyon dan Lalwa i support sa. Akoz parey mon'n dir, direct bidding dan Lalwa i kler li ki bann lenstans ou kapab servi li.

Dan bann letan dirzans, sa keksoz ou kapab procure from only sanmenm sa dimoun or pou rezon standar. Ou'n abitye spare parts probably pou sa kalite masin ou bezwen pe procure more pou ou stok, then you go by that.

Apre between 150, once ki ou desot 150 basically, tou bann procurement i sipoze come atraver sistem. Meaning atraver Procurement Oversight Unit. Apre atraver Tender Board. Pou between 150 a 750mil, POU ki handle sa, akoz i annan bann komite ki'n ganny set up pou aprouve, me Board li parey nou'n dir i get zis par lao 750mil.

So again. Once ki ou ariv sa threshold la, tou sa bann opsyon metod i la pou ou. Me selman depandan lo sirkonstans sa procurement ki

ou pe fer li menm, ki pou diriz ou pou ou konnen, eski dan sa konteks mon kapab fer *open tender or non?*

I en ka irzan, mon pa pou kapab, letan *is not on my time* akoz nou konnen *with open tender* ou bezwen *allow* letan.

Ou bezwen *allow* letan pou *deduct*, vin *site visit*, fer son *submission* ki pou fer detrwa semenn avan i *submit*. Evalyasyon.

So ou bezwen *allow* tousala. So si ou napa letan definitivman si i fer en sans anba *limited* pou ou demann, pou ou fer li anba *limited*. Si non, *you go on the direct bidding*. So, sa i en pe ki diriz Lorganizasyon *as to* ki metod ki zot kapab servi.

Lo kote *non-performing contractor*, mon konnen *it's a big issue* e Lasanble in toulstan met sa devan. Ankor provizyon debaz i la dan Lalwa e i *call debarment procedures*. Kot sa bidder si i pa'n *perform* i sipoze ganny *blacklist* pou en sertern peryod letan. I pa sipoze partisip dan *tender* Gouvernman. *Ok?* Pou en peryod letan. *If I'm not mistaken, up to two years.*

Me selman ki nou vwar pe arive, mannyer Lalwa i eksplik sa, sa prosedir i bezwen

komans dan lorganizasyon, zot menm. Ki zot pe fer fas avek sa *issue* ki zot pa kontan performans sa kontrakter. Zot ki sipoze *lodge* en *case* kot *POU*, pou dir *look* mon pa kontan performans sa kontrakter, mon anvi anpes li partisip dan mon *tender in the future*. *This is what is not happening.* Sa premye pa la, nou pa pe fer.

E ki i arive, par ler i annan lorganizasyon pou dir ou, ar *Board* pa pe konpran nou. Nou pa anvi pran sa dimoun. Sa bann lenstans koumsa nou pa fer, sa bann lorganizasyon zot pa fer okenn prosedir lo sa kote. Ki zot fer bokou fwa, zot *terminate*. Zot *terminate* kontra sa dimoun.

So sa dimoun letan in ganny *terminate* i napa ni en rikord *comme quoi* i pa'n *perform*. Nou pa'n satisfe or whatever. E i *feel* ki mon kapab partisip ankor. I ale i partisip ankor dan ou *tender*.

E letan i partisipe, then ou rekomande, non pa anvi donn li akoz i pa ti *perform*. But there is no record, no trail ki nou koman en *Board* nou kapab verifye poudir wi sa dimoun pa'n *perform*. E baze lo tou sa bann fe ou kapab pa rekomann li en kontra.

So, it's a big issue in itself, me selman mon panse avek Lalwa ki pe ganny revwar, bokou lanfaz pou ganny mete lo ranforsi sa prosedir en pti pe plis, pou fer li en pti pe petet pli fasil osi pou lorganizasyon komans bouze e *actually take action.*

MR SPEAKER

Mersi. Ou bezwen klarifikasyon Onorab? Wi.

HON EGBERT AGLAE

Wi, mersi CEO pou sa klarifikasyon. Petet ler nou pe mazin revwar sa Lalwa la. Si zot petet konsidere, akoz mon konnen sa bann prosedir pou ou kapab *deal* ek en *non-performing* pou ou parey ou pe dir, *debar li from participation*, i en pe *long* e i konplike tou. I annan laspe legal ki sa dimoun osi i kapab, sa kontrakter ouswa sa antite i kapab anmenn ou Ankour.

So baze lo sa, zot pe mazinen petet annan en *register of performing contractors and non-performing contractors*, ou met li anba Lalwa ki demen ler ou pou'n met li, petet ou'n *bar* li, petet ki i ava annan en peryod letan ki nou dir be *ok*, for the next 6 months tel service provider pa kapab, ouswa tel contractor pa

pou kapab partisipe akoz *non-performing*, pou tan kantite letan. Apre la i kapab re vini.

Ki fer ki sa prosesis legal i koup en pe e zot santi zot en pti pe pli *safe* ki pa bezwen al Ankour, al isi, al laba. So, i vin *fair*. Mersi.

MR SPEAKER

Mersi CEO ou a *note* sa pwen. Mon konnen i annan bann komite ki annan *meeting*. *Schedule* mon krwar pou mini edmi. Me selman i reste mwan zis en entervenan apre bann *Leaders*. So, nou a prolong en pe, apre nou a prolong *lunch break* osi. Onorab Labrosse.

HON RICHARD LABROSSE

Bonzour Minis. Bonzour Mr Chair, bonzour tou dimoun ki a lekout. Mr Speaker, enn de, 2 mon de kestyon in fini ganny leklersisman avek CEO lo la. Me selman mon ti a kontan met en pti keksoz devan Minis. Ler mon'n ekout CEO byen ek bann kestyon larepons ki'n sorti. Dan sa ki pe vin dan mon lespri la, ankor pe rod ou gidans Minis.

Eski i pa le moman in arive la kot nou fer *Tender Board* plito vin en Lotorite kot li i ava *supervise* bann *procurement* ki bann

lorganizasyon Gouvernman e osi piblik i angaze ladan?

Akoz ler mon pe get lo zot manda la, zot osi zot pe aprouve. Zot pe aprouv *award*, zot pe *reject*. E mon pe santi ki bann *tender*, bann kontra ki Gouvernman pe donnen i annan en pti pe laspe konmsi ladan. *Thank you, Mr Speaker.*

MR SPEAKER

Mersi panel. Wi Minis.

MINISTER NAADIR HASSAN

Mersi Mr Chair. Mersi Onorab pou ou kestyony. Si ou get *National Tender Board*, i deza li menm li en *body cooperate* lo li menm. I annan son lendepandans *from sa process*. I pa en Lotorite akoz i pa *regulate*, li i pa fer sa fonksyon.

Me i deza annan sa lendepandans lo li menm. Me selman parey mon pe dir, ler nou pe travay lo sa reform *procurement*, tou sa bann laspe Gouvernans ki pe regarde ki mannyer pou ete. Me selman pour lemoman i deza en *entity* lo li menm li. Mersi.

MR SPEAKER

Mersi. Onorab Pillay.

HON SEBASTIEN PILLAY

Mersi Mr Chairman. Mr Chairman, ler mon pe regard

Bidze *Tender Board* i pa usually en Bidze ki anmenn bokou kontansyon. Akoz lenportans ki *Tender Board* i anmennen, e mon krwar Minis dan son lentrodiksyon in fer kler ki staff ki nou annan kot *Tender Board* zot laba akoz apre plizyer lannen zot in devlop en konpetans e en kapasite pou zot konpran sa *Procurement Act*.

Ki malerezman nou tou nou pou admet e lefe ki mon *Chairman FPAC*, pa tou dimoun ki konpran li. E ler pa tou dimoun ki konpran li e la mon pou difere avek menm serten koleg lo mon latab, e avek lezot koleg ki'n koze avan, se la kot nou ganny konplent.

E Minis ou dir ou ganny konplent. Tou bann predeseser Minis in ganny menm konplent. Probableman ler ou asize lo *Cabinet* tou dimoun i blanm ou. I dir ou zot proze pe tarde akoz *Tender Board*, akoz *Procurement Act*.

Zisteman akoz swiv sa *Procurement Act*, i pa zis en *Act* ki ou fer li en zour. I en *Act* ki komans depi ler ou komans depi ler ou komans conceptualize ou proze, ziska ler ou bezwen fini ou proze.

So dan sa lespri, eski i annan okenn travay ki Minister li menm pe fer, pou

an relasyon ek bann *staff* ki zot *deploy across* bann differan antite? Pou asire ki zot kapab annan bann *staff* ki annan konpetans dan servi e fer, servi *Procurement Act* e zisteman pou zot kapab ede pou fasilit travay ki *Tender Board*?

Akoz sa ki mon pe vvar, se ki evantyelman nou pou bezwen kontinyen pe ogmant Bidze *Tender Board* pou donn plis *staff*, pou li kapab fer *oversight* lo sa ki pe pase. Sa i mon premye kestyion.

Mon dezyenm kestyion. I relate avek serten kestyion ki'n raise sa i al anver serten Polisi ki Gouvernman pe pran. Mon'n tann Onorab William, atraver ou Mr Chairman, koz lo bann kontra ki *LWMA* i donnen. Be enn bann desizyon Polisi ki Gouvernman i pran, se zot pe revwar sa bann kontra e zot pe *avoid* kas li dan bann pti bout.

Eski sa dan li menm prezan pa pou re kre en *issue during the tendering process*? E ki mannyer Minister Finans prezan li i pou kapab asire ki i annan en sistem *tendering* ki retir tou alegasyon, tou persepsyon ki i pou annan okenn *favoritism in the awarding of contracts*? Ki mon asire tou bann Manm lo tou lede kote latab in ganny plizyer

reprézantasyon avek plizyer dimoun an se ki konsern sa.

And then mon trwazyenm pwen i vin lo sa pwen ki mon krwar, CEO in eksplike, me ki mon krwar haven't been driven home. Ou konnen tou dimoun i konplent bann *tenders*. Sa ki tou dimoun pa realize se ki sak dimoun ki'n fer *tender* i annan drwa a reprézantasyon devan Lalwa, si son drwa anba sa Lalwa pa'n ganny respekte.

So eski zot pe fer en prosedir. Minis yer ou ti koz lo en *whistle blower* Polisi. Eski Gouvernman i annan lentansyon entrodwir, vin ek en Lalwa pou *whistle blower*?

Ki ava permet okenn dimoun ki annan okenn alegasyon, kot i dir annan keksoz ki'n pase, eksetera, i ava vin devan e i a kapab sa bann lenformasyon dan en fason konfidansyel?

E ki *Tender Board* i ava annan levidans tanzib pou li kapab pran aksyon lo la. San ki tou dimoun pe ganny dir differan keksoz, me ki napa levidans pou *Tender Board* kapab pran aksyon? Mersi Mr Chairman.

MR SPEAKER

Mersi. Minis ou a komanse?

MINISTER NAADIR HASSAN

Mersi Mr Chairman. Mersi Onorab pou ou kestyon. Lo ou premye kestyon *regarding lack of understanding lo procurement*, i pa neseserman en *National Tender issue*. I more, i tonm anba *Procurement Oversight Unit*. Me selman nou a pran li ansanm akoz *it's part of the procurement process*.

Mon krwar one keksoz ki nou nou'n remarke, se pou bann *issue procurement* i komans koman en *lack of planning*. En *lack of planning* i fer ou preznan pe degaze, pe fer en proze. Pou enplimante en proze.

E preznan ou pe sey *cut corners* pou ou kapab fer sa on time. So si ou ti'n *plan properly*, sa ti pou donn *adequate time* pou fer sir tou ou bann prosedir in ganny meet.

E nou Minister Finans ki devret pouse, se a *3-year planning process*. Savedir en proze ki ou pe al fer an 2023-2024, son *planning starts now*. So i donn ou sa letan pou ou swiv tou prosedir, met tou keksoz an plas ki ou swiv tou keksoz byen.

Lo *issue ledikasyon*, mon'n ganny enformen ki i annan bann *training* ki'n ganny fer dan lepasse, e kekfwa nou bezwen rekomans sa ankor

pou fer sir ki tou bann *line Ministries* zot understand the *procurement process*.

Me pour lemoman *POU* i pe deza pe asiste bann *MDAs* avek zot *procurement process*.

So parey ou annan ou annan ou *Local Government*, *SLTA*, *Ledikasyon*, i annan bann *staff POU* ki asiste zot. Me selman ler nou'n fer sa reform, kekfwa en keksoz ki nou devret konsidere se whether there is a need to santralize tou bann *procurement officers*. So sa i bann keksoz ki nou bezwen regarde dans sa reform.

Lo ou dezyenm kestyon, lo *breakdown of contracts* ki nou ti mansyonnen. Mon krwar *Policy* ki Gouverman pe regarde, se ki we are getting value for money, ok? Ki nou pe spend tax payers money in the most efficient effective way.

E toulstan, ler nou pe fer sa mon krwar sa eleman of *procurement* pa kapab ganny *compromise*. So pa akoz ou pe fer sa ou pe *compromise* ou *procurement process*. Me ou bezwen fer sir ki tou sa prosedir i an plas, ki reflekte sa 4 prensip ki CEO in mansyonnen taler, i pe ganny enplimante.

Ou trwazyenm kestyon ti lo *whistle blowing*, sa. Mon'n

mansyonn sa yer e mwan personnelman mon pou en *advocate of annan en Whistle Blowing Policy* akoz mon krwar i pou anmenn en kantite *value in the governance structure*.

E ou konnen, *sometimes* ou asiz dan Minister Finans ouswa kot *Tender Board and all*, ou pa pou konnen ki pe arrive *in the line Ministries*, ki pe arrive lo teren. Me ler ou annan en *Whistle Blowing Policy*, i set the prosedir. I donn sa proteksyon legal en *whistle blower*. I a fer sa louvraz en pe pli fasil. Mersi Mr Chair.

MR SPEAKER

Wi Onorab.

HON SEBASTIEN PILLAY

Mersi Mr Chairman. Mersi Minis pou ou larepons. Mr Chairman, premyerman enn bann keksoz ki mon ti a kontan ganny en langazman oubyen en presizyon lo la. An menm tan ki nou ti pe koze pandan letan ki pe reponn bann kestyion, mon'n pas lo *website Tender Board*. I en *website* ki mon pas lo la ase souvan. E zot annan bann *tenders listed up to 2017*.

Eski i annan en fason...? Lo sa *website* i *up to 2017*. Eski i annan en fason pou nou kapab bann *tenders* ki *listed*

up to 2018 oubyen *2019*. Ki, mon pa konnen si mon pe *get the right website*. Sa ki mon pe gete i *up to 2017*. *Tender archives* i al *up to 2017*. Mon pe get zot bann *tender archive*.

Basically, ki mon pe dir, zot annan en *website* ki kapab donn dimoun en kantite lenformasyon. E sa i pou ed dimoun konpran bann *awards*, bann diferan proze. So eski nou annan larzan anba Bidze? Eski nou pe *provide* en finansman oubyen *some sort of support* ki neseser, pou fer ki *Tender Board* i ava annan en *website* ki kontinyen ganny *improved*?

Akoz *Tender Board* i en konponan enportan. Nou relasyon e persepsyon ki tou bann lorganizasyon miltilateral i annan lo nou. E *Procurement Act* osi i tonm ladan. Prezan Minis, si Gouvernman pe antisipe revwar *Procurement Act*, re asir nou Minis ki sa bann revizyon pa pou afekte sa persepsyon ki bann lorganizasyon miltilateral oubyen enternasyonal i annan lo nou.

Akoz ou konpran tre byen ki mon pe dir ou. Sa bann Lalwa ti vin an 2008 an konsekans reform ekonomik. E lesansyel se ki nou pa ti a kontan vwar nou pe regrese,

dan lafason ki nou'n etablier standar an se ki konsern *monitoring and evalyasyon prosedir procurement e tendering* isi Sesel. Mersi Mr Chairman.

MR SPEAKER

Mersi. Wi Minis.

MINISTER NAADIR HASSAN

Mersi Mr Chair. Mersi Onorab. Wi, mon donn ou mon komitman. Akoz ler nou pe revwar en Lalwa i toulstan dan *spirit of strengthening the Act in the process of gouvernans around procurement*. So sa ou annan mon *total commitment*.

Annefe nou pou menm demann bann antite enternasyonal pou ed nou dan sa *process e regarde si sa ki nou pe propoze i in line avek best practices*. Tout an *in mind* ki nou anmenn li dan konteks Sesel.

Lo, ou dezyenm kestyion, si i annan resours pou *website?* I annan en *santral vote anba Bidze ki kouver maintenance of bann website*, so resours i la. Lo sa dernyen kestyion mon a donn *CEO*.

MR SPEAKER

Wi.

CEO MARIE-NELLA FRED

Bonzour tou Onorab. Bonzour Mr Chair. Mersi pou ou kestyion. Nou *website*, mwan ki *maintain* sa *website*. Tou le 2 zour mon fer sir ki mon poste tou keksoz la. Mon krwar nou annan, mon krwar. I *up-to-date* li, selman i drol kot ou pe get dan *archives*, kot ou pe vvar 2017 dernyen keksoz ki nou'n *update*?

HON SEBASTIEN PILLAY

Mon pwen ki mon ti pe fer ek ou, se ki ou bann *tenders* i soz li. Selman ou *archives*, par egzanp si mon pou get 2019, sa ki mon pe vvar la dan ou *archives* i *up to 2017*. I donn ou en kantite lenformasyon. Sa ki nou, nou pe demande, mon krwar i en tre bon *tool*. Me selman i nou kapab kontinyen *update* li dan en fason konsistan. Mersi Mr Chairman.

MR SPEAKER

Mersi. Wi, so ou'n *note*? Mersi tre byen. Nou a pas Onorab Georges. Ou napa okenn pwen? Be bon, nou a kapab vot lo Bidze. Ok, Bidze pou *National Tender Board* i lo paz 190 ziska 193 pou en total R3milyon 599mil. Manm ki an faver lev lanmen silvouple? Mersi Madanm Clerk.

Bidze pou *National Tender Board* lo paz 190 a 193 pou total R3milyon 599mil in ganny 28 vot pour, 0 vot kont e 0 abstansyon. Alors Bidze in aprouve par Lasanble.

Mon a remersye *panel*, sirtou bann zofisyе *National Tender Board* ki pe kit nou. E nou a pran poz pou lot antite ki pou *Public Enterprise Monitoring Commission* apre midi. Mon a donn en pti pe plis letan *lunch break* pou bann komite e nou a komans 2er edmi. Bon nou a *pause*.

(BREAK)

PUBLIC ENTERPRISE MONITORING COMMISSION

MR SPEAKER

Bonn apre midi tou dimoun. Nou annan bann zofisyе *Public Enterprise Monitoring Unit* ki'n zwenn nou. Byenveni. Mr. Georges Titrant son *Chief Executive Officer* e Mrs Verona Rose, *Principal Business Analyst*.

Bidze *Public Enterprise Monitoring Commission* i lo paz 198 ziska 202 pou en total R8milyon, 170mil. Minis lentrodiksyon *please*.

MINISTER NAADIR HASSAN

Mersi Mr Chairman. Bonn apre midi Mr Chairman. Bonn apre midi *Leader Lopozisyon*. Bonn apre midi *Leader Biznes Gouvernman*. Bonn apre midi tou bann Manm e tou piblik.

Konmisyon ki siperviz bann lantrepriz piblik, *PEMC* ti ganny etablir an 2013 avek manda pou fer sir, ki sa bann lantrepriz Gouvernman i ganny byen zere. Ki bann kontrol i an plas e ki zot fonksyonn an lakordans avek bann prensip bon gouvernans, latransparans e rann kont.

Koman en zenn Lorganizasyon *PEMC* in rankontre bokou defi avek bann lantrepriz ki'n egziste pandan bokou lannen. Me pandan sa bann dernyen lannen *PEMC* in met bokou lanfaz pou delivre son manda dan en fason pli efektiv.

PEMC ti met en sistèm pou anmas bann lenformasyon esansyel e depi 2018 i pe prodwir anyelman en rapor lo risk fiskal, ki sa bann antrepriz i kapab anmennen lo nou lekonomi e osi en rapor lo zot performans.

Plis ankor en kod pou bonn gouvernans, en *Dividend and Ownership Policy* ti ganny entrodwi avek bi ki sa bann lantrepriz i anmenn en bon retour lo lenvestisman, e ki zot

delivre bann servis dan en fason pli efektiv.

PEMC pe osi ganny restriktire pou dan en kote, sirvey bann risk e fer plis odit e de lot kote fer sir ki sa bann lantrepriz i perform pli byen. Anmenn plis benefis e elimin gaspiyaz.

Anba mon gidans koman Minis responsab pou *PEMC*, mon donn mon langazman pou donn *PEMC* plis resours pou ranforsi son sipervizyon. Mersi Mr Chairman.

MR SPEAKER

Mersi Minis. Nou a komans avek entrevansyon bann Manm. Mon a komans avek Onorab Lemiel.

HON SYLVIANNE LEMIEL

Mersi Mr Chair. Bonn apre midi Minis avek ou delegasyon. Bonn apre midi tou mon bann koleg Manm Onorab a tou dimoun a lekout.

Mr Chair, enn bann priyorite stratezik *PEMC*, mon pou koz lo zot *first bullet point* la, kot zot oule *straighten performance of PEs*. Apre zot oule *ensure compliance* avek Lalwa, regilasyon, prensip lo kote *good cooperate governance* par enplimantasyon e ranforsman en *risk-based oversight frame work*.

Mon kestyon pou *PEMC* la, i se ki donn en pti pe plis detay lo kwa egzakteman zot pe masin al fer an plis ki zot pe fer la, pou zot kapab *attain*; enn, sa premye *strategic priorities* ki zot in mete e ki an plis bann lantrepriz Gouvernman i ganny pli byen zere?

Dezyenmman letan nou pe get en lot zot pwen, se ki zot oule *strengthen capacity* *PEMC* osi atraver *recruitment*. Konbyen *staff* zot annan pour lemoman ki pe ede pou fer sa travay *oversight* lo lapar Gouvernman? Mersi.

MR SPEAKER

Mersi Onorab. *Panel*, lekel ki pou oule. Wi CEO.

CEO GEORGES TIRANT

Mersi Mr Chair. Mersi Onorab e bonn apre midi tou bann Onorab a bann dimoun ki pe ekoute kot lakaz. *Actually*, letan ou pe regard nou loperasyon, nou divize an 2 seksyon. Enn i anmas tou bann lenformasyon finansyel. *Quarterly, annually* e an menm tan bann *ad hoc*.

E nou fer bann analysis lo performans, lo risk ki zot anmennen pou pei, sirtou *financial and fiscal risk* kot nou submit as soon as possible

avek Minister Finans. E la nou'n vwar dan *COVID* nou'n bezwen fer bann analis lo kote lenpak ki pou annan lo sa bann *SOEs*.

So e lot kote nou fer si oule sa ki nou apel bann *sort of audits*. Bann *investigation or inspection* letan nou bezwen. E dan lepase letan mon ti *join* ti *mainly* ou ganny demande pou fer, pou al tel landrwa akoz ou'n tann en parol. E apre nou'n vwar poudir sa pe afekte nou resours, nou sible serten lorganizasyon.

Parey lannen pase nou'n sible *FSA* ek *Seychelles Fishing Authority*. Plus nou ti'n komans lo *PUC* e *of course* bann *governance audit*.

Ki nou anvi dir par sa premye *bullet point*. Se *as form now* komans travay lo sa ki nou apel en *risk profile* lo bann *SOEs*. I kapab, enn bann *risk* kote *financial and fiscal*, ki tonm dan en Departman kot Mrs Rose i regarde.

E lot osi lo zot *risk* ki annan. Par kantite larzan *capital expenditure* zot annan. *Ok*, zot bann - ki mannyer zot fer bann *procurement*. Eski zot annan en *Procurement Policy internally?* Ki mannyer bann desizyon i pran? Eski zot annan *internal control*, par

egzanp *internal auditors, CFOs?*

So, kot la, *from* la nou pou kapab annan en *risk matrix*. So, nou kapab konnen sa lannen nou pou bezwen regard tel antite.

Akoz de fwa ler bann Manm Lasamble i dir ou tel antite ti a bon regarde. Me nou bezwen nou, pa akoz nou'n tann sa nou kapab al ek en lespri pli *objective* e *ensure* ki *at the end of the day* sa bann *entities* pe fre zot louvraz byen.

Dezyenm, kote *staff*. Mon pou dir petet, nou annan *support staff* ki aepre 3 *staff*. E apre nou annan 8 *core staff*. Nou annan kot *financial*, bann *analyst* nou apel sa. So, byensir nou sanse. Se en lekip tre zenn e tre dinamik, tre kalifye. Pa mal.

I annan pe *acquire* leksperyans. Me byensir letan ou pe regarde osi, nou'n fer en pe *interview* sa lannen, kot bann *quality* ki nou pe gannyen, ki annan leksperyans, nou pa pe *afford* pou nou *bring* zot *onboard*. Akoz nou *Scheme* petet pa permet. Nou'n *offer* zot, zot in refize.

Me nou ti a kontan dan lefitir byensir annan plis *quality staff* ankor, *join* sa lekip

ki la, pou kapab sakenn annan son bout oriyantasyon. E kot nou espere ki nou, nou kapab met *target* lo nou *staff* pou delivre *in a timely manner*. Mersi.

MR SPEAKER

Wi Onorab. *Follow-up.*

HON SYLVIANNE LEMIEL

Mersi Mr Chair. Mon ti a kontan konnen CEO konbyen lantrepriz aktyelman ki pe tonm anba *PEMC*? E apre pou bon fonksyonnman, ou'n dir ou ti a kontan ganny en pti pe plis *staff*.

Me pou ou bon fonksyonnman ozordi apard sa 10, 11 dimoun kekfwa ki ou annan, pou ou bon fonksyonnman konbyen *staff* apepre ou santi *PEMC* ti devret annan ouswa ki zot bezwen? Mersi.

MR SPEAKER

Mersi. Yes CEO.

CEO GEORGES TIRANT

Mersi Onorab. Pour lemoman parey mon'n dir nou annan 8 *core staff* ki vreman i nou *core business*. E nou pou *recruit*, si tou i permet apre *budget* ankor 3 nouveau *staff*. E letan nou'n regard nou *structure* avek nou *Board*, ou pou vwar ki nou

pou bezwen apepre ankor ant 15 a 16 nouveau analis si nou pou ...

Me sa nou konpran *budget issues*. Me selman in *the future* mannyer nou pe vwar keksoz. Akoz nou bezwen mazinen. Poudir parey yer mon'n swiv zot e Minis in koz for lo kote *Internal Audit Division*. E dan bann antretyen ki mon'n gannyen avek *internal audit*, avek osi Minister Finans e *IMF*, *Internal Audit Division* i regard bann *MDAs*.

Me selman bann *SOEs*, bann *public enterprises* zot, zot annan, zot devret annan bann *internal auditors*. E nou, nou sa antite osi ki devret pe *monitor* sa ki pe pase lo kote *internal control* e kot fodre fer odit lo la *or investigation* se nou ki al fer. Mersi.

MR SPEAKER

I annan son pwen, lakantite *enterprise* ki tonm anba.

CEO GEORGES TIRANT

Wi, lo lakantite, nou annan ziska aprezan 31 ki enkli bann *subsidiaries*. Bann lezot konpannyen. Me nou konnen apre *the Budget Speech* e osi dan Diskour Prezidan, i annan

bann antite ki pou ganny
phase-out.

So nou pe esper formal,
the process ganny fer pou nou vvar bann ki pou sorti e ladan nou ava kapab revwar nou figures. E osi si pou annan ki pou vin tonm anba *Public Enterprise Monitoring Commission.* Mersi.

MR SPEAKER

Mersi CEO. Onorab William.

HON WAVEN WILLIAM

Mersi Mr Chairman. Bonn apre midi Minis avek ou lekip. Premyerman mon ti a kontan demann avek CEO. Anba *strategic point bullet 1 and 2*, epi lo latab 5, ki egzakteman zot pe, parey la ou'n dir poudir i annan 31 sa bann lorganizasyon e lo latab 5 ou kapab donn nou en pti pe lesplikasyon? Akoz i pa tro kler sa bann sif.

An menm tan sa bann mezir vizavi performans sa bann *PES*? Par egzanp letan ou'n koz lo 31, e nou pe vvar 2019 nou trouv 20 e in anmenn li 2025. Epi ler ou get bann lezot detay anba *item 1, 2, 3 and 4*, konmsi ti a bon nou ganny en pti pe leksplikasyon. Par egzanp letan ou pe dir *targets to be based line is established.*

Si nou kapab ganny en pti leksplikasyon lo la koman Manm Parlman, pou nou kapab dan lavenir vreman *monitor* e evalye sa performans ki zot, zot pe mazin lo la? Mersi.

MR SPEAKER

Mersi Onorab. CEO.

CEO GEORGES TIRANT

Mersi Mr Chair. Mersi Onorab. Lo kote *strategic bullet point 1* mon'n koz lo la, mon pa konnen si ou ti a kontan en pe plis detay.

Me lo kote *operational and financial risk* nou'n deza devlop en *tools* si oule, kot nou resevwar bann lenformasyon e nou fer antre dan nou sistèm, e nou kapab fer en *analysis*.

Me kot nou'n vvar ki bokou nou letan i pase, i annan *4 staff* ki fer sa, savedir wi *4 staff*, e bokou nou letan i pase pou fer antre sa bann *data* ki vin dan bann laform *either excel* ou sinon dan bann laform si oule *PDF*.

E apre nou bezwen verifye nou bezwen *go back to bann SOEs*. Akoz souvandfwa i annan fot ouswa son bann lenformasyon pa korek.

Me la nou pe travay avek, nou pe ganny en led en lasistans avek Gouvernman

Ameriken atraver zot Lanbasad, pou annan en platform kot bann *public enterprises from zot end zot kapab anvoy sa bann lenformasyon i antre dan nou sistenm direkteman, e sa i a permet nou zis verifye.* E osi *go back for more information.*

E kapab analiz *any risk* ki annan. Annou pa blyie poudir ki *SOEs ou sinon Public Enterprise i anmenn benefis li, dividend, taxes, employment.*

Me selman i annan en kantite risk ki vin avek. Par egzanp letan ou pe pran bann *loan* sa ki nou apel bann *contingent abilities*, i kapab ki Gouvernman in garanti zot *loan or* ki'n kapab ki Gouvernman menm pa'n garanti, i pou ... Me selman *any Gouvernman* pou bezwen *bail zot out* akoz i pou bezwen enportan.

E lo kote loperasyon se ki mannyer nou *set* zot bann *targets?* Ozordi zot annan zot *Board*, me selman i bezwen annan bann *performance targets* ki ganny *set* atraver sak *SOE*. E ki fer zot vin pli efisyen. E ki nou, nou kapab prezan *from la monitor* sa bann *targets*, pou vwar ki i annan *either en return* lo lenvestisman pou Lepep Seselwa.

E ou sinon ki sa bann servis ki zot pe donnen i vin pli efisyen, pli bon kalite. Par egzanp di ou pe pran *SPTC*, nou pa pou ekspekte li pou anmenn *dividend* toudswit. Me selman nou pe ekspekte son servis i amelyore, pli bon kalite servis. E sa i en pti pe ki pe dir lo sa dezyenm pwen kot nou, nou kapab pli an avangard pou averti Gouvernman. E nou'n fer li si oule dan pandan *COVID*.

Kote latab 5 e i bann, letan ti met, letan sa ti ganny fer, en pti pe avan mon lapwentman se kantite *SOEs* i pou kapab *comply* avek sa bann latab.

Si nou pe pran par egzanp avek bann *Codes* ki en pti pe *vague*, *Code* in vin apre. Nou vvar in annan en pti pe difikilte e osi si oule kapasite dan bann *SOEs* pou *ensure* par egzanp ki bann *Board Minutes* pe ganny *submit* ouswa bann desizyon pe ganny pran.

Me kote *IFRS* osi la ankor i annan en pti group petet en minorite, ki pa pe kapab *migrate to IFRS* akoz ankor kapasite.

Governance audit parey non dir nou'n fer, me selman avek *COVID* nou'n bezwen ralanti en pe e letan nou'n ralanti in annan lezot louvraz

ki'n bezwen ganny fer avek *World Bank* an menm tan.

Me selman pou al lo teren li menm nou'n bes en p. e Konpare letan nou ti pe fer 5 nou'n bezwen fer petet 2. Me selman bann gro SOEs olye fer 5 pti SOEs. E se la kot nou anvi si oule *ensure* ki nou annan en *risk matrix*. Me ler nou pe ale nou konnen kwa ki, akoz nou pe al kot sa *SOE*.

Kote *with Code of Governance* ti ganny etabli, sa i devret en *baseline* ki ti devret ganny etabli an 2019 e nou'n pouz li aprezan pou 2021, akoz ankor enn fwa pou *monitor* sa *Code* li menm, pou bezwen al *on site*. E ganny akse ek bann *Board Minutes* pou vwar ki mannyer sa bann desizyon i ganny pran. E sa i en travay ki *ongoing*. Mersi.

MR SPEAKER

Wi Onorab.

HON WAVEN WILLIAM

Mr Chairman mon ti a kontan anmenn *CEO* lo *bullet point 6*, '*major achievements*.' Lefe ki sa size i en size ki dan lespri Seselwa, an menn tan dan lespri Manm Lasamble.

Lo size *Air Seychelles*, eski ou kapab dir nou si sa *due diligence* pa ti pe ganny fer oparavan, ouswa la ki zot santi

poudir i bezwen ganny ranforsi? Baze lo sityasyon ki pei in erit li e nou vwar nou ladan? Mersi.

MR SPEAKER

Mersi. CEO.

CEO GEORGES TIRANT

Mersi Onorab. Letan mon ti zwenn an 2017, nou ti vwar serten defayans lo kote sirveyans *Air Seychelles*, e 2017 nou ti komans rod lenformasyon. E i fodre dir ki nou ti ganny en ta difikilte. Akoz enn nou pa'n abitye *submit or* pou ki rezon.

Or sinon i ti pli fasil detrwa pas direkteman kot zot Minis Transpor or Minister Finans.

So nou'n demann lenformasyon e an 2017, an 2018, 2019 nou ti ganny lasistans avek *IMF* pou devlop nou *tools*, nou *fiscal risk tools* e enn bann kestyon ki ti vini sete *Air Seychelles*. E la nou ti ganny ban lenformasyon ki nou pe rode.

E nou ti fer nou premye rapor an 2018 lo *fiscal*, ki ti pou lannen 2017 e nou ti montre Gouvernman ki bann *liabilities* i annan, ki son *exposure towards Air Seychelles?*

An plis ou bezwen mazinen son *exposure* i an Dolar li. Si Dolar la ozordi i bokou plis akoz ki mannyer *rate* i ete. So apre in konmans *comply*. Me nou ti *proceed* pou vwar en pti pe ki pe arive e nou'n fer en *governance audit* pou vwar.

Enn, nou'n regard lagreman. Lagreman ki ti annan ant Gouvernman Sesel ti annan 2 lagreman, *Management Agreement* avek *Investment Agreement* ki'n ganny ant Gouvernman Sesel avek sa lot lakonpannyen, sa lot *shareholder*, e vwar tou bann *loopholes* ki ti annan.

E apre nou'n regard tou *Board* sa *Board* son bann aktivite ki *then* nou'n *submit* sa rapor avek Minister Finans lannen pase. E *then* i devwar Minister Finans pou al devan kot *Cabinet* e osi pou aksyon lo sa rapor.

MR SPEAKER

Mersi. Onorab Mondon.

HON TERENCE MONDON

Mersi Mr Chairman. Bonn apre midi Minis avek ou delegasyon. Mon premye kestyon i adres size *Remuneration Policy* pou nou bann *public enterprises*.

Eski zot in travay lo e Polisi Reminerasyon pou sa

bann *public enterprise*? E sirtou ler ou get sa bann sityasyon kot ou annan bann saler, bann lo nivo *management* avek bann *middle management*, e bann *lower staff*.

E ler ou get bann ka;- par egzanp *Air Seychelles* ler ou get sityasyon finansyel ler ou get bann lenformasyon ki nou pe gannyen lo zot *salary package*.

Mon ti a kontan konnen ki pozisyon *PEMC*, Minister osi lo sa size, ki travay pou ganny fer anba sa novo Gouvernman? Mon dezyenm kestyon i adres size enn de nou bann *PMC public enterprises - Petro Seychelles*.

Nou'n vwar ki pandan depi 2015 zot kontinyen fer *losses*, e zot lenpak finansyel e ki kapab annan, mon konnen zot pe fer en *risk assessment*.

Me selman mon anvi konnen si kekfwa zot annan deza bann desizyon ki pe ganny mazinen pou ganny pran lo bann *PMCs* ki performans pa alaoter.

SSI mon konnen in pe ganny *phase-out*. Eski ou pe planifye en *proper odit* sa *enterprise* pou sa bann letan ki in la?

E mon dernyen kestyon Mr Chairman dan zot rapor zot

in fer en remark lo Nouvobanq, ler *Central Bank* an Avril 2020 ti donn en lenstriksyon pou pa *pay out dividend* akoz sityasyon COVID pangar lefe lanver lo lekonomi.

E nou vwar ki Nouvobanq in ale in *paid out* en *dividend* par enterim, sa i sorti dan zot rapor.

Petet eski i annan okenn regilasyon, Lalwa ki'n kase dan sa sityasyon kot *Central Bank* i ansarz bann labank i donn en lenstriksyon? Me selman dapre rapor mon war ki *still dividend* i ganny peye menm par enterim?

Petet donn nou en leklersisman lo la, ki'n arive vreman? Mersi Mr Chairman.

MR SPEAKER

Mersi. Onorab. Minis yes.

MINISTER NAADIR HASSAN

Mersi Mr Chair. Mersi Onorab pou ou kestyon. Ou premye kestyon lo *Remuneration Policy*. Annefe sa i enn bann landrwa ki mwan mon pa satisfe avek. Sirtou ler ou pe koz at *senior management level*.

Mon kapab dekrir li koman en dezord total sa. E annefe mon ti pe koz ek *CEO* ki *the last few weeks* osi mon ti pe koz ek *DPA*, ki nou bezwen

re anmenn disiplin lo bann saler *senior management* dan bann SOEs.

Akoz mwan mon'n vreman soke ler mon war sa bann saler. E i pa klerman annan en Polisi ki pe *drive setting of salaries at senior management level*.

E mon krwar *urgently* i annan en louvraz ki bezwen ganny fer, pou met en striktir an plas lo saler of *senior management* dan bann SOEs.

Lo kote *audit*, SSI PS Thesee pran sa kestyon, me zis ma pran ou kestyon lo *dividends* Nouvobanq. Wi i annan en direktiv, kekfwa i a bon konpran akoz i annan en *issue in terms of lekel ki oversee* labank, sirtou en labank ki *government-owned*.

E diskisyon ki mwan mon'n fer avek *CEO* se ki, si *Central Bank* pe *oversee* Labank, li i annan *limited resources*, i pa fer sans pou li osi fer *duplicate* sa legzersis. Me senpleman annan sa relasyon ek Labank Santral ki bann odit ki Labank Santral i fer louvraz i kapab *then ganny share* avek *PEMC*. Mon war sa i pli efikas.

E dan sa laliny annefe mon ti Labank Santral ler nou ti *issue* sa, mon krwar mon ti ankor la wi ler nou ti *issue* sa

lenstriksyon pou zot pa pey *dividend*, akoz nou ti oule zot *beef up zot capital*, e mon pa ti *aware poudir ki zot in pey en dividend*.

Me selman si zot in fer sa i an direkteman an kontrovansyon avek bann Lalwa Labank Santral.

E *Central Bank* pou bezwen, si sa i korek *then Central Bank* pou bezwen pran aksyon kont sa labank. Mon a pas ek *PS Thesee* ki i ava donn en pe lenformasyon lo odit lo size *SSI*. Mersi.

MR SPEAKER

Yes PS.

PS DAMIEN THESEE

Mersi Mr Chair. Lo kote *SSI* tou le lannen i fer son kont, son *dated account* e i an zour avek.

Pou lannen 2020 i dan prose la pou li finalize. Nou ti pa vreman annan lentansyon pou fer en *audit*, akoz ler nou get son striktir ti kler, son bann loperasyon.

So nou pa ti pe vreman al dan sa laliny *as such* vi ki i ti pe prodwi son kont tou le lannen. I ti annan en *Board* osi ki ti pe get son bann loperasyon, e ki ti'n aprouv son striktir ek son bann langazman ki i ti pe fer. So i pa ti dan

lentansyon pou le moman. Mersi.

MR SPEAKER

Mersi. Wi *CEO*.

CEO GEORGES TIRANT

Mersi Mr Chair. Kote *Remuneration Policy* i enportan pou note ki anba Lalwa *PEMC* ti en lamannman an 2014 kot i *regulate* zis saler bann *CEOs* i dir ou zis son *basic salary*; kwa ki ou pa devret, kot i konmanse kote i fini. Me selman i dir ou i *exclude any allowances*.

E napa ankor dan *PEMC* ki annan okenn keksoz pou fer ek *Remuneration Policy*. So ki nou kapab *include*, akoz i mete ladan ki se *DPA* ki *regulate* e dan konversasyon ki mon gannyen ek *DPA* i dir zot pa zot. I pa okouran.

E petet ti annan tro bokou lo zot. E i vre ki i annan en, i annan en 10 proporsyon total, saler i varye. E in ler pou met en lord wi. Me si ou pou met en lord pou bezwen met osi *across the 2 SOEs* ki annan en *salary table* ki sa dimoun ki anba i pa depas *CEO*.

Akoz ki arive letan *CEO* li i vini i war sa *manager* i pe ganny bokou plis, *then* i pou

oule plis. E nou bezwen met en lord definitivman.

And kote *dividend* pou 2019 dan nou rapor, sa i en *interim dividend* ki ti pou ganny peye avan ki sa sirkiler ti sorti. Ti pou en *interim* konmsi ki antisipe pou 2020. E sa i ek Minister Finans mon pa ankor konnen si Minister Finans pou le rann *or* zot ava diskite avek Nouvobanq ek CBS. Me i pa pas par nou, nou note koman performans ki'n ganny fer.

E kote *Petro Seychelles* parey ou pou vvar wi, i *at a loss*. Nou deza fer avan mon arive ti annan en *assessment* ki ti ganny fer. E nou toulstan fer resorti dan nou bann rapor anyel ek rapor *quarterly* ki wi zot *at a loss*.

Me ki nou pou, la nou pou bezwen vvar letan nou restriktirasyon ki zot rol *and* e sa Minister Finans i a bezwen *take the lead* lo la. Mersi.

MR SPEAKER

Mersi CEO. Onorab Gill.

HON CHURCHILL GILL

Mersi Mr Chair. Bonn apre midi Minis ek *panel*. Bonn apre midi tou Manm. Mon premye kestyon *CEO*.

Dan ou rol *oversight* i *monitor* e evalye *overall*

performance pou bann *PEs* an term *financial matters*, *investment performance* e *return of investment*.

Eski ou santi poudir sa kantite *PEs* ki nou annan, zot tou zot pe kontribye pozitivman dan lekonomi pei?

Mon dezyenm kestyon dan sa 31, konbyen ki pe aktyelman pey *dividend* pou Gouvernman? E ziska ozordi oubyen dernyen sif ki ou annan, konbyen total sonm ki Gouvernman in garanti bann *PEs* ozordi?

E si sa i pa koz en problem pou Gouvernman? Oubyen si petet pa'n arriv ler pou nou sey revwar, si nou kontinyen garanti bann serten sonm, groser sonm ki zot, zot pran?

E mon trwazyenm pwen, tou sa bann *risk assessment* ki ou'n koz lo la avek kestyon bann Manm avan mwan, Eski i annan okenn *PEs* i ou santi i en *liability* pou Gouvernman ozordi? E si i annan, ki konversasyon pe ganny fer pou adres sa problem? Mersi.

MR SPEAKER

Thank you. CEO.

CEO GEORGES TIRANT

Mersi Onorab. Mon pou pran en pe ou kestyon, me apre mon

pou demann mon koleg Mrs Rose pou osi tou koz lo kote bann garanti.

Kote *oversight* e apre letan nou pe get bann *return of investment* i fodre dir nou pa pe - *limited staff* souvandfwa nou pa pe ganny sa sans pou nou kapab retourn dan lenvestisman. Me selman nou get zot performans anyel.

Tout an pansan ki nou pa pe zwe sa rol, akoz mon krwar i devret zwe en rol kot Minister Finans, sa Minister ki responsab avek nou ek sa *Board* sa *Pes*, nou set bann *targets* e nou antisip sa performans.

Selman si nou pe regard byen lo 31 *PEs* ki enkli sa bann lakonpannyen *subsidiaries*, i annan en ta *room for improvement*. Si nou ti set targets ti pou pli byen pou nou kapab *monitor*.

Nou santi ki i annan ki pe byen fer, akoz napa bokou ki *at a loss*. Me menm si zot pe byen fer zot pa pe ganny peye *dividend*. And i kapab annan en ta proze. E i annan i sirtou letan ou annan en ta proze i en fason pou ou pa, ou kapab bes sa kantite ki ou kapab donn Gouvernman an retour *shareholder*.

Ou annan osi ki si oule parey nou'n koz lo *staff*, lo *salaries*. And i nou, nou krwar i annan room pou *improve*. E lo kote *dividend* konbyen ki pe peye i relate ek ou premye kestyon.

Sa ki pe deklar *dividend* i ant 6 a 7 in a *good year*. E lannen pase e petet 8. E bann pli gro ki ou pou gannyen *SEYPEC* ki peye, Nouvobanq bann, sirtou bann ki pe byen fer.

Kote bann *liabilities* pou nou pei i pa en mister ozordi ek bann det ki annan *Air Seychelles*, akoz kekfwa letan nou get lo nou lemosyon, be nou bezwen regard byen. I still en *liability*. Nou dan en lensertitid pou plizyer lannen akoz ki i annan sa bann det ki Gouvernman in garanti.

E menm si Gouvernman pa'n garanti bokou i annan ki nou apel li *implicit* ki nou pou bezwen peye. Par egzamp si nou pran sa 2 avyon nou'n *lease*, Gouvernman napa okenn papye *lease*. Me tousala i vin lo ledo *Air Seychelles* e pour nou lakonpannyen nou pou bezwen peye.

Si nou get lo sa bann *bond*, Gouvernman pa'n garanti me selman ozordi i *Air Seychelles* ki pou peye e

Gouvernman pou bezwen asiste.

So en lot *key liabilities* i ozordi dapre nou dernyen rapor lo Bidze en *request for budget analysis* i SPTC.

E letan nou ti klotir 2019 ou ti war zot pe fer en profi, e sa profi in vin pli, i pa ti *at a loss*, i ti plis lo kote larzan zot in gannyen avek lasirans in ed zot. Me *recently* letan nou'n *get opening balance at January zot in request* i, zot *at a deficit*.

Mon krwar ki zot pe ganny sibvansyonnen pou 50milyon, e letan mon pe regard nou rapor nou vvar ki zot in *forecast* en *net loss of 132.7milyon* en? Zot in, zot pe mazin by le 31 Zanye zot ti *at negative 4.3*, e zot pe *forecast by March negative R6million*.

So i, zot pe *forecast zot expenditure* pou 2021 akoz i annan bann konponan, mon konnen *foreign exchange* i *at 214milyon*. So la ankor i en antite ki nou pou bezwen vey li de pres. E la i enportan letan nou fer sa bann *budget report* kot son Minister, Minister Finans nou ek sa antite nou zwenn e nou fer konmela dan nou rapor ki nou fer nou met rekomandasyon.

Mon krwar i enportan vi ki nou pe sans *mindset*, ki nou aret zis siport bann *SOEs*. Nou

bezwen rod bann *mechanism* ki annan bann lagreman ki mannyer pou amelyor. E si fodre al *borrow* oubyen si Gouvernman i prete.

Akoz de fwa ennler bann Antite zot abitye gannyen, *then zot pe ekspekte* pou gannyen. Me an menm tan nou'n demande osi ki annan en Polisi lo kote transpor.

Dezyenmman ki i annan en legzersis ki ganny fer ki nou kalkil *what is the economic tariff* par kilomet?

Pa pe dir la dimoun pou bezwen ogmant bis, me ki nou konn the *real value the real tariff* pou nou kapab compensate zot.

Akoz ozordi en tiket i R7 si mon pa tronpe, e R7, en samousa i R6. Me nou bezwen get bann mekanizm ki mannyer bann dimoun i ganny asiste. Me selman ki mannyer nou, *either* nou kit parey nou, pa sibvansyon dan kote *PES* me nou *compensate* zot pou sa, or i annan serten lazisteman ki ganny fer.

Me selman i pou bezwen annan plis kontrol, plis lord ki ganny mete. Sa mon krwar mon pe *look forward* pou travay ek Minis Finans ek Minis Transpor ek *Board* ek *management SPTC*. Mon ava

les Mrs Rose reponn sa kestyon lo kote

MR SPEAKER

Thank you. Mrs Rose.

PRINCIPAL BUSINESS

ANALYST VERONA ROSE

Mersi Mr Chair. Mersi Onorab pou ou kestyon. E bonn apre midi tou bann Manm Onorab.

Regarding Government guarantees dernyen lenformasyon konkret ki nou annan ki'n ganny odite i pou lannen 2019. So as at le 31 Desanm 2019, ti annan R1.9milyon public enterprise debt ki ti'n ganny garanti par Gouvernman. E sa i reprezent apepre 49.5poursan total debt of sa public enterprise sector.

Pou lannen 2020 nou pe travay avek *Public Debt Division* dan Minister Finans e an mezir ki nou resevwar bann *audited accounts*, nou ava osi kapab provide sa figure. Mersi.

MR SPEAKER

Yes, Onorab.

HON CHURCHILL GILL

Mersi Mr Chair. Mersi CEO pou bann larepons. Si mon'n konpran ou byen. I annan apepre 6 ki ou dir pe fer byen. E apre lezot apard ki *Air Seychelles* ek *SPTC* ki nou

kennen, eski zot bann *audit obligation* an term *compliance*, sa bann *PEs* zot, zot *audit* pe ganny fer parey i devret ganny fer *annually* e tou bann rapor pe antre, tou bann *audit* pe ganny *certified*?

Akoz si ou pa pe ganny *dividend* ek serten, i enportan rezon i ganny etablir kler. E sa i pou sorti atraver *audit* pour ou kapab konn sa performans.

E mon dernyen remark se, si sityasyon *PEs* i koumsa, petet *CEO* ou pa santi petet, i devret annan en diskisyon tre serye konsernan bann *PEs*, pou nou asire ki nou pe ganny sa ki nou devret gannyen, e kot nou santi ki i enposib, petet nou pran serten desizyon? Mersi.

MR SPEAKER

Mersi. *CEO*?

CEO GEORGES TIRANT

Mersi Mr Chair. Mersi Onorab. Kote bann odit 2019, akoz nou bezwen esper *submission of audit. Audit Report*, bann *financial statements* 2020 pe komans rantre la. E 2019 nou annan zis 5 lakonpannyen ki pa'n submit zot *audited financial statements*.

Me i bezwen fer enportan, enportan note ki i pa vedir ki zot pa'n ganny odite. Ladan

par egzant ou annan *Air Seychelles*, son dernyen rapor i 2017, son dernyen *submission*, me selman in gannyen odite li. Zis akoz i annan sa *issue* ant sa de *shareholders* pa ankor finalize, *then* bann *Board Members* pa kapab sinyen e oditer pa kapab sertifye.

Apre ladan nou pou annan nou, *Seychelles National Park Authority* li en nouveau *public enterprise*, son rezon i mainly son, son *issue* avan i ti *budget dependent*, e zot ankor pe finaliz lo la.

Nou annan *2020 Development* ki en konsern pou nou, akoz li son bann *main* rezon i ki i dir nou se bann *dispute* ki i annan bann later ki pa ankor ganny transfer. Me selman nou konnen osi nou'n met a plizyer repriz a latansyon Gouvernman, e *past ladministrasyon* osi.

Lo kote son *Board* i napa ase manm lo *Board*, ki nou, la nou pou bezwen revwar li la osi dan en diskisyon byento ganny fer. Apre nou annan *Paradis des Enfants* ki en pti *entity* e PS i ava dir akoz mon krwar i en dan, i dan leta pou *phase-out* osi.

Apre *Seychelles Fishing Authority* osi, ki i en *new PE*. Li osi i annan en pe ... I pa, ou pa ankor kapab fini son odit, add

son bann *issue* avan, li osi i ti antre 2019. So me larestan tou in ganny odite.

I annan serten ki pa peye *dividend*. la nou annan en *Dividend Policy*. Me i annan serten ki bann *corporation* par egzant *PUC*. *PUC* in toultan fer ase byen.

Me selman i pe *retain* son *earnings*, i pe ganny *Grants* me selman i annan en *Policy* antre Gouvernman ek li, ki pa pey *dividends* pou li *invest*. I annan lezot konpannyen osi ki petet napa, ki pa ti pe peye.

I pou enportan ki nou annan en diskisyon lo la ek sa *Dividend Policy* e ki nou asiz ek sa Minis ek Minister Finans ek nou ek sa *Board*, poudir be i devret annan serten retour pou lenvestisman.

Akoz letan ou pa pran *dividend* sanmenm sa ki petet i arive. Ou annan ou, si ou annan ou en *retained earnings*, *let's say* en konpannyen i annan 700milyon a R800milyon dan *retained earnings*.

I pli fasil pou li vwar larzan la. I napa *much* kontrol, akoz i pa ganny kontrole. I annan son *Board* e ou, menm si i annan son *internal auditor*, i kapab vwar bann proze pou fer. I kapab ogmant son saler.

Akoz se *Board* ki set saler bann konpannyen. So lo sa kestyon be lo ou dezyenm kestyon mon ava les Minis reponn. Mersi.

MR SPEAKER

Thank you. Minister?

MINISTER NAADIR HASSAN

Mersi Mr Chair. Mersi Onorab. Ou konnen sa *issue* gouvernans e performans bann *PEs*, sa i en keksoz ki fatig parey mon'n dir, i fatig mwan latet en kantite sa.

Akoz mon santi i annan plizyer landrwa ki i annan bann defayans ase sever e ki poz en risk, pour finans pei.

E annefe, diskisyon ki mon pe fer avek *CEO* se ki, ki mannyer nou pou fer sa louvraz Minister Finans ansanm ek *PEMC*, pou nou kapab met en lord *once and for all*.

E, e ki nou ti vwar? Se ki gouvernans pa ti pe mars byen. Akoz normalman ki mannyer en *SOE* i *operate* son Polisi, se ou pou annan ou *The Cabinet of Ministers* ki li i pou set the *Policy direction* e through the *responsible Ministers*, sa i ganny escalate to *The Board of Directors* e *The Management Team* to

implement the Policy of Government.

Me i pa ti pe antyerman mars koumsa. E i ti annan serten *SOE* ki ti pe fer en pe mannyer i ti anvi.

E nou, nou anvi re anmenn sa disiplin e ansanm ek *CEO* ki'n - nou'n diskit en kantite lo la, ki mannyer nou pou fer sa louvraz ki sa gouvernans li menm i mars byen.

E ou annan en *effective monitoring through PEMC*, ki montre poudir be *the SOE* pe delivre dapre son manda ki *Cabinet of Ministers* in donn li pou li fer. Mersi.

MR SPEAKER

Thank you. Onorab Henrie.

HON GERVAIS HENRIE

Mersi Mr Chair. Bonn apre midi tou dimoun. Mr Chair mon en pe trouble par bann larepons ki nou pe gannyen akoz, mon krwar ki ziska prezan, nouveau ladministrasyon i nouveau depi Oktob.

E prezan i pou bezwen deside vreman pou met en lord dan sa lemonn *SOEs*. Akoz i kler ki ti napa en lord avan, en kontrol.

E sa bann *SOEs* a mon avi i ti'n ganny kree dan bann areas kot *private sector* li i pa

ti kapab *step in*, e donn pei sa servis. Dizon par egzanp en bon servis transpor piblik, so SPTC ti bezwen ganny kree.

Ouswa *private sector* pa ti pou kapab donn pei en *airline*. *Air Seychelles* in bezwen ganny kree. Be solman *still* mon krwar i ti annan nesesite ki sa bann dimoun i ganny kontrole byen dan en kad.

E letan mon pe get manda *PEMC*, mon pa santi mon dan bann larepons ki nou'n gannyen, poudir vreman zot kapab kontrol sa bann, sa bann antite. Parey letan *DPA* ti vini. *DPA* i annan son *salary grid* pou *public service* e ou pa kapab zis fer nenport kwa dan sa *grid*. I annan en lord.

I annan lalis *non-compliant entities*, bann *MDAs* ki'n donn nou. Ozordi nou pa pe gannyen sa nou. Lo kestyion Onorab Gill. Konbyen antite ki pa'n pey *dividend*? Mon krwar poudir zot ti merit annan en lalis kler. Akoz ler mon pe get dan Bidze, dan Seksyon Reveni lo pti 18.

Mon vwar zis *SEYPEC*, *FSA*, *SSI*, *Afrique Exim Bank* zis sa 4 ki mwan mon'n vwar ki'n peye. Dan 31 lo, lo paz *I mean* lo *website PEMC*, mon vwar serten lalis, me solman letan

mon konte i annan zis 20. So i annan 11 ki pa la.

Prezan al fouy dan bann *audited financial report*, ou vwar en lakonpannyen parey *IDC* i annan li 1,2,3,4,5,6 *subsidiaries*. E pour nou sa, solman mon pa konn nanryen mwan ki pe arive!

Konmsi sa bann dimoun pe fer nenport kwa, sa bann biznes pa pou bann endividé. So mon kestyion Mr Chair, pa mon kestyion me mon pledwari avek Minis Finans ki reprezent *Cabinet* la koman sa novo administrasyon dan nou pei.

Silvouple dan bann mwan ki pe vini, get byen sa zafer *SOEs*, met en lord. Bann ki nepli annan relevans ouswa i pe kree en risk pou nou pei, mwan mon dir, nou fermen. Nou konmsi nou bezwen, met en lord;- bezwen met en lord akoz *at the end of the day* i pou kout Sesel bokou plis.

E mwan koman en Manm Lasanble ki pe reprezent en *constituency*, mon pa kapab aksepte sa bann keksoz. Akoz mon konnen bann *constituent* bokou fwa, zot pe zis peye atraver tax solman pa zot ki'n demande pou sa bann keksoz arive.

Mon pa krwar i *fair* lo nou popilasyon pou nou kontinyen annan les sa bann

dezord. Mon pa krwar si mon'n annan en kestyon vreman, so mwan mon pe zis fer en pledwari. Pou met en lord, enn fwa pour tou, ki nou pei i mars bokou pli byen e i ganny gouvernen bokou pli byen. Mersi Mr Chair.

MR SPEAKER

Wi. Minis ou a komanse.

MINISTER NAADIR HASSAN

Mersi Mr Chair. Mersi Onorab. Onorab parey mon'n dir ou mon *share* menm konsern ki ou annan, mon vvar menm risk, e sanmenm sa ki mon dir ou i en *area* ki fatig mon latet en kantite.

E mon donn ou tou mon komitman as Minis Finans ki nou pe al met lord. Mersi.

MR SPEAKER

CEO.

CEO GEORGES TIRANT

Mersi Onorab. Selman i enportan konpran dan ki rol *PEMC*? Ki son Lalwa i permet li? Si ou pe koz lo kote *salary* nou pa antre ladan nou. Akoz la Lalwa i dir nou kler *DPA*. *Ok?*

Ziska prezan nou en *oversight entity, monitoring*. Nou anmas lenformasyon e mon kapab dir ou dernyen 3an

kantite lenformasyon, kantite louvraz ki nou'n fer pour pti gin *staff*. E nou ganny commenter atraver Sid *African countries* par *IMF* ek *World Bank* koman *the best organization*, ki pe ganny fer pou fer en louvraz enorm lo kote performans e gouvernans pe seye.

E, me ou bezwen mazinen osi ki i annan en *fragmented ownership* ozordi ki annan. Ou annan Minister Finans i annan son bout, ou annan ou ... *Ministry*, sa Minister ki responsab, ou annan ou sa *Board*. Ou annan ou, ou ti annan ou SSA, ou annan ou *PEMC*.

PEMC en ler ou pa konnen ki son rol, i anmas lenformasyon i fer bann *analysis* i donne. E tou louvraz ki'n ganny fer pou met lord i ganny *submit*, nou annan louvraz ki nou'n fer.

Nou'n fer louvraz lo Linyon *Estate*. Mon krwar ti vin devan *FPAC*. Nou ti re ale ou ti vvar nou louvraz in byen fer, e keksoz ti ganny nou ti fer en dezyenm Rapor lo Linyon ki letan ti ganny vvar ti dir *ok*, la nou met lord.

Nou'n fer Rapor lo *Seychelles Port Authority*. Kot nou ti montre kantite defayans en ta keksoz, nou'n donne,

nou pa'n tann nanryen. So nou'n fer ... So letan ou pe regarde nou nou'n fer nou bout avek *limited resources*.

E se nou ganny, ozordi nou'n met an plas en *Ownership Policy*, kot nou vin sa akter ki reprezent Gouvernman ki met bann keksoz an plas ki *monitor*, e la *from* la nou kapab ganny dir be pa ou pa'n fer ou bout.

Si nou ganny sa, sa sipor apre resours. I fer 3an tou le lannen mon vini mon ganny en promet resours, me selman i pti gin mon konpran. Me selman mon kapab dir ki sa bout ki nou'n fer, mon pou tir mon *chapeau* avek sa tim.

Akoz letan mon'n vini, mon kestyon mon ti demann avek SS Payet ki ti *PS*, mon ti a kontan konn rol sa lorganizasyon? Sanmenm sa mon ti al rod *IMF* avek li nou ti pe ganny en koze. E nou ti anmenn *IMF on Board* e sa in ede pou amelyore.

Me latas i ankor long, en? E si ou ganny sa sipor *then*, e ti annan nou ti ganny dir pou annan bann *super CEO* ozordi mon pa per okenn *super CEO*. *Ok*, zot bezwen reponn.

Me selman annandler dan le pase kestyon i ankor, ou fer ou louvraz apre zot al direk kot zot Minis. E nou swete ki dan

nouvo administrasyon letan zot, zot al kot Minis la mon kapab komant Minis Finans ki anvoy zot ozordi zot bann *Chairman back to PEMC*. Mersi.

MR SPEAKER

Mersi. Wi Onorab.

HON GERVAIS HENRIE

Zis en pti pwen Mr Chair. So pou nou, konpran byen konmsi *the - eskiz mwan*, mon bezwen servi sa lekspresyon “*the animal we're dealing with*”;-. Akoz sa bann lorganizasyon, sa bann *SOEs in a way* zot in grosye zot sitan *powerful* an term kalite Bidze ki zot pe kontrole. An term saler ki zot pe gannyen par lao R200mil i annan, dan bann zot *CEO*.

An term lenfliyans ki zot annan dan pei. Eski letan la nou pe koz lo tou sa bann *issues*, ki nou pe leve *we feel*, poudir *some of them* zot tro *powerful* e ki zot, *they are out of control*, eski sa i leka? Mersi.

CEO GEORGES TIRANT

Ozordi mon pa pou vwar personn ki *out of control*. Si mon ganny sipor Gouvernman, par egzanp kote saler *DPA* i dir ou i pa antre ladan. E si i dir nou dan nou nouvo Lalwa ou sa antite ki atraver diskisyon

ek Minis Finans ek sa Minis responsab *then we set the Policy.* Ou konpran?

Ou annan bann, mon pa vwar personn ki pli *powerful*. Byensir la, nou, nou bann *mechanism* ki nou'n fer dernyen 3an nou analiz zot Bidze. Nou *submit* ek Minister Finans.

Nou'n santi zot pe al pli lwen zot bezwen *submit* zot Bidze pli boner, e menm zot bann *capital projects*, zot bann *investment*. Lekel ki verifye sa? Sa i devret vin nou rol avan ou al *invest* ou bezwen gete si dan ou manda, me i pa nou rol pou le moman. Sa i enportan pou nou regarde.

MR SPEAKER

Mersi Onorab Romain.

HON GEORGE ROMAIN

Mersi Mr Chair. Bonn apre midi Minis ek ou delegasyon. CEO mon'n tann ou koz en pti pe *regarding* Onorab William, mon'n tann nonm ou, nonm *Air Seychelles*.

Mon anvi tous en pti bout ankor lo sa size *Air Seychelles*. Mon konnen ou'n fer ou rapor ler mon pe get dan ou manda lo ou bann *achievements* mon'n vwar ou'n fer *assessments* lo *Air Seychelles*.

E definitivman ou'n bezwen vwar keksoz ki pa normal. Parey nou kapab dir lo kote i ti annan en problem finansyel dan *Air Seychelles* nou tou okouran sa ozordi. Ozordi nou vwar ki pe arive ek *Air Seychelles* bokou *staff* pe perdi zot travay.

Akoz pou sa bann problem ki mon kapab dir *mismanagment*. E mon kapab mete osi ki ti parey dan en *laissez-faire* laba.

E mon'n tann ou dir ou rapor ou pran ou donn avek kote Minis Finans e zot ki pran en desizyon. Mwan mon pe demann ou en kestyon CEO, eski ou annan, dan ou manda mon krwar ou ti pti pe tous en pti pe;- selman mon a redemann ou ankor sa kestyon, dan ou manda si ou pou vwar ki zot pe al mal ek en *public enterprise*, eski ou kapab koze ek zot *the best way forward* pou sey gid zot, pou zot kapab pou *avoid mismanagement* ki pe arive, pou *avoid* perdi larzan dan sa bout? Sa mon premye.

E mon dezyenm, mon konnen ou'n mansyonnen ki i annan 31 *public enterprise* ki zot pe *deal* avek, e i bokou. E alors mon ti a kontan vreman konnen kantite vreman *staff*, mon konnen vreman ou

probableman ou bezwen ankor *staff* pou travay ek sa bann *public enterprise*.

E mon konnen osi ou pa pou probableman ou pa dan zot *good book*, sa bann *public enterprise* akoz ler ou pe al laba definitivman ou pa pe ganny en bon *welcome*.

E alors mon pe demann ou ki kalite difikilte ki ou rankontre ek zot ler ou pe travay avek zot? Mersi Mr Chair.

MR SPEAKER

Thank you. CEO.

CEO GEORGES TIRANT

Mersi Mr Chair. Mersi Onorab. Kote letan nou fer nou rapor. Ok. Definitivman en antite parey *Air Seychelles* en konpannyen parey li, nou rapor letan nou pou fini nou donn li en kopi pou li *commenter*.

I donn son komanter pou li met ladan. E enn ki mon ti ganny, pa ti ganny byen *welcome* akoz ti dir nou, nou langaz i en pe tro for.

E pou mwan, mwan parey en oditer, mon langaz i en lot langaz. Ok, nou, nou ti kit li parey, nou ti *submit* en kopi ek Minis Finans. Akoz i Minis ki responsab pou anmenn nou bann rapor devan *Cabinet*. E

nou ti *submit* en kopi avek son Minister responsab Minister Tourizm ek Lavyasyon sa lepok.

So nou letan nou'n fer nou rapor ti en *Government Audit* lo bann *Board* lo sa bann Lagreman, nou'n donn bann rekomandasyon kwa ki devret ganny fer pou evite ki annan sa bann ...

Par egzanp letan ou pe regarde, son problem i *mainly* en *loan*, en lagreman ou annan en gro *partner* ki pli avantaze ki ou. Ou annan en lagreman ki si pa'n ganny fer.

Letan mon ti analiz sa bann *legal provision* ladan ou vwar i petet li i ptipti. Sanmenm sa ki enportan letan nou pe antre dan bann negosyasyon, nou annan bann bon Avoka ki get tou sa bann detay, en?

E apre nou from la nou Minister Finans i devret anmenn sa pli devan. E mon krwar i enportan osi ki sa bann rapor koumsa dan le fitir dan nouvo Lalwa, en kopi i ganny *submit* avek either Lasanble Nasyonal or FPAC, pou le moman nou *submit* ek nou *lines of submission* i atraver Minister.

So ki i ava evite par egzanp si ou gete zot in pas atraver restriktirasyon *way*

back avan mon arrive, zot in repran dimoun, ouswa zot in ganny demande pou repran, zot pran bann larout.

Eski nou, nou bezwen prezan *from now*, dan nouvo Lalwa nou'n mete, ki letan ou pe al fer sa bann, sa *sort of investment*, sa bann larout, ou bezwen anmenn en *proper analysis* ki mannyer ou pou benefisyé.

So e sa nou, nou kapab osi gete e pou nou kapab *advice shareholder on it*. Lo kote petet, si ou ti kapab revin ankor lo kestyón bann *PEs* ...

HON GEORGE ROMAIN

Wi mon ti pe dir anvi ki zot annan 31 *public enterprise* ki zot lyez avek, mon'n dir ki mon konnen zot pa dan zot *good book* ler zot al sa bann landrwa pou *monitor* zot.

Alors ki mannyer ou travay li menm li, ki kalite bann lenpak negativ ki ou gannyen ek sa bann lorganizasyon ler ou al kot zot? Sa bann *public enterprise*? Mersi.

CEO GEORGES TIRANT

Mon kapab dir ler mon'n arrive 2017, ti annan mon ti ganny *advice* par mwan predeseser pou rann zot en pti vizit ki mon ti arete tre byen vit. Akoz mon

pa krwar mon devret al bwar kafe avek en *CEO*. Akoz mon annan en rol ki mon merit pe zwe.

Laplipar nou'n fer bann miting bann zot, laplipar i bann nou'n ganny *welcome* lo nou, ler nou vini.

I be selman i fodre dir i annan enn ou de ki'n met en pe lobstak. Parey sirtou dan letan nou pou lans en lenvestigasyon dan lentere piblik, ou ganny en pe difikilte. Zot ti dir *everything is ok* zot Chairman pou dir ou i *ok*. I pa vvar akfer ou bezwen fer envestigasyon. E mwan mon larepons se mon *Board* in *endorse* en lenvestigasyon nou bezwen *proceed* avek.

E *recently* ti annan i annan enn ki - mon al demann leskiz i lo nou *achievement*, nou ti'n bezwen, nou ti krwar nou pou fini li, be avek nouvo manm *Board* nou'n ganny akse pou nou kapab *print* bann dokiman.

Akoz ou annan bann dokiman petet 60 paz ou pe ganny demande zis pou lir lo *internet*, lo *screen* ou pa kapab *print*. So pou mwan mon pa ti vvar sa i fezab. Me selman ler ou asize ou demande be ki bor ou tap laport la? Sa dimoun petet i pli pros ek Minis ki ou. Pli pros ek 4 ... Lotorite.

So, me selman sa pa'n dekouraz nou. Akoz nou en tim ki parey mon pe *train* nou bann *staff* pou vin bann *regulator*. Parey letan mwan mon ti komanse mon ti ganny *trained* dan lasirans ek novo *Chief Labank Santral*. Kote ou *act*, nenport ki ou laz koman en *regulator*.

Letan ou fer fas avek en dimoun ki annan 60an, 50an 40an si oule, ki annan plis leksperyans, ou bezwen dan en lapo en *regulator* e letan ou pe *investigate* ou dan lapo en *investigator*.

Me selman mon krwar laplipar i zot *comply*. Me ou pou annan toultan serten ki pou rod en fason pou pa *comply*. E letan zot pa *comply* nou donn zot en direktiv e nou kopi, nou *copy* osi Minis Finans ek zot Minis, pou *ensure* ki zot bann lotorite pli pros ek zot, i konnen kwa ki nou pe fer.

MR SPEAKER

Mersi. Yes Onorab.

HON GEORGE ROMAIN

Mersi Mr Chair. CEO, mersi pou ou bann larepons. Mon annan en, mon'n tann ou mansyonnen ki ler *Air Seychelles* parey zot bann novo larout ki entrodwir,

byensir i merit vin devan, koz en pti pe lo la, gete si i profitab. Apre lans ladan.

La nou konnen *Air Seychelles* pe komans *fly Dubai*. E nou tou nou konnen *Emirates* i pe *operate* ek en *triple seven* sorti *Dubai* preski toulezour.

Alors mon demann mon lekor en kestyon ki *Air Seychelles* pe al fer *Dubai*? E dapre mon konpran zot dir i pe anmenn bokou dimoun lo sa *flight* an tournan, be an alan zot pe al ek en avyon vid epi zot tourn ek en avyon ki en pti pe pli plen.

Be mon, ou pa krwar la pou al met *Air Seychelles* ankor dan plis problem? E sa nou pe koz nou, nou pe aprouv en Bidze pou zot R132milyon, mon krwar aepre keksoz koumsa. E mon krwar i en pti pe irresponsab pou fer sa bann desizyon koumsa. Alors mon ti a zis kontan kekfwa ganny en pti pe ou pwennvi lo sa, ki ou panse? Mersi Mr Chair.

MR SPEAKER

CEO, wi? CEO.

CEO GEORGES TIRANT

Mersi Onorab. Mon krwar ankor ou'n fer en pwen remarkab ki sa i letan en konpannyen sirtou letan i dan

difikilte se la kot ou devret entansifye son *monitoring*.

Byensir i bezwen *operate*, me pou li kapab ganny en larzan an retour. Be selman i kapab, i devret pe prouve ek son *Board* sa keksoz i devret vin kot at *least* kot nou, e Minister Finans e Minister responsab pou zistifye akoz zot pe al fer sa. E ou vwar osi bann danze.

E nou, nou ganny envite bann diskisyon e nou pa ezite met devan ki bann lenpak i kapab annan ki bann evantyalite. Ou konpran, e pou le moman dan striktir i pa kler konnen, ou konnen i en sekter dan son Minis responsab.

E mon krwar i enportan ki bann Minister i *involve* nou, dan sa dan sa diskisyon a tou moman ki nou la ki nou kapab met nou bann pwennvi devan.

De fwa en ler i enportan nonmen, ou tann keksoz lo televizyon koman en Lotorite. I pa fer, i pa fer dibyen e sirtou letan ou annan ou bann zenn *staff* zot kestyonn ou. Akfer petet nou pe fer sa? E la ou tann en lot zafer. So i enportan ki mon krwar nou bezwen met *The Ownership Policy* i annan kad, mannyer nou travay.

MR SPEAKER

Mersi. Onorab Cosgrow.

HON WALLACE COSGROW

Mersi Chair. Bonn apre midi tou dimoun. Mr Chair mon premye kestyon i ganny *dilute* en pe avek tou bann larepons, tou bann kestyon bann larepons ki'n ganny donnen. Me toudmenm mon pou, mon pou koz en pti pe lo la.

Nou'n tann koz bokou ozordi lo, lo rol *PEMC*, *oversight*, antre dan bann lorganizasyon. Ozordi, *well* ozordi tou sa bann *SOEs* zot bann konpannyen.

Zot *incorporate* anba *Companies Act*. Zot annan zot *Board*. Zot annan zot *internal audit mechanism*. Zot fall under en *parent Ministry* ki swa Transpor, Lenerzi menm Minister Finans. Zot *submit*, zot fer zot *compile at least* zot bann *Annual Reports* lobligasyon anba *Companies Act* ki obligasyon osi anba Minister Finans.

So mon kestyon ti pou, ki vreman rol *PEMC* la? Eski i *act on behalf of* Minister Finans, ki i fer ler en *SOE* pa ekout li? Ou'n reponn en pti pe sa kestyon. Me solman *still* mon anvi demande par egzanzp ler i annan en risk, ou vwar en landrwa i annan en risk pou Bidze pou pei, ki pouvwar zot annan pou zot akte?

Dezyenm kestyon an term SOEs ki'n ganny kree pou *perform* en *public function*, en fonksyon servis piblik. La mon pe koz par egzanp SPTC ki ou konnen poudir ki probableman *unless, unless* ou fer monte pri bis, ou sanz serten paramet ou riske pa pou zanmen, ou riske pa ganny en *dividend* avek li, or Gouvernman i riske bezwen *subsidies* li pou en pe letan. Akoz zisteman i *perform* en servis piblik, so ki zot fer dan en sityasyon koumsa?

Eski zot egzize ki sa lorganizasyon i *operate* koman en biznes profitab, ouswa zot, zot, zot travay avek li pou li kapab *as much as possible be more efficient* e ganny en pe plis reveni?

Ki zot fer dan sa lenstans kot en lorganizasyon i annan en lobligasyon servis piblik? Mersi.

MR SPEAKER

Wi. Mersi Onorab. Minis.

MINISTER NAADIR HASSAN

Mersi Mr Chair. Mersi Onorab pou sa kestyon. Mon a, mon a donn ou pwennvi Gouvernman lo sa *issue* bann *entities* ki *provide* en *public service*. E apre CEO i a donn ou son pwennvi.

Mon krwar i annan sa bann lantrepriz, parey *PUC, SPTC* ki by natir zot diferan ek bann lezot *entity*. Akoz zot, zot pe *provide* en *public service*.

E mon krwar nou bezwen ganny en balans. Sa bann *entities* zot priyорite *is not return on investment*, zot priyорite se *provide* sa servis.

Me solman dan provizyon sa servis, nou bezwen gete *whether at the minimum it should break even. Or if it cannot break even at* sa pri ki nou ki i santi poudir i abordab, *what kind of subsidies* i pou gannyen?

E ou *level of subsidies then* i depan lo resours finansyer ki annan dan Bidze. So si dan Bidze ou dir be *ok* pou sa lannen mon kapab donn ou R50milyon.

Me selman si ou, ou, ou *funding gap* i R150milyon savedir i annan en *gap* R100milyon. So nou bezwen ganny sa balans *between* sa pri ki pou *break even* e ki resours finansyer i annan dan Bidze pou siport ou.

E dan tou sa analiz ou, ou pri *at the end of the day* ki ou *break even* i baze lo ou *operational cost*.

E la osi la ki nou bezwen fer en analiz pou gete, eski sa antite pe ganny *run* avek *the*

most optimal, in the most optimal manner ki operational cost i as low as possible?

So pour summarize sa se, son priyrite i pa fer profi, i pe provide en public service, be nou bezwen gete *at what* ki sa nivo ki ou kapab *subsidies* li si sa pri i pa kapab ganny maneuver?

So tousala i en, i en analiz ki ou bezwen fer e *come up with* ki sa pri i ete. Mersi.

MR SPEAKER

CEO, wi?

CEO GEORGES TIRANT

Mersi Mr Chair. Mersi Onorab. Kote nou rol. Nou rol i kler anba Lalwa nou la pour desarz en fonksyon e nou fonksyon se nou sirvey sa bann lantrepriz e nou averti Gouvernman lo bann *potential* danze ki kapab annan.

E osi lo bann *good factor*, bann profi ki i pe, i kapab ranmase e osi si annan okenn issues ant lo bann SOEs e osi ant Gouvernman ek bann SOE's. So sa i nou rol. Nou la, pou sanmenm sa ki nou fer nou bann rapor, nou fer nou *fiscal risk*, nou fer nou *Performance Report*.

Par egzanp tou le lannen depi 2017 nou'n *advice* Gouvernman parey si ou get

2019 dan nou rapor ou pou vwar ki kote lannen 2019 Gouvernman i dwa SOEs R40.5milyon. Tou bann *arrears* ki annan ant bann Departman ki servi.

Par egzanp ki'n ki dwa *Air Seychelles*, ki dwa PUC, ki dwa STC. E sa i bann keksoz nou anmenn devan Gouvernman ki zot bezwen pey sa, sa bann SOEs sa bann det.

E lo kote, en lot keksoz ki nou, nou i pa zis bann ki fer PSOs i annan trwa kalite *Public Enterprises*. Ou annan *commercial* ki ganny etabli. Ou annan bann *corporation* parey SPTC, PUC. Ou annan osi bann antite ki ti bann *regulators* ki ozordi i annan serten lendepandans.

So in annan, malgre ki pa tou ki sipoze fer *PSO*, me i annan serten ki pe fer akoz bann *Policy decision*. E ou annan bann *quasi-fiscal activities* dan bann, ki zot fer bann *public service obligations*. E ki nou *advice* Gouvernman apepre, nou *compute* konbyen i kout, i koute.

E i enportan pou note ki lannen 2019. 1,2,3,4,5,6,7,8 SOEs in *provide* sa pou en lavaler ki i pa sipoze si oule pe fer li. Zot in *provide* sa pou en lavaler R384milyon. I montre ou ki zot pe kontribye dan

lekonomi. Akoz zot tou zot, zot pa ganny *compensate* pou sa zot dan *budget* sa bann.

Zot pa ganny *subsidy*, zot pe zot menm zot pe delivre en servis pou Lepep Seselwa atraver zot prop operasyon. So i pa, sanmenm ki sa *Dividend Policy*. I pa pe trangle bann SOEs li. I pe met en lord.

I en lord osi ki i pe mete kont Gouvernman ki sak lannen i dir mon pou bezwetan, alor i *dictate* sa SOEs pou pey li 150milyon, 200milyon. Me sa *Dividend Policy* i anmenn en Lakor, en diskisyon ki mon pa kapab pey en *dividend* ki pli o ki mon profi.

Si mon annan dan mon *retained earnings* se mon annan en *special dividends* kot i bezwen annan nou pe get osi progre en *SOE*, en *public enterprise*, ki kapab envestir ankor, ki kapab re kapitaliz son lenvestisman, son loperasyon. *Invest* dan bann lekipman.

E sa i enportan. Se sa dokiman ki nou'n met, ki'n ganny adopte par *Cabinet* pour ki i annan sa diskisyon ant bann *Board* ek Minister lo sa kote.

MR SPEAKER

Thank you. Onorab Sandy Arissol.

HON SANDY ARISSOL

Mr Chairman. Mersi bonn apre midi Mr Chairman. Minis ek ou lekip avek tou dimoun a lekout. Mr Chairman mwan mon reste konfize. E mon annan en problemm avek bann larepons ki nou pe gannyen apre midi.

Mon annan en problemm parske letan nou vvar nou dan en sityasyon ekonomik pei ozordi, kot tou nou bann dimoun ki ganny pli ba saler Sesel. I annan en pe in perdi zot plas travay, i annan en pe saler in ganny koupe. Pa pe ganny logmantasyon in dir parske nou dan en kriz ekonomik.

Me letan nou annan bann lantrepriz piblik deor, ki sipoze met en larzan dan kof Gouvernman zisteman pou pei kapab bouz de lavan, nou ganny dir ozordi i annan en bann pe "tola", en bann i "yola", en bann i "pota", en bann i "mola".

Mwan mon pa dakor avek sa. Parske mwan mon ti vot pou en Gouvernman ki nou arete gannyen sa kalite leskiz. Lenpresyon ki mwan mon gannyen ou a krwar Mr Tirant, i annan lantrepriz ki i kapab antre koz avek. I annan en pe lantrepriz ki fer li per, oubyen

li menm li i per sa bann antrepriz.

Mwan mon ti vote pou annan en sanzman sa lannen, lannen pase parske mon ti'n ase ek lafreyer mwan. Bann la ti fer nou per, zot ti trangle nou, napa ki zot pa ti fer ek nou. Alor mon'n vot pou en nouvo Gouvernman.

Alor mon ti a kontan enn fwa pour tou la dan sa Lasanble Nasyonal, Mr Tirant i dir avek mwan, konbyen bann lantrepriz piblik ki *PEMC* i sipoze *monitor, evaluate* e get zot performans? Lir avek nou Lasanble Nasyonal lekel sa bann lantrepriz piblik? Mon premye kestyon.

Mon dezyenm kestyon mon ti a kontan si Mr Tirant i dir ek nou, dir nou lalis lekel bann antrepriz piblik, ki pa pe kontribye dan kont Gouvernman ki sipoze kontribye? I enportan pou nou Manm Lasanble konnen avan nou vot lo Bidze *PEMC*!

Mon trwazyenm kestyon e mon dernyen kestyon mon ti a kontan demann Minis Finans, Minis mon'n tann ou dir i annan en dezord dan sa bann zafer saler, en bann i ganny sa groser, en bann i ganny pti asa, sa la sa, sa bout.

Dir nou en kou, donn nou en pe lalis bann saler ki bann

CEO i gannyen dan sa bann lantrepriz piblik la? I enportan pou nou konnen parske i larzan Lepep Seselwa.

Mon krwar i pou enportan letan Mr Tirant i ale nou vot pou son Bidze taler, i ava annan en *focus* kler. Kwa ki son responsabilite? Lekel ki devret pa devret fer li pe per ankor dan nou Gouvernman e lekel bann ki sipoze kontribye?

E mon ti a kontan ganny mon bann larepons kler, enn dernyen lot parey mon'n demann mon kestyon. Pou mwan kapab donn mwan *Caucus* lord pou nou gete si nou pou vote pou sa Bidze oubyen non? Mon krwar mon larepons i enportan apre midi. Mersi bokou.

MR SPEAKER

Mersi Onorab. Lekel ki pou, al premye? *CEO*.

CEO GEORGES TIRANT

Mersi Onorab. Mon le rasir ou e reasir sa Lasanble ki i annan 31 lantrepriz piblik. I annan serten ki en konpannyen li menm, i annan serten ki bann *special purpose vehicle*. Lalis i dan Regilasyon si oule 2019.

Mon pou napa dan sa enn, me selman en pti moman. Ou pou annan ladan, byensir

mon a servi ansyen Regilasyon mon a donn ou bann larestan.

Ou annan *Seychelles Public Transport Corporation, Property Management Corporation, Air Seychelles, Island Development Company, PUC, Seychelles Aviation Authority, PEP, SEYPEC, STC*, annou tir Praslin *Transport* i ti ganny liquidate. *SSI* ou annan *Development Bank of Seychelles, Housing Finance Company, Nouvobanq, (Savings,) Seychelles Commercial Bank* aprezan. Ou annan *Seychelles Pension Fund, Seychelles Port Authority, ou annan ou Seychelles ozordi i apel Seychelles Financial Authority- (SIBA) dan lepase.*

Linyon Estate, ou annan *Seychelles Postal Services Lapos*, ou annan *NISA* kote *Nasyon*, ki e osi *Petro Seychelles*. E si mon pou azout bann novo ou pou annan ou *National Park Authority*, ou annan ou *Seychelles Fishing Authority* dan sa lalis. Apre i annan osi en pti konpannyen ki belong to *Pension Fund* ki apel *Opportunity Investment Company Limited*.

So sa i bann zot, zot bann *subsidiary*. Mon kontan ou'n dir en pti ou'n donn en pwennvi serten i fer mwan per. Non! Mon kapab rasir

Lasanble personn pa fer mwan per. Akoz mon'n pas atraver *Fair Trading Commission*, mon'n fer fas ek bann pli gro Avoka ek bann pli gro biznes.

So I am not, mon pa per personn. E mon ti kapab parey toulstan mon'n dir menm si ou mon manman, mon papa, mon tonton ou'n kas Lalwa mon ti pou met ou dan kaso. Sa mon krwar i enportan pou mete.

Prezan letan nou pe get ki rannman anmennen pou Gouvernman, nou bezwen get zot manda. Parey taler ou'n dir. Si ou komersyal ok, ou bezwen annan en manda. Prezan letan ou ladan ou bezwen set target pou anmenn sa, pou anmenn sa rannman.

E ozordi nou Lalwa ki mannyer ti ganny vote par Lasanble an 2013, ki mon'n erite. Napa sa targets ladan, i dir ou monitor targets. Mon pa ti la mon ti pe, an zot pa ti la ok.

So Lalwa ki nou annan ozordi e la nou'n met en *draft* devan ki pou vin devan Lasanble byento. Kot nou pou annan plis kontrol, plis enforcement, plis powers. Si i ganny adopte, ok? Kot nou kapab, en kot par egzamp en internal auditor i pa rapport avek CEO.

Menm mon ti a kontan menm ki si i raport ek *Board* i menm pa pas par *CEO*. Kot nou annan en kontrol osi en sa lyen zot vin nou lizye dan bann *SOEs* ki nou napa ladan.

Nou pa kapab zis envante al ekrir zot akoz i annan serten zot Avoka i reponn ou, i dir ou napa manda laba. Sa en pti minorite.

So tousala i tonm ek sa bann manda, sa bann komersyal ou kapab *asses* zot bann *investment*. Konnen kantite ou kapab, ou pe gannyen an retour dan sa prosen 1an, 2an, 3an.

Konnen ki zot bezwen dan sa nouveau Lalwa nou'n mete zot bezwen *submit* en legzanp *submit* en *business plan* toulezan. Pou nou kapab konnen kwa ki nou pou anmase, ozordi i pa dan nou manda sa.

Ozordi i al kot zot Minister. E enn pti pe danze, ou vwar serten nouveau Minis pe, i pa pas par nou pou al kot zot *SOEs* pou konnen ki leta.

Zot mont lo televizyon zot donn serten komitman. Akoz si ou, ou zis ekoute ou kapab osi apre tonm dan zot, dan serten *issues* ki nou pa konnen.

So si letan nou ganny sa manda pou *set targets*, nou kapab konnen konbyen nou

pou anmase, nou kapab. E i annan lezot nou konnen parey in dir i pa pou anmennen. Parey Onorab Cosgrow in dir kot i pa pou anmennen en, en *dividend* akoz son kalite servis.

Me parey Minis in byen dir, nou anvi ki zot, ki annan sa Polisi ki zot annan, ki par egzanp *SPTC* ki bann pri i *compute* byen. Nou konnen konbyen nou pe ganny rekonpanse, pou sa konbyen *compensation* devret donn zot. E ki zot operasyon i vin pli efektiv zot kapab tir bann, bann *cost*. So ziska ozordi nou, nou rol se dir Gouvernman. Fodre Gouvernman i *act upon*.

So sa ti lo mon premye, pwen. Kote kontribisyon lo kote *dividend* bann *commercial* mon konnen *SEYPEC*, *FSA* ti pe *submit*. Lo kote *dividend* nou ti annan *Financial Services Authority* an 2019, ou ti annan *IDC*, nou ti annan *Seychelles Civil Aviation Authority*, *SEYPEC*, *Nouvobang* ti pe *submit*, in pey en bout. E sa pou 2019.

Me an 2018 nou ti annan osi *SSI* ki ti pe pey en morso, me selman sa ti bann *minority interest* ki i ti pe pey li, li i ti pe transfer kot Gouvernman. *Ok?*

E lezot i annan serten ki ptipti, ki zot bezwen revwar zot loperasyon, pou zot kapab.

Apre i annan bann *subsidiaries* ki egziste annou pran legzanp *SEYPEC* i annan bann, i annan mon krwar 4 *subsidiaries* bann bato. *SEYPEC* li sa bann bato, i lwe sa bann bato avek sa bann konpannyen ki i annan.

Me selman li ki fer loperasyon. So sa larzan i antre dan kont *SEYPEC* e li ki pey *dividend* lo son kont pou li. Lakonpannyen li zis i pey sa bann *loan* i pa fer egzakteman sa bann profi ki mannyer son loperasyon in ganny striktire, depi pti sa bann keksoz in komanse.

So lo sa kote mon krwar trwazyenm ou'n demann Minis selman mon mazinen Minis i annan lenformasyon. Me selman mwan mon kapab donn, i *range from* konbyen to konbyen. Mersi.

MR SPEAKER

Wi Minis.

MINISTER NAADIR HASSAN

Mersi Mr Chair. Parey mon ti'n mansyonnen avan ler Onorab Mondon ti'n demann sa kestyon, i paret napa en lord dan saler ki bann *CEOs* pe ganny peye. E annefe mon ti fek demann sa lenformasyon *CEO* ki, ki'n anvoy mwan sa semenn.

E mon kapab dir diferan lantrepriz i pey diferan saler. E i *range from* sa ki mwan mon vwar so far from pli ba 40mil, pli ba i apepre 40mil e pli o i goes up to par lao R150mil par mwan.

So sanmenm sa ki mon ti pe dir ki i annan plizer sa bann saler ki ase, ase sokan. Ler mwan mon'n regarde e annefe mon pe koz ek *CEO*, ki nou pou bezwen devlop en Polisi ki pou gid bann *State-Owned Enterprise* ki mannyer zot set zot saler.

Akoz ou pe, ou pe annan ou en *CEO* ki kapab pe ganny de, trwa fwa saler menm en Minis. So i bezwen annan en louvraz ki ganny fer lo la pou met en pe disiplin lo bann saler ki bann *CEOs* i gannyen. Mersi.

MR SPEAKER

Wi, Onorab.

HON SANDY ARISSOL

Mersi Mr Chair. Mon ti a kontan dir *CEO* avek Minis mersi pou larepons. Mon ti anvi zis reasir *CEO* poudir Lalwa ki ti pase 2013 nou, nou pa ti dan Lasanble Nasyonal as *LDS*. Zis parti *US* ki ti la zot tousel. Mon mazinen zot in drafte zot Lalwa pou kel rezon. Sa i premye.

Zwe avek zot *one-man oppositions* ki ti la sa lepok, zot in drafte sa Lalwa. Be nou, nou pou donn ou sipor si ou pe anmenn en novo Lalwa, ki pou asire pou annan en lord dan sa dezord ki'n ganny kree pandan tou sa lannen.

Nou pou vot ou Bidze, pou fer sir ki ou Lalwa i ava pase pou ki a kontinyen annan en lord dan sa dezord ki'n ganny kree pandan tou sa lannen!

Dezyenmman pou Minis, ou a krwar Mr Speaker Minis osi i en pti pe per, per pou dir mwan zafer saler. Mon demann Minis saler, Minis i pa i dakor pou dir mwan i komans *from 40*. Selman, i dir mwan i al 100mil an montan. Si i komans 40 i bezwen annan enn ki *capping* 200, enn ek *capping* 300mil.

Minis mon ti a kontan ou dir nou *from 40mil pli ba ziska 400mil dernyen*. Mersi bokou Mr Chair.

MR SPEAKER

Wi Minis.

MINISTER NAADIR HASSAN

Mersi Mr Chair. Mersi Onorab. Wi pli, pli ba i annefe egzakteman R37mil e pli o i ariv R154mil.

MR SPEAKER

Ok. Byen. Mersi Minis Onorab Hoareau.

HON JOHN HOAREAU

Mersi Mr Chair. Bonn apre midi Minis ek ou delegasyon. Malerezman laplipar bann, bann entrevansyon in pran en pe dan mon lasyet.

Me mwan mon le anmenn a latansyon Minis lo *Financial Report 2020*. Ki i sipoze annan 412milyon ki'n ganny peye an term *dividends from bann SOEs*.

E zot sipoze dapre *revised budget* pey 477milyon. So i annan en *shortfall of 65milyon* ki mon ti a kontan petet, Mr Tirant ti kapab dir nou. Ki fason, si, ki si sa 65milyon pou ganny ranmase? Oubyen si i annan sa kapasite pou fer sa louvraz an term son lorganizasyon, si son lorganizasyon i annan sa kapasite pou fer sa louvraz? An vi ki serten bann *SOEs* ti tonm anba *SSI* ki'n aprezan tonm anba ou.

So zot louvraz in ogmante. So si zot annan pe zot pe ganny problem *capacity*. E osi avek lanons ki Prezidan Ramkalawan ti fer le 1 Fevriye *regarding* bann *Boards of* bann diferan parastatal, bann diferan

lorganizasyon, bann SOEs osi. Pou *streamline* e tir parey ti mon servi son mo “pou tir sa kantite lapo zonnyon”.

Eski, eski ou krwar poudir, oubyen ou kapab konfirmen poudir zot in fer en travay pou vwar lefikasite bann diferan *Board* dan diferan lorganizasyon, e zot in *advice correctly* Prezidan pour ki serten *Board* i kapab ganny *entrust* son louvraz par Minis? Mersi.

MR SPEAKER

Mersi CEO komanse. Wi?

CEO GEORGES TIRANT

Mersi Mr Chairman. Mersi Onorab. Onorab petet si ou ti kapab dir nou, akoz nou annan plizer rapor. Ou'n koz lo en Rapor 2020, si ou ti kapab donn nou son tit an antye pou nou kapab *refer back*?

HON JOHN HOAREAU

Financial Report 2020. Vwala, i ‘*Overview of revenue and expenditure for the year ended 31st December 2020.*’

CEO GEORGES TIRANT

Eski i ti ganny *published* par PEMC?

HON JOHN HOAREAU

Ministry Of Finance Economic Planning and Trade.

MR SPEAKER

Ok. Wi PS These wi. I a eklersi.

PS DAMIEN THESE

Mersi Mr Chair. Sel rapor ki nou’n submit, se sa *Section 31* ki nou soumet ek Lasanble Nasyonal pou *actual performance of* bann lannen 2020, nou pozisyon fiskal.

Lo *issue dividend* nou fer serten *forecast*. E parey nou konnen pa tou kou sa *forecast* ki ou pou *achieve* akoz i depan performans sa SOE.

Pou 2020 nou konnen ki ti annan en direktiv ki ti ganny donnen ki tou labank pa pou donn okenn *dividend*. E sa in afekte *Nouvobanq, Seychelles Commercial Bank* e osi *DBS* ki a serten pwen ti komans donn *dividend*, alor ou pa pou ganny li.

Ou ti annan ou SCAA osi ki, nou ti pe ekspekte *dividend* ek li. Mon krwar pa si in peye, akoz nou konnen li in ganny afekte severman avek rediksyon dan bann vol, ki son *main source of income*.

Savedir nou pa'n pran *dividend* ek li, akoz ou pou annan lefe advers osi lo 2021.

So pa tou kou sa *forecast* ki nou mete ki pou *achieve*. E zis pou donn serten lasirans, pa tou antite osi ki nou ekspekte *dividend* avek parey *SPTC*, *PUC HFC*, *PMC*, *Air Seychelles* nou pa pou zanmen al rod *dividend* ek zot, parsket zot bann korperasyon, zot *set-up* mannyer i ete.

Nasyon, Lapos, Linyon Estate nou pa pou al rod *dividends* avek. Nou bann *main landrwa* ki nou rod *dividend* i plizoumwen *Nouvobanq*, *SCAA*. E li i pe ganny afekte par sa de lannen, ou annan *SEYPEC* ki peye, e *SFA* ler in al *autonomous* osi i koman pey nou *dividend* apepre 30milyon depi lannen pase.

Nou annan *FSA* osi tou ki donn nou *dividend* e pou lannen 2021 nou'n met de antite avek fermtir *SSI* ki pou donn nou *dividend* e sa se *IOT* avek *IPHS* ki son *dividend* pou antre direkteman.

Nou'n fer atraver *PEMC Dividend Policy* ki pou plizoumwen, gid en pe sitye en pe negosyasyon *dividend*.

Akoz ti annan serten rezistans ek serten antite pou pa donn *dividend* enn ler. E gran mersi osi tou kou nou'n kapab *rely* lo bann antite parey *Nouvobanq* ek *SEYPEC*, pou

kapab donn nou *dividend* pou kapab asire ki Gouvernman i annan larzan pou konsolid son pozisyon.

So sa *Dividend Policy* i pou donn serten garanti ki Gouvernman i kapab ganny *dividend* ek sa bann landrwa. An prenon kont bann aktivite, oubyen bann *investment plan* sa antite.

E lentansyon se ki Minister Finans pou annan atraver Minis Finans pou annan *the final say*, lo sa *issue* si i vwar ki serten antite i kapab donn *dividend*, me i pa pe donnen ki i pe kit li ki i kapab servi li par egzanz pour *increase* saler ki i pa neseser. Mersi.

MR SPEAKER

Mersi PS. Eski *panel*, Minis oubyen *CEO* pou repran oubyen nou'n terminen?

CEO GEORGES TIRANT

Mon krwar PS in reponn.

MR SPEAKER

Ok.

CEO GEORGES TIRANT

Selman bann antite ki ti anba *SSI* zot ganny *monitor* par *PEMC*. Me selman nou, nou pa zwe sa rol ek *dividend*, nou zis kolekte lenformasyon lo

konbyen in peye pou al ver, pou nou kapab fer nou bann *analysis*. Mersi.

MR SPEAKER

Byen. Wi Onorab.

HON JOHN HOAREAU

Mr Chair ti annan en kestyon lo bann diferan *Boards*, ki petet Minis ou ti kapab reponn silvouple?

MR SPEAKER

Ok mersi. Wi Minis.

MINISTER NAADIR HASSAN

Mersi Mr Chair. Mersi Onorab pou ou kestyon. Ou kestyon ki ou ti demande se efikasite bann *Board*?

HON JOHN HOAREAU

Wi mon'n demande, konmkwa ki avek lanons ki Prezidan in fer pou retir en pe sa bann diplikasyon, eski in annan serten diskisyon, serten letid, oubyen serten travay ki'n ganny fer avek *PEMC*, avek ou pour kapab *advise* Prezidan lo sa nivo? Mersi.

MR SPEAKER

Mersi. Yes Minis.

MINISTER NAADIR HASSAN

Mersi Mr Chair. Wi Onorab annefe Minister Finans pe

travay an *very close collaboration* avek *PEMC*. E mwan ler mon'n koz ek *CEO* parey mon ti pe dir, sa i en keksoz ki enteres mwan bokou lo kote gouvernans akoz mon *background* i bokou lo sa *issue* gouvernans.

E mon pe travay avek *CEO*, pou nou kapab met an plas sa striktir gouvernans ki pli *optimal*. E i annan en kantite keksoz, i annan *The Dividend Policy* ki'n ganny aprouve, *The Ownership Policy* la i annan ankor plizyer lezot proze ki mon pe donn li sipor. E i annan lamannman Lalwa ki pe vini.

So wi, nou pe travay an *close kolaborasyon* avek *PEMC* e atraver sa kolaborasyon, nou kapab donn *Cabinet of Ministers* ki *include* Prezidan *the best advice* lo gouvernans bann SOEs. Mersi.

MR SPEAKER

Wi *CEO*?

CEO GEORGES TIRANT

Zis pou azoute Onorab, dan sa *Ownership Policy* enn bann rol ki nou'n *define* pou *PEMC* ki pa egziste ozordi dan Lalwa, kot nou si oule, me i egziste ziska la pou le moman, se ki nou pa zwe en rol dan lapwentman, ni dan *due diligence*.

E sa i en danze, akoz ou bezwen fer *due diligence* annandler petet sa dimoun ki ou pe swazir, menm si in dir ou wi ou pa'n konnen si i annan en *conflict of interest* dan en lot konpannyen. E ki kapab koz en, demen i kapab koz en *issue*.

So nou sipoze pe zwe sa rol. Ok? Pou le moman i ganny fer par *Cabinet* sa, ouswa kapab fer *due diligence* zis pou averti, pou *advise* Gouvernman e sa bann *Board Members* ki pe ganny propoze i *ok* avan ki Prezidan i fer lapwentman.

Me selman kot i annan par egzanp *Central Bank* i fer, nou pa pou bezwen fer, akoz zot in deza fer.

MR SPEAKER

Mersi CEO.

HON JOHN HOAREAU

Minis mon remersi ou pou sa, pou sa konfirmasyon ki ou'n donnent. Mersi.

MR SPEAKER

Mersi Onorab Pillay.

HON SEBASTIEN PILLAY

Mersi Mr Chairman. Mr Chairman bonn apre midi. Bonn apre midi tou dimoun ki a lekout. Bonn apre midi Minis

byensir avek ou delegasyon ankor enn fwa.

Mr Chairman, mon'n asize mon'n ekoute la e mon, e mon konpran akoz Onorab Arissol in koz parey in koze. Akoz *panel*, pa'n mal ede pou konfiz, konfiz nou en pe.

E apre mon krwar zot in komans sorti en pe dan sa konfizyon e zot in komans fer serten klarifikasyon. Akoz si zot ti'n komanse par dir nou poudir i annan en group antite ki zot, zot rol i statitwar i annan en Lalwa ki set zot up.

E zot rol se donn en servis, parey *PUC* e si Gouvernman i al rod *dividend* ek *PUC* demen Gouvernman pou bezwen redonn larzan *PUC* pou son bann proze, nou pou dan en problem.

I annan *PMC*, *Property Management Corporation* li osi i annan en Lalwa. E si Gouvernman i ale i al rod *dividend* avek *PMC* kot i pou ganny *dividend*, akoz isi *Sesel Property Management Corporation* i *subsidiies housing cost*. Ok?

Port Authority li osi i annan en Lalwa, i statitwar. Si ou pou al rod *dividend* ek li i annan son bann *expansion* so i annan son *retained earnings*.

E mon kontan lo dezyenm bout Minis ou'n komans fer sa

kler akoz lo komansman zot in vin penn en portre ki tou ti en *wild west* tou sa bann antite pe fer sa ki zot anvi.

E mon krwar kestyon spesifik ki'n ganny demande ki pa'n ganny reponn, sete lekel bann antite ki pa pe *comply oubyen* ki pe *act parey cowboy* ki pe fer sa ki zot anvi? Sete sa kestyon ki sipoze ganny reponn.

Pa fer en alegasyon zeneral e ki'n donn en lenpresyon Lasanble ki *everything is a Wild WEST* e ou pe ganny bann kestyon ki ou pe gannyen.

Par egzanp nou annan nou 3 labank, ki gran ki tonm anba *Financial Institution Act, regulated by The Central Bank of Seychelles*. Ladan i annan *Seychelles International Mercantile Banking Corporation* ki nou Gouvernman i en *shareholder* ansanm avek *Standard Chartered Bank*. Ok?

As a *shareholder* nou sipoze ganny *dividends*. Kestyon petet ki nou ti devret pe reponn se lekel ki reprezant nou as a *shareholder* lo sa enn? E ki mannyer prezan koman *Nouvobanq*, apard parey nou'n vwar dan bann Rapor *Nouvobanq* ler i poste bann profi.

Ki kantite larzan ki kapab retourne kot Gouvernman? Nou annan *Seychelles Commercial Bank* ankor enn fwa ki nou, nou en *shareholder* ansanm ek lezot dimoun ki'n aste *shares* dan kof *Seychelles Commercial Bank*. Konbyen *dividend* nou kapab gannyen from sa enn?

Apre nou annan *DBS*, ki osi i en antite. Me *DBS* mon pa tro vwar ki mannyer *DBS* pou pey Gouvernman *dividends*, akoz ankor enn fwa son rol se *act koman* en *financial body* pou developman.

E li son *main, income* i from bann *Grants* ki i gannyen, ki i pran larzan i met dan bann keksoz. Sa ti en leksplikasyon ti bezwen ganny donnez pour ki nou pa antre dan en konfizyon.

So premye kestyon ki mwan mon annan. I annan tou sa bann antite, klasifikasyon sa bann antite ti ganny fer dan en letan, i annan en nouveau Gouvernman. Eski nouveau Gouvernman pe al re klasifye sa bann diferan antite?

Eski nou pou vwar *repeal* serten Lalwa ki'n kree bann antite statitwar? E ki sa bann antite pou vin fwa parti, bann *parent Ministries* e zot pou vin a ekstansyon *delivery* sa bann Minister? Sa i mon premye kestyon.

Mon dezyenm kestyon i lo size *dividends*. Gouvernman avan ki ti etabli sa bann antite dan diferan rol, bann ki ti annan rol komersyal ti anba *Companies Ordinance 1972* e anba *Companies Act* zot annan serten, pa serten manda. Me zot annan en rol. E *Companies Act* i set en *framework* otour zot, ki ou koman Gouvernman malgre ou en *shareholder*, ou pa kapab zis antre fer sa ki ou anvi.

So eski Gouvernman i annan lentansyon tir sa bann konpannyen, ki anba *Companies Act* e met li anba bann Lalwa statitwar, si oule Leta prezanz i pou antre an konpetisyon direk avek sekter prive?

E si sa Minis si ou permet mwan Minis, Minis, Minis Derjacques ti dir nou zot Polisi i plito liberal. Me la mon pa ganny en konpran, si zot Polisi i liberal, sa enn i en Polisi ki bes lo kontrol so, sey eksplik nou sa?

Mon trwazyenm kestyon i lo sa size *Board* e kontrol e sa size Lalwa *PEMC*. Mon le koriz en *misapprehension*.

Wi ti annan en Lalwa *PEMC* ki ti pase an 2013. Me Lasanble, son memwar i kourt parske an 2016, sizyenm Lasanble e sa letan sete

Prezidan Ramkalawan ki ti Tyermenn *FPAC* i ti ganny en gro pouwar li.

I ti ganny en pouwar an 2016 anba Lasanble kot *LDS* ti an mazorite, ki ti dir ki *Chairperson* e *Board* sak *public enterprise*, enkli son *CEO* oubyen okenn lezot dimoun *administrative* i kapab *attend*, okenn *meeting FPAC* pou vin prezant son *Annual and Financial Report* avek *public enterprise*.

Be sa *FPAC* avan pa'n zanmen fer. So annou pa kree konfizyon kot napa. So sa pouwar i la, e baze lo sa *Minister*, mon ti a kontan demann ou sa dokiman ki ou'n donn nou *regarding* bann saler, pou *provide* sa ek *FPAC* ki tou Manm i ava gannyen e zot ava vwar konbyen saler pou bann antite komersyal i ete? E konbyen saler pou bann antite statitwar i ete?

Akoz mon pa krwar Minis ki *CEO PEMC* i ganny sa kantite, ou a koriz mwan si mon mal. Mon ava ekspekte ki *CEO* ki dan en labank i ganny en serten kantite. Me si annan okenn *discrepancy*, then nou a kapab ed, ed *Minister Finans* donn li lanmen met lord dan sa bann, dan sa bann keksoz ki pe arive.

So si Minis ou annan sa lenformasyon ou kapab ler Lasanble i fini, pas li ek Clerk e bann Manm FPAC ava gannyen pou zot kapab *digest* en pe plis lenformasyon. Mersi Mr Chairman.

MR SPEAKER

Mersi Onorab. Minis.

MINISTER NAADIR HASSAN

Mersi Mr Chair. Mersi Onorab pou ou kestyon. Lo ou premye komanter *regarding* konfizyon. Mon krwar mwan menm ek CEO ti vreman kler dan nou leksplikasyon e mon pa krwar ou devret blanm nou si ou konfize.

Lo dezyenm kestyon: *Dividend* Polisi, ou konnen nou'n mansyonnen poudir Cabinet ti aprouv en *Dividend Policy* e, e sa *Dividend Policy* li i set out ki *dividend* ou pou peye. So si ou *statutory body* parey PUC, SPTC through the *Dividend Policy* lekspektasyon se ki ou pa pe *dividend*.

Me si ou en *Nouvobanq*, en SEYPEC, then i set out to *Dividend Policy*. E ou *Dividend Policy* li i pou dir ki kantite larzan pou kite pou *retained earnings*, pou ou fer ou bann envestisman, ki kantite ou pou donn Gouvernman as

dividends. So this is the *Dividends Policy*.

Ou trwazyenm kestyon lo Board, kontrol, Lalwa mon pa'n tro konpran sa enn kestyon kekfwa ou a repete, mon ava reponn.

Me lo kote bann kestyon ki ou'n demande lo *statutory entities*. Mon pa krwar sa i Polisi Gouvernman. I annan en faz restriktirasyon ki'n ganny anonse, ki'n fini ganny anonse. Ki bann lamannman Lalwa pe ganny fer.

Me pou bann *entities* ki pe *operate commercially* anba *Companies Act*, i pa pou Polisi Gouvernman pou sanz sa, apard bann ki'n ganny anonse dan premye faz restriktirasyon. So si ou ti kapab zis repet mwan ou trwazyenm kestyon mon a pran sa silvouple.

MR SPEAKER

Wi Minis. Mersi.

HON SEBASTIEN PILLAY

Mersi Mr Chairman. Mr Chairman avan mon, mon repet, mon trwazyenm kestyon, mon le zis, mon le zis fer kler avek Minis ki ler ou'n komans eksplik nou sa *landscape* bann PEs.

Premye kestyon ki Onorab Lemiel ti demann zot se ki kantite PEs i annan? E ler

zot in eksplike, zot in komans al dan detay bann *non-compliance* ki bann *PES* pe fer e sanmenm nou komans ganny differan kestyon lo lekel ki fer Mr Tirant per. Lekel ki pa fer li per. Lekel ki fer isi, lekel ki fer laba.

Sa ki nou ti bezwen, e kot nou tou nou konnen kote i riske annan problem se kot bann *PES* ki pe fer - nou konnen bann ki annan en serten konponan komersyal in annan bann problem;- par egzant an relasyon avek *Air Seychelles*.

Me li i fer en rol komersyal me in osi annan bann *PES* ki annan en rol statitwar ki Gouvernman i konsernen avek zot *ambit*. Akoz anba *Public Finance Management Act* Gouvernman i set en *cap* lo *borrowing* ki zot kapab fer.

So mon pa krwar mwan ki konfize Minis. Sa ki mon pe sey fer ou konpran se ki si nou pou fer en zeneralizasyon lo bann *PES* i pou kree en konfizyon, akoz nou pa pe sey separ le de konponan, lekel ki fer rol komersyal e lekel ki fer rol statitwar? Parey Onorab Cosgrow in, in sey fer ou konpran.

So mon trwazyenm kat kestyon an relasyon avek sa

Board e lo *Dividend Policy* ou pa'n vreman reponn mwan. Se ki mannyer zot pou al *set* bann kriter pou bann *Board*, an relasyon avek bann antite komersyal?

Par egzant pou *Nouvobanq*. Nou en *shareholder* nou, nou pa *the owner of Nouvobanq*. Nou annan, nou annan *majority shareholdings* mon konpran.

Be selman i annan en lot konponan, en lot konpanyen, en lot antite ki annan *shareholding* dan *Nouvobanq*. Eski nou ki *set* tou *Board Members* *Nouvobanq*? Par egzant pou *SCB*, mon krwar *SCB* nou annan plis kontrol, so eski nou ki *set* *Board Members*? So se sa ki nou bezwen konpran ki plan Gouvernman *going forward*?

E prezan vi ki mon annan *floor* Mr Chairman. Nou annan en antite par egzant *PUC*. E mon bezwen met sa a ou latansyon Minis akoz mon fek ganny sa lenformasyon mwan osi, i annan en konsern par egzant la. E ou a *note* sa e ou ava, ou ava, ou ava, ou ava *take up*. Ki i annan en estimasyon ki pe fer lo bann *bill* elektrisite.

Mon, mon ankor mon stand to be corrected, e sa estimasyon pe montre bann

montan vreman o. Dimoun pe ganny en bann *bill* ki vreman o.

Mon pa konnen si lezot Manm in ganny sa. E mon ti a kontan met sa a ou latansyon Minis la koman ou la, pou ki sa i en keksoz ki ganny *taken up* e i ganny klarifye. E si *PUC* i bezwen sorti fer serten *statement* e i fer li lo la. Mersi Mr Chairman.

MR SPEAKER

Mersi Minis. Wi.

MINISTER NAADIR HASSAN

Mersi Mr Chair. Mersi Onorab. Lo ou kestyon kriter pou *Board*, ou'n servi de legzanp parey *Nouvobanq* ek *SCB*. So normalman ou *shareholders* i apwent *the Board*. So in the case of *Nouvobanq* i annan de *shareholder* Gouvernman e *Standard Charter*. E *Commercial Bank* i pou annan bann account, bann account holders ki ti aste share.

E osi Gouvernman ki retain *shareholding* ladan. So sa de *shareholders* zot apwent zot bann Manm. E pou bann labank i annan en ... Sa i bezwen ganny aprouve par Labank Santral i fer due diligence lo sa bann *Board Members before*.

So Gouvernman i nominate, it goes to Central Bank e zot ganny apwente. Lo lezot *Board* ki zot, zot - Gouvernman i zis apwente napa en due diligence process required.

Proposal ki nou pe travay lo la avek *PEMC* se ki, i annan en process of nomination e *PEMC* i fer en due diligence parey CEO ti pe anons pli boner. E baze lo la then si zot, zot fit and proper, then zot ganny apwente lo sa *Board*. So obviously ler ou pe anons, ou pe, ou pe compose en *Board* i bezwen annan bann kriter.

E dan lepase tradisyonnelman, se i dir serten *Board* se, i annan en manm sorti, sa en manm. Konmsi i spesifik ki bor sa bann *Board Members* i sorti.

Me ler ou get novo, novo standar, gouvernans i plis look at the competency and skills ki sa dimoun i anmennen lo *Board*. So i dan sa direksyon ki nou pe ale, in terms of kriter ki pou apwent *Board members*. Mersi.

MR SPEAKER

Wi CEO?

CEO GEORGES TIRANT

Mersi Mr Chair. Zis pou azoute lo bout dividend Onorab. I pa-

dan sa, Polisi. E menm avan sa Polisi i pa forseman zis bann komersyal ki pou peye. Komersyal byensir, nou i bezwen annan en performans. Tou i bezwen annan en performans.

Me selman i annan *statutory bodies*. Annou pran legzanp DBS, FSA, SPA zot in deza peye *dividend*. I pa pou menm parey larestan, sanmenm ki nou, sa Polisi anpes Gouvernman, demann li tan pou - pa dir anpese, dir Gouvernman konmsi pe met en kontrol ki ou pa zis demann li 100milyon, 200milyon, me selman i en diskisyon.

Akoz i kapab annan son bann *investments*. Me kot ou en antite ki pa pou kapab forseman pey *dividend* dan si ou pe fer en *fully public service obligation, then*. E se ki mannyer dan ou performans pou ou *try to aranz* ou bann *cost*. *Operational cost*, ki ou kapab either *break even* or napa sa *burden* lo *national budget*.

Me ankor enn fwa ki enportan note, se ki zot ganny *compensate* pou sa bann servis. *Either* par diferan par Gouvernman or par bann konsesyon. Mersi.

MR SPEAKER

Mersi CEO. Onorab Georges.

HON BERNARD GEORGES

Mersi Mr Chair. Mr Chair mon krwar en keksoz ki'n sorti byen kler la apre midi. Se en defayans ki *build in* dan striktir Gouvernman. Pa neseserman sa Gouvernman, me tou Gouvernman. E sa se bann antite ki *make-up* en Gouvernman i tant pou travay dan bann *silos*.

E enn bann keksoz ki tou Gouvernman i bezwen esey anpese a tou moman, se sa lide *silos* kree en pti lanpir e pi vin responsab pou ou prop lekor.

E se kekfwa avek, avek en lespri kas sa, esey annan en sistenm entegre ki en antite parey *PEMC* ti ganny kree *amongst other mandates* pou, pou kapab, pou kapab *apply*.

E nou'n vwar difikilte par bann repons apre midi ek bann kestyon, difikilte *apply* sa across the Board dan en fason ki pou ekitab oubyen en fason ki pou, ki pou *fair*.

E sa ki arive se ki, ou vwar ki i annan de pwa de mezir. E problem de pwa de mezir toulstan i pou *raise* en serten kantite *resentment*.

Akoz ki i en CEO, en antite piblik, i devret ganny parey i annan ki ganny en saler *pharamineux*. Zis akoz li in ganny sans pour li vin CEO

en lantrepriz ki fer larzan parey *Nouvobanq*, parey *SEYPEC* eksetera.

E en lot ki kekfwa i travay *equally hard*, kekfwa menm pli dir ankor, me li akoz son antite, pa fer larzan li i ganny pey mwens. E mon krwar se la kot, kot *resentment* i arive, e sa la kot i rol *PEMC* pou sey egaliz sa teritwar.

E mon kontan ki Minis in donn nou son langazman a plizyer repriz apre midi. Ki se sa enn son bann lobzektif.

Alors sa ki, sa ki mwan mon ti ava propoze e mon napa okenn kestyon. Mon krwar tou bann kestyon in ganny reponn, se sa keksoz ki, *CEO PEMC* apre midi in plizoumwen angaz li pou fer.

E olye esper Gouvernman anmenn en Lalwa *CEO*, propozisyon ki sorti kot nou se ou ki'n ganny mouye dan sa antite pou sa detrwa lannen. E ki'n vvar defayans sa anba sa Lalwa ki ou pe travay anba *for the time being*. Propoz bann amannman ki ou krwar i neseser; propoz ledan ki ou, ki ou bezwen pou ou al mord sa bann, sa bann antite.

E dan sa fason mon krwar ki ou ava annan en zouti travay ki ava permet ou *achieve* sa lobzektif ki ou anvi *achieve*, olye sa lobzektif ki sa

ladministrasyon presedan en 2013 in set lo ou.

Akoz en kantite keksoz in arive depi 2013, en kantite sanzman in arive dan pei. Sirtou lannen pase, i annan en konpletman diferan *mindset* lo ki mannyer Gouvernman i devret ganny striktire, e ki mannyer ladministrasyon i devret travay.

Alor *taking this onboard* mon propozisyon pou ou ek pou Minis mon konnen zot, zot, zot pou aksepte. Se travay lo en nouveau striktir, vin avek devan Lasanble.

E nou ava ganny en deba e fer sir ki ou ganny sa zouti travay ki ou bezwen pou ou kapab akonplir sa manda ki ou, ou krwar ki *PEMC* i devret, i devret annan, *rather than* sa enn ki ou bezwen *constrained* pou ou viv ladan. Mersi Mr Chair.

MR SPEAKER

Mersi. Wi *CEO*.

CEO GEORGES TIRANT

Mersi Onorab pou ou pwen. E mon kapab dir travay in fini ganny fer. Nou'n fini *submit* ek Minister Finans. I en louvraz ki mon'n pran li an *main* depi lannen pase. Ki ti'n kapab kout nou 40milyon, \$40mil, selman avek serten mon bann *key*

staff nou'n draft, nou'n met dan en draft form ki nou a, esper petet ou lopinyon legal ek lezot AG's Office lo la. Mersi.

MR SPEAKER

Mersi CEO. Byen nou'n arriv a lafen deba lo sa Bidze. Nou a pran vot lo Bidze pou *Public Enterprise Monitoring Commission* ki lo paz 198 ziskan 202 pou en total R8milyon 170mil.

Manm ki an faver lev lanmen silvouple? Tou Manm in vote. Lo Bidze pou *Public Enterprise Monitoring Commission* ki lo paz 198 ziskan 202 pou total R8milyon 170mil. 30 Manm in vot pour, 0 kont e 0 abstansyon.

Alor Bidze in aprouve par Lasanble. Avek sa mon a dir. Mersi bann Manm e mersi *panel*, Minis ek PS e osi bann zofisyen *Public Enterprise Monitoring Commission* Mr Tirant e Mrs Rose, pou zot partisipasyon.

Nou pe aret la pou ozordi. E nou a pas dan Staz Lasanble pou nou *adjourn*. E nou a pran travay demen bomaten 9er. Mersi. *Adjourn*.

(ADJOURNMENT)